

अज्ञातकर्तृक प्रबन्ध-चतुष्टय (प्राकृतभाषानिबद्ध)

: संपादक :

डॉ. रमणीक म. शाह

अध्यक्ष, प्राकृत-पालि विभाग, भाषा साहित्य भवन,
गुजरात युनिवर्सिटी, अमदावाद.



श्री हेमचन्द्राचार्य

: प्रकाशक :

कलिकालसर्वज्ञ श्रीहेमचन्द्राचार्य नवम जन्मशताब्दी
स्मृति संस्कार-शिक्षणनिधि
अमदावाद

१९९४

अज्ञातकर्तृक प्रबन्ध-चतुष्टय (प्राकृतभाषानिबद्ध)

: संपादक :

डॉ. रमणीक म. शाह

अध्यक्ष, प्राकृत-पालि विभाग, भाषा साहित्य भवन,
गुजरात युनिवर्सिटी, अमदावाद.



श्री हेमचंद्राचार्य

: प्रकाशक :

कलिकालसर्वज्ञ श्रीहेमचन्द्राचार्य नवम जन्मशताब्दी
स्मृति संस्कार-शिक्षणनिधि
अमदावाद
१९९४

प्रबन्ध-चतुष्टय

सं. डॉ. रमणीक म. शाह

© सर्वाधिकार सुरक्षित

प्रथम आवृत्ति : ई. १९९४, वि. सं.२०५०, वीर नि. सं. २५२०
प्रत : ४००

मूल्य : ५० रु.

प्रकाशक : कलिकालसर्वज्ञ श्रीहेमचन्द्राचार्य नवम जन्मशताब्दी
स्मृति संस्कार-शिक्षणनिधि
C/o. पंकज सुधाकर शेठ
२७८, माणेकबाग सोसायटी, माणेकबाग होल पास,
आंबावाडी, अमदावाद-१५.

प्राप्तिस्थान :

१. सरस्वती पुस्तक भंडार
रतनपोल, अमदावाद-१.
२. श्री विजयनेमिसूरि ज्ञानशाला
पांजरापोल, रिलीफ रोड,
अमदावाद-१.

मुद्रक : नंदन ग्राफिक्स
१८७, दोशीवाडानी पोळ, कालुपुर,
अमदावाद-३८०००१.

પ્રકાશકનું નિવેદન

જૈન શાસનના પ્રાણસમા જીવદયા-અહિંસાધર્મના મહાન જ્યોતિર્ધર કલિકાલસર્વજ્ઞ શ્રીહેમચન્દ્રાચાર્યની નવમી જન્મશતાબ્દી (વિ.સં.૧૧૪૫-૨૦૪૫)ની પુણ્યસ્મૃતિમાં, પરમપૂજ્ય આચાર્ય શ્રીવિજયસૂર્યોદયસૂરીશ્વરજી મહારાજની પ્રેરણાથી સ્થપાયેલા અમારા ટ્રસ્ટના ઉપક્રમે ચાલતી ગ્રંથમાળામાં, એક પ્રાચીન, ઐતિહાસિક અને અઘાવધિ અપ્રકાશિત એવા પ્રાકૃત ગ્રંથનું પ્રકાશન કરતાં અમો અનેરા હર્ષ તથા ગૌરવની લાગણી અનુભવીએ છીએ.

આ ટ્રસ્ટના આશ્રયે પૂજ્ય આચાર્યશ્રીની પ્રેરણા તથા તેઓના શિષ્ય પં.શ્રી શીલચન્દ્રવિજયજીના સત્પ્રયાસને પરિણામે અમો વિદ્વાનોને “શ્રીહેમચન્દ્રાચાર્ય ચન્દ્રક”નું પ્રદાન, પરિસંવાદો, અનેક ગ્રંથોનું પ્રકાશન તથા “અનુસન્ધાન” નામની શોધપત્રિકાનું પ્રકાશન વગેરે સત્પ્રવૃત્તિ કરી શકવા શક્તિમાન બન્યા છીએ. ગ્રંથપ્રકાશનના કાર્યમાં અમને ડો.હરિવલ્લભ ભાયાણી તથા અન્ય વિદ્વજ્જનોનો ઉમદા સહયોગ પણ પ્રાપ્ત થયો અને થાય છે, તે અમારું સૌભાગ્ય છે.

પ્રસ્તુત ‘પ્રબન્ધ-ચતુષ્ટય’ગ્રંથનું સંપાદન કરી આપવા બદલ પ્રાકૃતસાહિત્યના વિદ્વાન પ્રાધ્યાપક ડો.રમણીકભાઈ મ. શાહનો અમે હાર્દિક આભાર માનીએ છીએ. પં.શ્રી શીલચન્દ્રવિજયજી ગણીની પ્રેરણાનુસાર, આ પ્રકાશનમાં આર્થિક સહાય કરવા બદલ વિશ્વનંદીકર વાસુપૂજ્ય વિહાર જૈન રીલીજીયસ ટ્રસ્ટ (અરૂણ સોસાયટી, પાલડી, અમદાવાદ)ના ટ્રસ્ટીગણનો પણ અમે આભાર માનીએ છીએ. પુસ્તકના મુદ્રણાદિ કાર્ય કરી આપવા બદલ નંદન પ્રાફિક્સના શ્રી હરીન્દ્ર જે. શાહ તથા હેમન્દ્ર જે. શાહના પણ અમે આભારી છીએ. આશા છે કે અમોને આવા અનેક ગ્રંથોના પ્રકાશન દ્વારા સાહિત્ય જગતની તથા ધર્મની સેવા કરવાનો લાભ સદાય મળતો રહેશે.

લિ.

કલિકાલસર્વજ્ઞ શ્રી હેમચન્દ્રાચાર્ય નવમ જન્મશતાબ્દી
સ્મૃતિ સંસ્કાર-શિક્ષણનિધિના ટ્રસ્ટીઓ

અમદાવાદ.

તા.૧૫-૮-૮૪

विषयानुक्रम

१. प्रकाशकनुं निवेदन

२. आभुष

डॉ. र.म.शाह

१. सिद्धसेन दिवाकर-कथानक	१
२. पादलिप्तसूरि-कथानक	८
३. मल्लवादि-कथानक	३२
४. बप्पभट्टि-कथानक	३७
५. परिशिष्ट-१	८०
सिद्धसेनसूरि कथा	८०
मल्लवादिसूरि कथा	८१
पादलिप्तसूरि कथा	८४
६. परिशिष्ट-२, प्रबन्ध चतुष्टयान्तर्गत-	
समुद्धृत-पद्यानां प्रतीक-सूचि :	९९
७. परिशिष्ट-३ विशेषनाम-सूचि :	१०१
८. नुक्तेथीनी	१०४
९. परिशिष्ट-४ कालकसूरि कथा	१०५

આમુખ

શ્રી હેમચન્દ્રાચાર્ય જૈન જ્ઞાનમંદિર, પાટણની એક માત્ર તાડપત્રીય હસ્તપ્રત પરથી પ્રસ્તુત 'પ્રબંધ-ચતુષ્ટય'નું સંપાદન કરવામાં આવ્યું છે. મૂળ પાટણના જ સંઘવી-પાટક જ્ઞાનભંડારની નં. ૩૧૭ની (પાટણના તાડપત્રીય હસ્તપ્રતોના સૂચિપત્ર પૃ. ૧૯૪ પર નોંધાયેલ) આ તાડપત્રીય પ્રતનો નવો નંબર ૧૩૬/૨ છે. પ્રત પરની કાષ્ઠપટ્ટિકા પર કૃતિ વિશે સિદ્ધસેન દિવાકર ચરિત્રાદિ ૪ ગ્રંથ, પત્ર-૧૦૫' એવી નોંધ છે. હાલ તેમાં પત્ર નં. ૪, ૬, ૧૦, ૧૨, ૧૩, ૧૫, ૧૬, ૩૫, ૪૦, ૫૧, ૭૦, ૭૫, ૭૬, ૭૭, ૭૮ અને ૧૦૪ એમ કુલ ૧૭ પત્રો ઉપલબ્ધ નથી, પત્ર ૩૭ મું ખંડિત છે એ સાથે કુલ ૮૮ પત્રો મળે છે.

પત્રો લગભગ ૧૪.૨" x ૧.૫" (૩૫.૨ x ૪ સે.મી.) માપનાં છે. પ્રત્યેક પત્રમાં સુવાચ્ય દેવનાગરી લિપિમાં ૩ થી ૪ પંક્તિઓ અને પ્રત્યેક પંક્તિમાં લગભગ ૪૫ અક્ષરો લખાયેલ છે. કેટલાંક પત્રોમાં શાહીના ફેલાવાના કારણે લખાણ તદ્દન ઝાંખું, અસ્પષ્ટ અને અવાચ્ય બની ગયું છે. કોઈ કોઈ જગ્યાએ પત્ર સહેજસાજ ખંડિત થવાથી પણ થોડું ઘણું લખાણ કપાઈ ગયું છે.

પત્ર ૧/૨ થી ૧૧/૧ પંક્તિ ૧ સુધીમાં (કુલ ૧૧ બાદ ખૂટતા ૩=૮ પત્રોમાં) ૭૦ પદોમાં સિદ્ધસેન કથાનક, પત્ર ૧૧/૧ થી ૪૩/૨ સુધી (કુલ ૩૪-ખૂટતા ૮=૨૭ પત્રોમાં) ૨૫૮ પદોમાં પાદલિપ્તસૂરિ કથાનક, પત્ર ૪૪/૧ થી ૪૮/૧ (કુલ ૭ પત્રોમાં) ૫૪ પદોમાં મલ્લવાદિ કથાનક અને પત્ર ૪૮/૨ થી ૧૦૫/૧ સુધી (કુલ ૫૭-ખૂટતા ૭=૫૦ પત્રોમાં) ૪૭૦ પદોમાં બપ્પભટ્ટિસૂરિ કથાનક આવે છે.

પ્રતમાં અંતિમ પદના છેડે પદસંખ્યા ૬૮૫ લખેલ છે. પરંતુ ઉપલબ્ધ પદોની સંખ્યા જ ૮૫૩ (જેમાં અખંડ ૮૪૦ પદો છે) થાય છે. તે જોતાં લાગે છે કે લિપિકારના ભ્રમથી ૮૮૫ ને બદલે ૬૮૫ અંક લખાઈ ગયેલ હશે. આમ હોય તો ખૂટતા પત્રોના કારણે આશરે ૧૫૦ જેટલાં પદો ખૂટે છે તેમ માની શકાય. પ્રતિપત્ર લગભગ ૮ પદો મળે છે તે જોતાં ખૂટતા ૧૭ પત્રોમાં ૧૫૦ જેટલાં પદો હોય તેમ અનુમાન કરી શકાય. આ ગણતરીએ પણ અંતિમ પદનો અંક ૮૮૫ હોવાનું માની શકાય.

ગ્રંથાંતે પત્ર ૧૦૫/૧ પર આપેલી પ્રશસ્તિ પરથી જાણી શકાય છે કે પ્રત વિ.સં. ૧૨૯૧ (ઈ.સ. ૧૨૩૫)માં લખાઈ છે.

પ્રતમાં પદોને કોઈ ક્રમાંક આપવામાં આવેલ નથી. પ્રસ્તુત સંપાદનમાં પદોને સળંગ ક્રમાંક આપ્યો છે. ખંડિત પદોને-જેમાં ક્યારેક તો એકાદ શબ્દ જ મળે છે - પણ સ્વતંત્ર ક્રમાંક આપેલ છે. પ્રત પ્રાય: શુદ્ધ છે. અશુદ્ધ પાઠને ટિપ્પણમાં નોંધી મૂળમાં પાઠસુધારણા કરી છે. ક્વચિત ખૂટતા પાઠની પૂર્તિ ચોરસ કૌસમાં કરી છે. ક્યાંક અશુદ્ધિ નિવારી શકાઈ નથી ત્યાં અશુદ્ધ કે અસ્પષ્ટ પાઠની સામે ગોળ કૌસમાં પ્રશ્નાર્થ મૂકેલ છે.

પ્રતમાં કૃતિનું નામ આપેલ નથી, માત્ર કાષ્ઠપટ્ટિકા ઉપર 'સિદ્ધસેન દિવાકર ચરિત્રાદિ ૪ ગ્રંથ' એવી કોઈએ કરેલી નોંધ છે. મધ્યકાલીન ચરિત્રકથાનક બહુધા પ્રબંધ તરીકે ઓળખાય છે. આથી જેમાં આવા ચાર ચરિત્રકથાનકો છે તેવા ગ્રંથનું નામ 'પ્રબંધચતુષ્ટય' રાખવું ઉચિત સમજી મેં પ્રસ્તુત કૃતિનું નામ 'પ્રબંધચતુષ્ટય' આપ્યું છે. આથી પ્રબંધચિંતામણી, પ્રબંધકોશ જેવા સુપ્રસિદ્ધ પ્રબંધગ્રંથો સાથે તેના સામ્યનો નિર્દેશ પણ થઈ જાય છે.

ગ્રંથના રચયિતા કે રચના-સમયનો કોઈ નિર્દેશ ગ્રંથમાંથી મળતો નથી. પરંતુ પ્રશસ્તિમાં ગ્રંથ-લેખનનું વર્ષ વિ.સં.૧૨૮૧ (ઈ.સ.૧૨૩૫) સ્પષ્ટ નોંધાયેલ છે. આથી ગ્રંથરચનાની ઉત્તર સીમા ઈ.સ.ની બારમી સદીનો અંતભાગ માની શકાય.

ઐતિહાસિક દૃષ્ટિએ પ્રબંધોનું મહત્વ વિદ્વાનોને સુવિદિત છે. પ્રબંધોમાં મુખ્યત્વે ધર્મદૃષ્ટિએ મહાન અને પ્રભાવક ગણાતા પુરુષોનાં ચરિત્ર-કથાનકો આલેખાયેલા મળે છે. પ્રભાચંદ્રાચાર્ય વિરચિત પ્રભાવકચરિત (વિ.સં.૧૩૩૪), મેરુતુંગાચાર્ય-વિરચિત પ્રબંધચિન્તામણિ (વિ.સં.૧૩૬૧), રાજશેખરસૂરિ-વિરચિત પ્રબંધકોશ (વિ.સં.૧૪૦૫) આવા જાણીતા પ્રબંધસંગ્રહો છે. આ બધા અઘાવધિ પ્રાપ્ત પ્રબંધ-સંગ્રહો સંસ્કૃત ભાષા-બદ્ધ છે. પ્રસ્તુત પ્રબંધચતુષ્ટય પ્રમાણમાં નાનો-ચાર જ પ્રબંધોનો-સંગ્રહ હોવા છતાં એ રીતે વિશિષ્ટ છે કે તે ઉપરોક્ત પ્રબંધોની પૂર્વે રચાયેલ છે, પ્રાકૃત ભાષામાં છે અને પદ્યબદ્ધ-ગાથાબદ્ધ છે.

પ્રબંધચતુષ્ટયમાં ક્રમે (૧) સિદ્ધસેનસૂરિ દિવાકર, (૨) પાદલિપ્તસૂરિ (૩) મલ્લવાદિસૂરિ અને (૪) બપ્પભટ્ટિસૂરિનાં ચરિત્ર-કથાનકો છે. આમાં પાદલિપ્તસૂરિના કથાનકની મધ્યે જ દ્રષ્ટાંતરૂપે રુદ્રદેવસૂરિ, મમ્મણસિંહ (શ્રમણસિંહ ?) નામક આચાર્યના દેવેન્દ્ર નામક શિષ્ય, આર્ય ખપુટાચાર્ય તથા ઉપાધ્યાય મહેન્દ્ર આદિની લઘુકથાઓ મૂકવામાં આવી છે.

પ્રબંધચતુષ્ટયમાંના આ ચારે પ્રબંધો પ્રભાવકચરિત અને પ્રબંધકોશમાં અન્ય પ્રબંધો સાથે મળે છે, જ્યાં આ જ કથાનકો પલ્લવિત થયાં છે અને તેમાં કેટલાંક નવા પ્રસંગો અને વિગતો ઉમેરાયાં છે.

પ્રબંધચતુષ્ટયના પ્રથમ ત્રણ કથાનકોનો આધાર ભદ્રેશ્વરસૂરિની 'કલાવલિ' જણાય છે. ચોથા - બપ્પભટ્ટિસૂરિ - કથાનકનો આધાર જાણી શકાયો નથી. પ્રથમ ત્રણ કથાનકો જુદા ક્રમ સાથે કલાવલિમાં મળે છે. અઘાવધિ અપ્રકાશિત પ્રાકૃત ગદ્યબદ્ધ 'કલાવલિ'ની હસ્તપ્રતના આધારે અત્રે પરિશિષ્ટ-૧ માં આ ત્રણે કથાનકો આપવામાં આવ્યાં છે. બન્ને ગ્રંથોમાંનાં ત્રણે કથાનકોનું વિલક્ષણ સામ્ય પહેલી નજરે જ છતું થાય છે.

પ્રબંધચતુષ્ટયનું તુલનાત્મક અધ્યયન સમય અને પૂરતી સામગ્રીના અભાવે આ સાથે જ આપી શકાયું નથી આથી ભવિષ્યમાં સ્વતંત્ર રૂપે આપવું મુનાસિબ માન્યું છે.

લગભગ વીશ વર્ષ પહેલાં મેં પ્રબંધ-ચતુષ્ટયની નકલ કરી હતી પરંતુ સંયોગવશાત્ તેનું સંશોધન-સંપાદન અત્યાર સુધી થઈ શક્યું નહીં. આદરણીય ગુરુવર્ય ડૉ.હરિવલ્લભ ભાયાણીની પ્રબળ પ્રેરણા અને પૂજ્ય ગણિવર્ય શ્રી શીલચંદ્રવિજયજી મ.સા.ની પ્રકાશન અંગેની ઉત્કટ ઈચ્છાએ મને શીઘ્ર સંશોધન સંપાદન કરવા બાધ્ય કર્યો અને પરિણામે આટલા વર્ષે પ્રબંધચતુષ્ટય વિદ્વાનો સુધી પહોંચી શકે છે તેનો મને આનંદ છે. બન્ને આદરણીય મહાનુભાવોનો હું પ્રણામપૂર્વક આભાર માનું છું. ગ્રંથના પ્રકાશન માટે કલિકાલસર્વજ્ઞ શ્રી હેમચંદ્રાચાર્ય નવમ જન્મશતાબ્દી સ્મૃતિ શિક્ષણનિધિનો અને સુંદર છપાઈકામ બદલ નંદન ગ્રાફીક્સવાળા શ્રી હેમેન્દ્રભાઈ શાહનો પણ અત્રે આભાર માનું છું.

अज्ञातकर्तृक

प्रबन्ध - चतुष्टय

(प्राकृतभाषाबद्धाः सिद्धसेन - पादलिप्त - मल्लवादि - बप्पभट्टिसूरि- प्रबन्धाः)

[1B] द० ॥ सिरि-सिद्धसेण-पालित्त-मल्ल-सिरिबप्पहट्टि-सारिच्छा ।

नीहार-हार-धवलो जाणऽज्ज वि फुरइ जस-पसरो ॥१॥

१. सिद्धसेन-दिवाकर कथानक

प्रथमं सिद्धसेन-चरितं भण्यते-

उज्जेणी नाम पुरी अवंतिदेसस्स मंडणुब्भूया ।

अच्छेरयाइं जीए दट्टुणं विबुह-लोयाणं ॥२॥

अन्ना न कावि नयरी रंजइ मणयं पि माणसं तीए ।

आसि जहट्टिय-नामा सूरी सिरि-वुड्डुवाइ ति । ॥३॥

तस्स पसिद्धी सोउं एगो धिज्जाइओ अहम्माणी ।

नामेण सिद्धसेणो वायत्थमुवागओ देसा ॥४॥

सो विय तम्मि दिणम्मि केणइ कज्जेण नाइ-दूरम्मि ।

^१गाम्मेगम्मि गओ पुच्छिय विप्पो [2A] वि जा जाइ ॥५॥

गामम्मि तम्मि सूरी ताव पंथस्स ^२मज्झयारम्मि ।

आगच्छंतो दिट्ठो कय-कज्जो तेणिमं पुट्ठो ॥६॥

जाणसि तं भो अज्जय कत्थऽच्छइ वुड्डुवाइसूरि ति ।

किं कज्जमेव भणिए दाहामी तेण सह वायं ॥७॥

एव कहियम्मि भणियं गणिणा सो वुड्डुवाइ अहयं ति ।

ता देसु मए सद्धिं वायं इत्थेव तेणुत्तं ॥८॥

मूल अशुद्ध पाठ - १. गाम्मे ० २. मज्झाय ०

पंडिय-सहाए जामो जहट्टियं जेण ते परूवेंति । केण जियं इयरं वा इय भणिए सूरिणा सो य	॥९ ॥
पडिवज्जइ नो एवं कट्टेणं सूरिणा तओ गामे । आभीर-सहा-मज्जे नीओ भणिया य ते एवं	॥१० ॥
भो भो पंडिय माणी [2B] काही एसो मए समं वायं । ता तुब्भेहिं सक्खी दायव्वा केण विजियं ति	॥११ ॥
इय भणित्तं सो भणियो जहट्टियं भणसु भो तुमं वायं । सव्वन्नु-निराकरणं आलत्तं तेण तो एवं	॥१२ ॥
पच्चक्खाइ-अगम्मो सव्वन्नू नत्थि कोइ इह ^१ भुवणे । सस-सिगं पिव जम्हा सव्वन्नू नत्थि ठियमेयं	॥१३ ॥
एमाइ वित्थरेणं उल्लविए ते उ सूरिणा भणिया । गामीणा तो बुज्जह एएणं जमिह भणियं ति	॥१४ ॥
नो किंपि तेहिं भणिए जंपइ मुणि-पुंगवो इमो भणइ । तुम्हाण देवहरए अरहंतो विज्जइ न एत्थ	॥१५ ॥
अहयं भणामि विज्जइ ता भो जंपेह को इमं सच्चं । सच्चो [तं] ए[3A]सो पुण मिच्छावाइ त्ति तेहुत्तं ।	॥१६ ॥
इय दाविऊण सक्खी तेहिं तो वुड्ढवाइणा विप्पो । भणियो तुह संवित्ती कीरइ भो संपयं सुणसु	॥१७ ॥
पच्चक्खाई-गम्मो सव्वन्नू विज्जए इहं भुवणे । देव-वयणं च तम्हा सव्वन्नू विज्जइ ठियं ति	॥१८ ॥
एमाइ-वयण-वित्थर-हय-तम्मय-जाय-गरुय-हरिसेण ^२ । भणियं तं चिय एत्थं सव्वन्नू जस्स इय वयणं	॥१९ ॥

१. इहं । २. हरिसेणो ।

- मज्झासि इय पइत्रा जिप्पिज्जा^१ जेण केणई वाए ।
 अहयं सिस्सो तस्सेव^२ देसु ता मज्झ दिक्खं ति ॥२० ॥
- तो वुडुवाइणा सो सोहण-दिवसम्मि दिक्खिओ विप्पो ।
 अचिरेणं सो जाओ महाकई वायलद्धि-जुओ ॥२१ ॥
- निय-[3B]गुरुणा पत्यावे ठविओ सो निय-पयम्मि जय-पयडे ।
 सिरि-सिद्धसेणसूरी जाओ निदलिय-वाइ-मओ ॥२२ ॥
- सो अत्रया कयाई बाहिं जंतोऽवलोइओ मग्गे ।
 सामंत-मंति-सहिणण विक्कमाइच्च-नरवइणा ॥२३ ॥
- आसीवाओ एयाण केरिसो चित्तिऊण तो विहिओ^३ ।
 दिट्ठि-पणामो तेहिं वि तब्भावं जाणिउं दित्रो ॥२४ ॥
- करि-कंधराधिरूढस्स विक्कमाइच्च-राइणो झत्ति ।
 महसद्देणं उब्भेवि निय-करं धम्मलाभो ते ॥२५ ॥
- छइल्लत्तण-तुट्ठेण दव्व-कोडी दवाविया रत्ता ।
 तेणं कविराएणं पारिग्गहिणण तं दाणं ॥२६ ॥
- निव-वायपट्टयं चिय लिहियं अज्ज विय ।
 [पत्र 4 अप्राप्य] ॥२७ ॥
- [5A] तो वत्थव्व-निवेणं भणियं अम्हाण गोट्ठि-वोच्छेओ ।
 होही तुमए सद्धिं जेणाहं तुच्छ-धण-सुहडो ॥२८ ॥
- तत्रेह-मोहिणं भणियं तो सूरिणा महाराय ।
 अहयं तुह सत्रेज्झं करेमि मा भीहि इय भणिए ॥२९ ॥
- एगंमी आवाडे^४ खित्तो पुव्व-कय-दव्व-संजोओ ।
 तस्स पभावा^५ जायं कणयं तं तस्स दित्रं ति ॥३० ॥

१. जिपिज्जा २. तस्सेय ३. विहेउं । ४. आवाहे ५. पभावे

दव्वेण तेण भिच्चाणं संगहं कुणइ जाव नरनाहो ।	
पडिवक्ख-निवो पत्तो झड त्ति ता तेण तन्नयरं	॥३१ ॥
परिवेढियं समंता ^१ आउलिभूयम्मि सूरीणा तत्तो ।	
खित्ता जलस्स मज्झे सिद्धत्था ते भडा जाया	॥३२ ॥
गहिय-दढाउह-सत्था गंतुं ते सत्तु-सेत्र[5B]-मज्झम्मि ।	
पहरंति तहा जह तं न होइ पच्छा मया सव्वे	॥३३ ॥
एवं ^२ निहयम्मि बले पडिवक्ख-निवस्स संतियं सव्वं ।	
गहियमियरेण सूरीण दढयरं कुणइ तो भत्तिं	॥३४ ॥
निसुयमिणं लोयाओ सव्वं सिरि-वुड्डुवाइसूरीहिं ।	
तो तस्स बोहणत्थं संपत्तो तत्थ एगागी	॥३५ ॥
दिट्ठो सो बहु-कइ-वाइ ^३ -लोय-सेविज्जमाण-कमजुयलो ।	
निव-पूय-गव्विण्णं णावगओ तेण सो सूरी	॥३६ ॥
जोडिय-करेण तेणं भणियं मम देसु एग वक्खाणं ।	
नत्थिऽत्थ ^४ का वि वेला मोत्तूणं एग वेल त्ति	॥३७ ॥
रायउले गच्छामी जीए वेला [पत्र 6 अप्राप्य] ।	
.....	॥३८ ॥
..... ।	
[7A] तिस्सा ओयरिय तो झत्ति	॥३९ ॥
चलणेसु निवडिऊणं जंपइ मह खमह अविणयं भंते ।	
तो अणुसट्ठो सूरीहिं भद्द एयं किमाढत्तं	॥४० ॥
कत्थ वयं कत्थेयं चरियं तुम्हारिसाणं विउसाण ।	
विन्नाय-समयसाराण दूरओ जं विसंवयइ	॥४१ ॥

१. आउलभू० २. निहिय० ३. वाय० ४. त्थि०

इच्चाइ महुर-वयणेहिं चित्तमावज्जऊण तो भणिओ ।
 कुण संपइ सामन्नं सुनिक्कलं सरय-सलिलं व ॥४२ ॥
 तेण वि तह त्ति भणियं विहियं सव्वं पि नियय-गुरु-वयणं ।
 पर-लोय-गए त[7B]म्मि य अह अन्नया सिद्धसेणेण । ॥४३ ॥
 लोउत्तीए विसंतुल-^१पाइय-सिद्धंत-लज्जमाणेणं ।
 भणिओ संघो तुब्भे जइ भणह करेमि तो अहयं ॥४४ ॥
 सक्कय-भास-निबद्धं सव्वं सिद्धंतमेव भणियम्मि ।
 उल्लवियं संघेणं एणं चिंतिणावि ॥४५ ॥
 जायइ गुरु-पच्छित्तं किं पुण भणिण लोय-पच्चक्खं ।
 इय भणिणं जं जायइ जिणाइ-आसायणा तिव्वा ॥४६ ॥
 ता जं जायं एत्थं सयमेवं तं वियाणसी कहिए ।
 जंपइ मह पच्छित्तं समागयं अंतिमं एत्थ ॥४७ ॥
 [8A] जइ वि य तं वोच्छित्रं संघयणाभावओ तहा वि ममं^२ ।
 बारस-संवच्छरियं पसायओ देउ तं संघो ॥४८ ॥
 अब्भास-मेत्त-महयं करेमि सत्तीए जेण तो दिन्नं ।
 तं संघेणं सो विय चरेइ सम्मं अणुव्विग्गो ॥४९ ॥
 चित्तइ मणम्मि सययं पमायओ कुणइ किंपि तं जीवो ।
 पच्छित्ताणं एवं विहा[णं जोग्गो] जओ होइ ॥५० ॥
 ते धन्ना पुव्व-रिसी जाणं नो खलियमागयं एत्थ ।
 अहमवि न पुणो काहं इय चित्तंतो समणुपत्तो ॥५१ ॥
 अट्ट वरिसा [8B] . . . अनाय^३-वय-वेस-दंसण-विभाओ ।
 उज्जेणी नयरीए ठिओ कुडंगीसरीय-मढे ॥५२ ॥

१. पायइ २. सम्मं ३. वहय-

पारंचिय-सेवी इव अच्छइ तहियं तवं करेमाणो ।	
[पुच्छि]ज्जंतो लोएण निय वयं नेय सो कहइ	॥५३ ॥
तेण वि रत्तो कहियं देवहरे तुम्ह संतिए वसइ ।	
न य पडइ परं चलणेसु देव देवस्स तो रत्ता	॥५४ ॥
सयमागंतुं पुट्ठो कोऽसि तुमं धम्मिओ त्ति भणियम्मि ।	
ता किं न थुणसि ^१ देवं इमं कुडंगेसरं इहइ	॥५५ ॥
दंसण-पभावणा होउ [9A] एत्थ पवर त्ति जंपियंतेण ।	
मम थुइ एसो न सहइ कह नज्जइ राइणा भणिए	॥५६ ॥
पच्चाएमी एयं कयाइ कल्लम्मि जंपिए राया ।	
बीय-दिणे संपत्तो सपुरजणो तत्थ नरनाहो	॥५७ ॥
तस्सागयस्स तेणं पारद्धा जिण-थुई समंताहिं ।	
बत्तीसाहिं बत्तीसियाहिं उदाम-सद्देण	॥५८ ॥
यथा -	
प्रकाशितं ^२ यथैकेन त्वया सम्यग् जगत्त्रयं ।	
समग्रैरपि नो नाथ परतीर्थाधिपैस्तथा	॥५९ ॥
विद्योतयति वा लोकं यथैकोऽपि निशाकरः ।	
समुद्गतः ^३ समग्रोऽपि किं तथा तारका-गणः	॥६० ॥
^४ त्वद्वाक्यतोऽपि केषांचिदबोध मे तदद्भुतं ।	
भानोर्मरीचयः कस्य ^५ नाम नाऽऽलोकहेतवः	॥६१ ॥
न वाऽद्भुतमुलूकस्य प्रकृत्या ^६ क्लिष्ट-चेतसः ।	
स्वच्छा अपि तमस्त्वेन भासन्ते भास्व[9B]तः कराः	॥६२ ॥

१. मुणसि २. प्रकासितं ३. समुद्गत ४. त्वद्वाक्यथोऽपि येषां ०

५. नामलालोक ० ६. ०त्याक्त्वि ०

इच्चाइ पढइ जा तत्थ ताव एत्थंतरम्मि संपत्तो ।	
धरणिंदो विन्नाउं दंसण-कज्जं ति तो तेण	॥६३॥
निव-लोय-लोयणाणं पयंसिया पास-सामिणो पडिमा ।	
निग्गच्छंती देवुत्तमंग-मज्झाओ सहस त्ति	॥६४॥
एवं कमंकमेणं अंतिम-बत्तीसियाय पज्जंते ।	
पडिपुन्नंगोवंगा पयंसिया पास-पडिम त्ति	॥६५॥
तं दद्वूणं लोओ निव-पमुहो विम्हिओ तओ राया ।	
सिरि-सिद्धसूरिणेवं भणिओ निसुणेसु मम वयणं	॥६६॥
देवाहिदेव देवो एसो सो मम थुईए अरिहो त्ति ।	
अरहंतो भयवंतो सव्वन्नू सव्वदंसी य	॥६७॥
जस्स पभावे लीलाए जंति पावे नणु तरंति भव-जलहिं ।	
इय दद्वूणाइसयं पडिबुद्धा पाणिणो बहवे	॥६८॥
जयइ जिण सासणमहो जम्मी एयारिसा महापुरिसा ।	
[पत्र 10 अप्राप्य.]	॥६९॥
[.]	
[11A] गतो वादी सिद्धसेन दिवाकरः ^१	॥७०॥

। सिद्धसेन-दिवाकर-र(क)थानकं कथितं ।

१. स्फुरन्ति वादिखद्योताः साम्प्रतं दक्षिणापथे ।
 नूनमस्तं गतो वादी, सिद्धसेन दिवाकरः ॥
 [प्रभावकचरिते प्रबन्धकोशे च]

२. पादलिप्तसूरि-कथानक

- [11.A] अत्थि इह भरह-वासे नामेणं कोसला पुरी रम्मा ।
जीए पडिरूवमन्ना न पावई का वि नयरि त्ति ॥७१ ॥
- तीए समिद्धो लोयाण माणणिज्जो य सावओ सेट्ठी ।
फुल्लो नामेणं तस्स समगुणा भारिया पडिमा ॥७२ ॥
- तीए य नत्थि पुत्तो तदत्थ वइरोट्ट-देवयाए सा ।
आराहणत्थमायरइ पोसहं चत्त-वावारा ॥७३ ॥
- जा चिट्ठइ एग-मणा पोसह-सा[11.B]लाए धम्म-जागरियं ।
कुव्वंती तब्भत्ति-रंजिया आगया ^१देवि-वइरोट्टा ॥७४ ॥
- उल्लवइ वच्चे होहिंति तुज्झ बहु पुत्ता ।
परमेत्थ-संतियाणं सूरीणं नागहत्थीणं ॥७५ ॥
- पय-पक्खालण-सलिलं पिवेज्ज अज्जेव सुद्ध-भावेण ।
विग्घ-विघायण^२-हेउं णिग्गया^३ तो इमा देवी ॥७६ ॥
- पडिमा वि पहायम्मी^४ कय-किच्चा पउण-पहर-उद्देसे ।
सूरि-वसहीए चलिया पविसंतीइ तहिं तीए ॥७७ ॥
- दिट्ठो साहू बहिया गयाण सूरीण चलण-सोय-जलो ।
पुट्ठो [12-13 अप्राप्य] ॥७८ ॥
- [14.A] साहुसेवावहारियं सव्वं ।
वायरण-छंदऽलंकारमाइयं साहियं गुरुणो ॥७९ ॥
- अपि च -
- जं किंचि सुयं दिट्ठं पन्ना-मेहा-गुणेण तं सयलं ।
साहइ सनिम्मियं पिव पालित्तो सुकय-संपुत्तो ॥८० ॥

१. देवी- वइ० । २. विग्घायण० । ३. निगया ४. पहायम्मि

- सूरीहिं तओ सव्वं समुदायं सद्धिऊण भणियमिणं ।
गुण-पगरिसेण एसो आलित्तो तेण पालित्तो ॥८१ ॥
- अज्जप्पभिई तुब्भेहिं अम्ह वयणाओ उवयरेयव्वो ।
सव्वायरेण तेहिं वि तह त्ति पडिवज्जियं वयणं ॥८२ ॥
- जोगो^१ त्ति इमो नाउं गुरुणा तवोवहाण-रूवेण ।
ऊसारण-कप्पेणं अणुनाओ सयल-सुत्तट्ठो ॥८३ ॥
- संघस्स सम्मणं महा-पमोएण [14.B] निय-पए ठविओ ।
अट्ठ-वरिसो वि सूरी^२ जाओ पालित्तओ नाम ॥८४ ॥
- भणिओ संघो तो नागहत्थिसूरीहिं जंघ-बल-हीणा ।
विहरेउं^३ असमत्था अम्हे अन्नत्थ ता एसो ॥८५ ॥
- संघ-पुरिसो वरिट्ठो बालो च्चिय भविय सूरि पालित्तो ।
जउणा-नईए परओ विहरउं^४ आरा अकुसलं ति ॥८६ ॥
- ता अणुजाणउ संघो जेण महुराए देव-नमणत्थं ।
पेसेमि इमं^५ सूरिं तो संघो सुणिय वयणमिणं ॥८७ ॥
- विहरिस्सइ जत्थ इमो सूरि पालित्तओ तहिं नूणं ।
होही संघस्स पुरा समुत्तई सूरि पसिणाओ ॥८८ ॥
- नज्जइ एयं नो अन्नहा उ निक्कारणे पयंपंति ।
पवयण-पुरिसो जामो ता अम्हे नि ॥८९ ॥
- [15-16 अप्राप्य]
- [17.A].ते चिलिविलियं कडीए लहुयं तओ रमइ ॥९० ॥
- वसही-पच्चासन्न-ठियाण डिंभयाण मज्झयारम्मि ।
एत्थंतरम्मि ठाणंतराओ सोऊण मइ-पसरं ॥९१ ॥

१. जोगो । २. सूरी । ३. विहारेउं । ४. विहरओ । ५. सूरी

- वंदण-कण्ण तस्सेव सूरिणो केइ सावयाऽपुव्वा ।
 ते वि य तं^१ पुच्छंति [पालित्तं] कत्थ भो वसही ॥९२ ॥
 पालित्तयस्स पहुणो विन्नाया तेण^२ ते उ सड्ढु त्ति ।
 तो तेण वसहि-मग्गो कहिओ ताणं भमाडेणं ॥९३ ॥
 जाए आगच्छंती तावासन्नेण गंतुमग्गेण ।
 संवट्ठिरुण य पडं उवविट्ठो आसणे सूरी ॥९४ ॥
 तो ते सड्ढा पत्ता वंदिय पुच्छेवि सुह-विहारार्इ ।
 उवविट्ठा सूरीणं पुरओ विन्नाय-त[17.B]च्चेट्ठा ॥९५ ॥
 विम्हिय-मणसा कह तं चरियं डिंभयाण मज्झयारम्मि ।
 कह एरिसं पहुत्तं इय नाउं सूरिणा भावं ॥९६ ॥
 भणिया ते भो एवं बालत्तण-चिट्ठियं न कोट्टम्मि ।
 पारिज्जइ छोदुं किंच चंचलं माणसं एयं ॥९७ ॥
 कहमन्नहा उ परिणय-वयाण तुम्हाण सव्वया नेय ।
 निव्वहइ निओ धम्मो सुनिक्कलंको तओ भणह ॥९८ ॥
 मा मा एयं चोज्जं मन्नह ते वि य विन्नाय-भावा^३ ।
 हिट्ठ-मणा किच्चिर-कालं गया ठाणे ॥९९ ॥
 पुण पालित्तयसूरी कयाइ पेच्छेवि जंत-सगड-भरं ।
 उप्पन्न-रमण-वंछो निव्विजणं कलिय तो गंतुं ॥१०० ॥
 डिं[18.A]भेहि समं कीलइ गड्ढी-पिंघेसु चडइ ओयरइ ।
 तावागंतुं केहि वि अपुव्व-पुरिसेहिं ते डिंभा ॥१०१ ॥
 पुट्ठा भो कत्थऽच्छइ पालित्तय-पंडियस्स वसहि त्ति ।
 लक्खित्ता तो सूरी केइ विउस त्ति तह भणियं ॥१०२ ॥

१. ते २. तओ सद त्ति । ३. भाव

सयमागओ स-ठाणे ठिओ य विहियासणेण पंगुरियं ।	
जच्च ^१ पंडयं लुलंतं अलीय ^२ -निद्दाए तो ते वि	॥१०३ ॥
पत्ता वसहि-दुवारं दट्टुणं लक्खिउं च पविसंति ।	
सूरिस्स धरिसणत्थं कुक्कुड-सदं करेमाणा	॥१०४ ॥
तो सूरिणा वि ताणं पडिधरिसण-सदमिच्छमाणेण ।	
मेउं मेउं ति कओ विरालियाए सणो [18.B] तुरियं	॥१०५ ॥
तेहिं तओ नायमिणं दुद्धरिसो एस ^३ नमिय चलणेसु ।	
सूरिस्स ठिया पंडिय-गोट्टीए तहा इमं पुट्टो	॥१०६ ॥
पालित्तय कहसु फुडं सयलं महि-मंडलं भमंतेण ।	
दिट्टो सुओ व्व कत्थइ चंदण-रस-सीयलो अग्गी	॥१०७ ॥
पहुणा भणियं दिट्टो सुओ य निसुणेह अवहिया होउं ।	
अणु य पमाणं पसिद्धं वन्निज्जंतं मए तुब्भे	॥१०८ ॥
^४ अयसाभिओग-संदूमियस्स पुरिसस्स सुद्ध-हिययस्स ।	
होइ वहंतस्स फुडं चंदण-रस-सीयलो अग्गी	॥१०९ ॥
पुण पुण जंपंति तओ हिट्ठा ते निरुवमा जए कित्ती ।	
हरहास-हार-धवला पालित्तयसूरि ^५ वि[19.A]प्फुरइ	॥११० ॥
नाऊण जोग्गयं तो विहिया सद्धाण ^६ देसणा ताण ।	
पव्वइया केइ तओ केई पुण सावया जाया	॥१११ ॥
एवं सूरी सव्वत्थ-सयल-कुसलत्तणेण खायजसो ।	
वंदेउं सत्तुंजयमुज्जिताईणि तित्थाणि	॥११२ ॥
सिरि-मन्नखेडय-नयरे पत्तो तत्थ य विसेस-बुद्धीओ ।	
जाओ कुसलो चउ-पाहुडेसु ताणि य इमाणीह	॥११३ ॥
जोणिपाहुडं पढमं निमित्तपाहुडमिहं भवे बीयं ।	
तइयं विज्जापाहुडमिह तुरियं सिद्धपाहुडयं	॥११४ ॥

१. पडियं २. अलियं- ३. एसो ४. वयसा ० ५. विफुरइ ६. सद्धस्स

- जीवाजीवुप्पत्ती तत्थ य दब्बाण जोगओ पढ्मे ।
 वन्निज्जइ तक्कुसलो सूरी जह रुद्देव पहू ॥११५॥
 तं जहा -
- पंसुपुरे नयरम्मी आसी सिरि [19.B] रुद्देव आयरिओ ।
 गीयत्थाणं साहूण कहइ सो जोणिपाहुडयं ॥११६॥
 तत्थ य मच्छुप्पत्ती एगंते संठिओ तओ सा^१ य ।
 एगेण धीवरेणं अंतरिणं सुयं सो य ॥११७॥
 निय-गेहे गंतूणं विन्नासइ जाव गरुयरा मच्छा ।
 जाया तेण वणिज्जेण पउर-दविणो लहुं जाओ ॥११८॥
 तो सूरि-वंदणत्थं पत्तो सो सूरिणो वि अन्नत्थ ।
 विहरेउं संपत्ता चलण-विभागेण तत्थेव ॥११९॥
 नमिउं तो बहुमाणो जंपइ तुब्भं पसायओ^२ विउला ।
 जाया मज्झ समिद्धी तो आएसं नियं देह ॥१२०॥
 जेणं करेमि तत्तो भणियं सूरीहिं कह तओ तेण ।
 कहिओ निय-वुत्तंतो तो सूरीहिं उल्लविओ ॥१२१॥
 किं भद्द [20.A] तए कहियं अन्नस्स नेय सो आह ।
 सूरीहिं तओ निय-माणसम्मि चित्तेवि बहु एवं ॥१२२॥
 गुरु-पावमहो एयं जम्हा पुत्ताइ-संतइ-गयं तु ।
 होही बहु दोसयरं ता जुत्तं थोव-दोसं ति ॥१२३॥
 हणणं एयस्स तओ भणियं कोमल-गिराए तं भद्द ।
 मह पुत्तो जस्स तुहं ममोवरिं एरिसा भत्ती ॥१२४॥
 ता तह करेमि संपइ जह तं रयणाहिवो लहुं होसि ।
 तेणुत्तं सुपसाओ कहिओ से सूरिणा जोगो ॥१२५॥

जेणुप्पज्जइ सीहो भणिओ सो [20.B] गंतुं भद् एगंते ।	
^१ कम्मि वि जलासयम्मी तडट्टिणं खिवेयव्वो	॥१२६ ॥
जायंति जेण मुत्ताहलाइं रयणाणि पउर-मोल्लाणि ।	
सोऊणेवं तुट्ठो स धीवरो नमिय-गुरु-चलणो	॥१२७ ॥
जह आइट्ठं करई तत्तो ^२ संमुहुट्टिणं सीहेणं ।	
तिक्ख-नहरेण सिग्घं विणासिओ धीवरो तत्थ	॥१२८ ॥
जत्थ पुण सउण-जोइस-केवलियमाइयं ^३ निमित्तम्मि ।	
सुत्तिज्जइ तं भन्नइ निमित्तपाहुडमिहं सुत्ते	॥१२९ ॥
तत्थ वि ^४ निउणो जाओ सूरी पालित्तओ ज[21.A]हा एत्थ ।	
देविंदो नामेणं आसि जहा चिल्लओ पुव्वि	॥१३० ॥
सचायं -	
आसी विलासनयरे राया नामं पयावई सो य ।	
दीहावरिसण-पीडिय-पयासु पुच्छेइ वरिसाले	॥१३१ ॥
आकारिऊण पउरे जोइसिए वरिसिही न वा ते उ ।	
साहिंति परं नेय मिलइ किंपि तो ^५ सूरिणो रत्ता	॥१३२ ॥
आहूया नामेणं मम्मणसीहा तहिं परिवसंता ।	
वुट्ठि-सरूवं पुट्ठा सविणयमिय मुणिय तेहिं पि	॥१३३ ॥
सुनिरू[21.B]विऊण तुब्भं साहिस्सामो त्ति जंपियं पत्तो ।	
सट्ठणे देविंदो आइट्ठो तेहिं निय-सीसो	॥१३४ ॥
नेमित्तविऊ तेण वि केवलियाई निमित्तिओ दिवसो ।	
निट्टंक्रिया इओ पंचमम्मि दिवसम्मि बहु वुट्ठी	॥१३५ ॥

१. कम्म २. सुमुहु ० ३. ०माईयं ४. निपुणो ५. ते

तइए जामे उत्तर-दिसाए अहिया विसेसओ ^१ पुण सो ।	
भणिओ सूरीहिं तहा कहियव्वं जह विसंवयइ	॥१३६ ॥
किंचेत्य जेण पुण पुण मुणिणो नो पुच्छई इमो राया ।	
अन्नह इरियावहिया-पलिमंथो धम्म-वाघा[22.A]ओ	॥१३७ ॥
सदाविण्ण रत्ता सूरीहिं पेसिओ तओ सीसो ।	
भणिओ य तेण राया न मुणिज्जइ अवितहं किंचि	॥१३८ ॥
तह वि इओ पंचम-दिवसे तइयाए पोरिसीए उ ।	
होही वुट्ठी दक्खिण-दिसाए सा किंतु विउलयरा	॥१३९ ॥
इय भणिउं सट्ठाणे पत्तो सो चेल्लओ तओ वुट्ठी ।	
जाया तम्मि दिणम्मी रत्ता सो सद्धिउं वुत्तो	॥१४० ॥
एवं सपच्चए वि हु तुम्ह निमित्ते दिसाए किं एस ।	
जाओ ^२ विवज्जओ भणइ चेल्लओ तो इमं वयणं	॥१४१ ॥
जह राय मए भणियं पुव्वि चिय जह न नज्जई सम्मं ।	
तह वि हु तुम्ह निबंधेणं साहियं किंचि तं सुणिउं	॥१४२ ॥
जाया निवाइ-लोया तं पइ मंदा[22.B]यरा तओ खुड्डो ।	
सट्ठाणे संपत्तो सूरीणं साहए सव्वं	॥१४३ ॥
तह जत्थ निरूविज्जंति विविह-विज्जाओ तह वरा मंता ।	
विज्जापाहुडं नाम तं भन्नइ तत्थ वी कुसलो	॥१४४ ॥
सिरि-पालित्तयसूरी जह एत्थं अज्ज-खउड-आयरिया ।	
तस्स वि संखेवेणं वन्निमो संपयं चरियं	॥१४५ ॥
अमुणिय-परचक्क-भयं भरुयच्छं नाम पट्टणं अत्थि ।	
सिरि-मुणिसुव्वय-पडिमा-पक्खालिय-सयल-कललोहं	॥१४६ ॥

१. विसेसोउ पुण २. जोउ

तम्मि य विज्जापाहुड-कुसला सिरि-अज्ज-खउड-आयरिया ।	
ते उण विज्जासिद्धा वि जेण विज्जाइ-कुसलाणं	॥१४७॥
जेसिं नमोक्कारेणं समं ^१ सिद्धी पोत्थयाइऽपट्टिए वि ।	
विज्जा [23.A] वि जम्मि जायइ सो भन्नइ विज्जसिद्धो त्ति	॥१४८॥
सूरीण ताण एणो विज्जावालो ओचूणओ चिल्लो ।	
पइदियहं चिय चिट्ठइ सन्निहिओ धारणा-कुसलो	॥१४९॥
अवधारियाओ तेण य सूरि-परावत्तणंसि विज्जाओ ।	
काओ वी कन्नाहेडएण अह नयर-गुडसत्थे	॥१५०॥
पंडिय माणी को वि विजिओ परिव्वायओ जइ-जणेणं ।	
ता एसो उण मरिउं अद्धीए तत्थ उववन्नो	॥१५१॥
गुडसत्थे नयरम्मी वडुकओ नाम वंतरो देवो ।	
उद्धरिसियं च तेणं लोयाणं तत्थ एवं त्ति	॥१५२॥
तुम्हाणणुग्गहट्टा वरउ वडुकओ त्ति नामेण ।	
इयमेयाओ नामं पइट्टवेह त्ति पुर मज्जे	॥१५३॥
लो[23.2]एण वि देवहरं गरुयं काराविऊण सो ठविओ ।	
चउहट्ट-मज्झयारे धरिओ देवच्चओ रत्ता	॥१५४॥
विउला वित्ती दिन्ना जणाण सो कुणइ तत्थ संनेज्झं ।	
ते वि हु पूयंति तयं कुसुमऽक्खय-धूवमाईहिं	॥१५५॥
दिन्न- ^२ विभंगुवओगो नाउं निययं पराजयं कुद्धो ।	
विविहेहिं रोगेहिं साहूणं कुणइ तो पीडं	॥१५६॥
एयस्स नत्थि अन्नो निग्गह-पडुओ त्ति कलिय संघेणं ।	
आहिंडएहिं सूरी आहूओ अज्ज खउडो त्ति	॥१५७॥

तेण य दंसण-कज्जे गंतव्वं तुरियमेव तो चलिओ ।	
छडहड परिवारेणं आणविओ ^१ पच्छिवाल मुणी	॥१५८ ॥
खुड्डेण समं भदं वट्टेज्जह सो य ^२ जंपिओ मा [24.3] तं ।	
छोडिज्जसु अम्हाणं कवलियमेयं ति तो पत्तो	॥१५९ ॥
गुडसत्थे नयरम्मी ^३ वडुकय-चेइयम्मि गंतूण ।	
पढमं चिय तं पइ सो जंपइ विज्जाण चक्कवई	॥१६० ॥
गिण्हसु अरे इमाओ उवाहणाओ महं तओ जक्खो ।	
गिण्हेउं उवलंबइ निय-कत्तेसुं तओ सूरी	॥१६१ ॥
वसहीए गओ सव्वायेरेण संघेणं विहिय-सम्माणो ।	
उवसंतो साहूणं सव्वाणं झति उवसग्गो	॥१६२ ॥
वडुकओ ^४ देवच्चियाए दिट्ठो इओ पहायम्मि ।	
कत्तोलंबिय-वाहण-निय-सीसं डगडगावित्तो	॥१६३ ॥
तीए य सद्धिऊणं पर्यंसिओ देवपूयगस्स इमो ।	
[24.B] कहियायरिय-कहाए सो वि तहा दडुं तं रुट्ठो	॥१६४ ॥
घेत्तूण बहुं लोयं समागओ जत्थ जत्थ तं जक्खं ।	
जोयंति तत्थ तत्थ य निगुडित्ता दरिसई पुंदे	॥१६५ ॥
जक्खो तओ य लोएण साहियं राइणो तयं सव्वं ।	
तेणावि सयं दिट्ठे रुट्ठेणं सूरी-हणणत्थं	॥१६६ ॥
दप्पिट्ठ-दुट्ठ-निय-मुट्ठि-घाय-निदलिय-सेल-संघाया	
लउडाइ-वावड-करा निय-पुरिसा पेसिया ते उ	॥१६७ ॥
हंतुं लगा सूरिं दढप्पहारेहिं सूरिणो घाया ।	
विज्जा-सामत्थेणं संकमिया राय-उवरोहे	॥१६८ ॥

१. आणविउं २. जंपिउं सा तं । ३. वडुकूय । ४. वडुकूरओ

तो तं चूरिज्जंतं लउडय-घायाइएहिं सव्वं पि ।	
१सिरमाईअंगेसुं धाहावइ करुण-सद्देण	॥१६९ ॥
[25.A] आदन्नेणं रत्ता मुक्का २वडुकयस्स तो तत्ती ।	
रत्ता गंतुं सूरी विणएणं खामिओ एवं	॥१७० ॥
भयवं एक्कऽवराहं अम्हाणं खमह जेण सप्पुरिसा ।	
तुम्ह समा पणयाणं नराण उवयारया हुंति	॥१७१ ॥
एव भणियम्मि बहुणा पउणं अंतेउरं लहुं विहियं ।	
जिण-सासणस्स विउला समुन्नई तत्थ संजाया	॥१७२ ॥
भरुयच्छे नयरम्मी इओ य तं चेल्लयं पमोत्तूणं ।	
गउरवयं ती मुणिणो जंती भिक्खाइ-कज्जेसु	॥१७३ ॥
तेण वि सा सूरीणं निहालिया कवलिया उच्छोडेउं ।	
एईए किं चिद्धइ जेणाहं वारिओ तेहिं	॥१७४ ॥
तत्थ य सूरी-लिहिया कइवय-[25.B] विज्जाइ-पोत्थिया दिट्ठा ।	
तं छोडेउं जोयइ पढमे पत्तम्मि तो विज्जा	॥१७५ ॥
दिट्ठा मोयग-तणया पुरओ तीए य फल-समिद्धीओ ।	
जह जो जवेइ विज्जं एयं एगवीस-वाराओ	॥१७६ ॥
तस्सि विचिंतियाणी मोयग-फल-भरिय-भायणाणि तओ ।	
वच्चंति पुणो वि विसज्जियाणि न य केणई सो य	॥१७७ ॥
उवजीवंतो दीसइ तेण तहा-चिद्धियम्मि साहूहिं ।	
पडियागएहिं भिक्खाइ सद्दिओ भोयणत्थं सो	॥१७८ ॥
जंपइ न मज्झ भुक्खा विज्जइ तह वि हु निबंधओ तेहिं ।	
उववेसिओ स काउं मिचिमिचिउं उट्ठिओ ततो	॥१७९ ॥

१. सिरिमाई ०

२. वडुक्कय ०

किमणेणं अ[26.A]णिट्टेणं भिक्खाए भोयणाण चित्तेइ ।	
ता तह करेमि जायइ जह ^१ सिद्धं भोयणं सययं	॥१८० ॥
उक्कडतरयं तम्मी काले ^२ बुद्धाण दरिसणं तत्थ ।	
बुद्धोवासग-सट्ठा दिति जह-चितियं सव्वं	॥१८१ ॥
सो ताण विहारमी गहाय तं पोत्थियं गओ तेहिं ।	
बहुमन्निओ य जाओ तल्लिंगधरो तओ तेण	॥१८२ ॥
भणिया उवासगा जह तुम्हाण गिहेसु आगमिस्संति ।	
भिक्खूणं पत्ताई सयमेवं सुणिय सेहं पि	॥१८३ ॥
संमज्जिओवलित्ते विहियचउक्के सुहे गिह-पएसे ।	
रईयाइं आसणाइं तेणं विज्जा-पभावओ	॥१८४ ॥
वत्थेणं पिहियाइं भिक्खूणं [26.B] कप्पराइं तप्पुरओ ।	
^३ सुक्किल-वत्थोच्छइयं पट्टवियं कप्परं पवरं	॥१८५ ॥
गयणेण ताणि गंतु चिट्ठंती आसणेसु तेसु तओ ।	
भरियाणि जहा-जोगं मणुन्न-कूराइ-वत्थूणं	॥१८६ ॥
आणिज्जंति विहारं खुट्टेणं तं च अइसयं लोगो ।	
उड्डुमुहो दट्टूणं जाओ तदंसणाणुगओ	॥१८७ ॥
दट्टूण सयं निय-दंसणस्स ओहावणं तु संघेणं ।	
संघाडो पेसविओ सूरीण अज्ज-खउडाणं	॥१८८ ॥
भणियं तेणं भयवं जयम्मि तुम्हारिसेहिं पुरिसेहिं ।	
विज्जंतेहिं इय दंसणस्स ओहावणा तिच्चा	॥१८९ ॥
तो एह लहुं तेहिं वि जावुत्ती पुच्छिओ य सो संघो ।	
तेण वि भणियं [27.A] वडुकओ अम्ह उवसग्गकारीय	॥१९० ॥

१. तह २. बुद्धाण ३. सुकिल

तुम्हेहिं गएहि तओ भणियं सूरीहिं भीह मा वोत्तुं ।	
वडुकय-देवहरे पत्तो चिट्ठंति तस्संते दो	॥१९१ ॥
जलदोणीओ महालयाओ गुरु सिलमयाओ लोयाणं ।	
मज्जण-कएणं ताहिं समयं अवलोइउं ^१ जक्खं	॥१९२ ॥
सपरिवारं जंपइ भो भो भरूयच्छ-पट्टणे अम्हे ।	
गच्छिस्सामो जा चलइ जंपिउं एव सो थोवं	॥१९३ ॥
ता ^२ वडुकय-पडिमा अन्नाणं वंतराण प[27.B]डिमाओ ।	
ताओ वि जल-दोणीओ चलियाओ खडहडंतीओ	॥१९४ ॥
जंति य तप्पुट्टीए ताणं मोयणकएण लोगेणं ।	
विन्नत्तो आयरिओ जाहिति मए समं भणियं	॥१९५ ॥
सोऊणेमं लोगो खरतरयं निवडिऊण चलणेसु ।	
जंपइ महा-पसायं करिउं अम्हाण पहु मुंच	॥१९६ ॥
तो ताओ पडिमाओ मुक्काओ कारिऊण ^३ पइबंधं ।	
जिणसासणस्स कइय वि कायव्वो नेय उवसग्गो	॥१९७ ॥
लोय-समक्खं [28.A] ताओ जलस्स दोणीओ आणिउं मुक्का ।	
गुडसत्थ-नयर-बाहिं भणियं तो सूरिणा एवं	॥१९८ ॥
जो मम सरिसो पुरिसो होही एयाओ सो स-ठाणम्मि ।	
नेहि त्ति जंपिऊणं पत्तो भरूयच्छ-नयरम्मि	॥१९९ ॥
जाणिय-वुत्तंतेणं निओइया वेज्जसामिणी देवी ।	
तेणं विज्जाणं चक्कवट्टिणा तीए तो गंतुं	॥२०० ॥
सूरिस्स पोत्थिया सा आणेउं अप्पिया तओ ताणं ।	
भिक्खूणं पत्ताणं इंताणं सिला कया अग्गे	॥२०१ ॥

१. अवलोइमु

२. वडुककय ।

३. वइ ।

तीए ताइं अब्भिद्विऊणं फुट्टाणि भोयणज्जायं ।	
भूमीए गयं नाऊण तं च भीओ पलोएइ	॥२०२ ॥
तं पोत्थियं न पेच्छइ झड त्ति नट्टो तओ पएसाओ ।	
सूरी तं गणियाए बु[28.B]द्ध-विहारऽग्गएण गओ	॥२०३ ॥
तच्छन्निएहिं भणिओ निवडसु बुद्धस्स हंत चलणेसु ।	
सब्भूय-वत्थु-वाईस्स वच्च मा एवमेव तुमं	॥२०४ ॥
सूरीहिं तओ भणियं एहि मम पुत्त पडसु चलणेसु ।	
सुद्धोयणि सुय तत्तो विणिग्गया बुद्ध-पडिमा सा	॥२०५ ॥
पडिऊण सूरि-चलणेसु पिट्टओ चेव सूरिणो लग्गा ।	
पुण पुण समुप्फिडंती पच्चक्खं सयल-लोयाणं	॥२०६ ॥
ताव गया जा बाहिं पुरस्स ^१ बुद्धिंडओ समाइट्टो ।	
पडिम व्व सो वि पाएसु निवडिओ जंपिओ पच्छा	॥२०७ ॥
उट्टसु एवं ति तओ तम्मी अब्भुद्विओ पुणो भणिओ ।	
एवं चिट्टसु तह चेव सो ठिओ अज्ज वि तहेव	॥२०८ ॥
तप्पभिई सो जाओ नियं[29.A]बओणामिओ त्ति नामेण ।	
बुद्धस्स दंसणाओ तओ विरत्तो जणो जत्थ	॥२०९ ॥
जिण-सासणस्स जाया विउला अब्भुन्नई तओ सूरी ।	
काल-वसा सो जाओ जयम्मि जस-पसर-सेसो त्ति	॥२१० ॥
सुरलोय-सहा-भूसण-निम्मल-चूडामणी य भयवंतो ।	
सिरि-अज्ज-खउडसूरी एमाई जस्स माहप्पं	॥२११ ॥
अज्ज-खउडो व्व अत्तो कणवीर-लयाए भामगो खुड्डो ।	
आसी पाडलिपुत्ते मिच्छदिट्ठी तहिं राया	॥२१२ ॥

१. बुद्धिंदुओ

नामेण दाहडो त्ति य सो पुण विज्जाइएहिं कयकुमई ।	
पभणइ संघं कीरइ तुब्भेहिं जा उ पडिवत्ती	॥२१३॥
निय-सूरीणं तं कुणह बंभणाणं तओ य संघेणं ।	
भणियं पुच्छिज्जंतं एयं नणु बं[29.B]भणा एए	॥२१४॥
जइ कत्थइ भणियमिणं वेय-पुराणाइएसु सत्थेसु ।	
रन्ना भणियं किं एत्थ तुम्ह कज्जं वियारेण	॥२१५॥
निस्संदेह एयं कायव्वं एवमेव जइ तुब्भे ।	
कुसलं इच्छह तत्तो ^१ निब्बंधं नाउं संघेणं	॥२१६॥
सव्वाण संमएणं काहामो एवमेव जंपेउं ।	
सट्ठाणे संपत्तो आलोचइ किमिहमिय भणिए	॥२१७॥
देविंदो नामेणं विज्जासिद्धो पयंपई खुड्डो ।	
जइ संघो आएसं देइ महं ता वरं चोज्जं	॥२१८॥
पकरेमि अहं तो सो संघेणऽणुजाणिओ गहिय दो वि ।	
विज्जाभिमंतियाओ कणवीर-लयाओ तो चलिओ	॥२१९॥
संघेण समं निव-मंदिरम्मि दिट्ठा य तत्थ उवविट्ठा ।	
पवरेसु [30.A] आसणेसुं विप्पाणं ^२ पंतिया तत्तो	॥२२०॥
मिलियम्मि सव्व-लोए नरवइणा जंपियं कुणउ संघो ।	
वंदनयं विप्पाणं भणियं तो चेल्लएणेयं	॥२२१॥
चिट्ठउ नरिंद संघो ममांवि एए ण वंदणं सोढुं ।	
सक्का तओ पयंपइ भूमिपई किमिह विविहेहिं	॥२२२॥
^३ पट्टुत्तरेहिं जम्हा जंगमदेवा दिया इहं सव्वे ।	
इय सोउं सो जंपइ ता पेच्छह कोउगं भो भो	॥२२३॥

१. निबंधं

२. पंतिया

३. वड्डु ०

- वोत्तूणेमं भामइ दाहिण-देसाउ जाव वामं तं ।
विष्पाण पंतियाए कणवीर-लयं जवेमाणो ॥२२४ ॥
- मंतक्खराइं पुण पुण ता सीसाइं तड त्ति पडिया[30.B]इं ।
दट्टूण इमं राया चमक्किओ ते य खलभलिया ॥२२५ ॥
- मिच्छादिट्ठी लोया दीणा पुरिसेस-बंधणा मिलिउं ।
संघ-चलणेसु पडिया दीणमुहा एव जंपंति ॥२२६ ॥
- चुक्का अम्हे तम्हा काऊण दयं खमेह अवराहं ।
तो संघेणाइट्ठो सो चेल्लओ कुणसु रक्खं ति ॥२२७ ॥
- अणुग्गह-लयाए तं चिय विवरीयं कुणइ जाव तज्झत्ति ।
उप्फिडिउं सव्वाणि वि ताणि य सीसाणि लग्गाणि ॥२२८ ॥
- जिण-दंसणस्स जाया तत्थ अईवुन्नई तहा राया ।
दंसण-भत्तो जाओ तत्थ वि पालित्तओ कुसलो ॥२२९ ॥
- अपि च -
- जेणं दिट्ठ सुओ वा सोहग्गाएयया (?) कला-निलओ ।
[31.A] पालित्तयसूरी सो न तं विणा निव्वुई लहइ ॥२३० ॥
- रायामच्चाईहिं सययं सेविज्जमाण-चलणस्स ।
जस्स न लहंति वोत्तुं कज्जे वि हु अंतरं मुणिणो ॥२३१ ॥
- तो तयणुग्गह-हेउं पालत्तीतेणं विरइया भासा ।
गुरु-पारंपज्जेणं विन्नेयव्वा इमा सा उ ॥२३२ ॥
- गुरुवो लहवो य सया चक्कावित्तीए अक्खहं डट्ठा ।
रैफं लोल्याडढणं लवयाभाइयताईहिं (?) ॥२३३ ॥
- तम्मि समए समिद्ध-दक्खिण-देसम्मि मन्नखेड-वरं ।
[31.B] तह लाड-देस-मज्झे भरुयच्छं तह सुरट्ठाए ॥२३४ ॥

वलहिपुरं गिरिनयरं च सूरसेणाए तह वरे देसे ।	
सिरि-महुराउरि-नयरी विज्जंती तेसु वर संघा	॥२३५ ॥
पर मन्नखेड-राया सुट्टु दुराराहओ न सो किंचि ।	
अवगरइ संघस्स सूरिगुणावज्जिओ धणियं	॥२३६ ॥
अन्नत्थ विहरिउं तो न देइ सूरिण ताण तस्संघो ।	
अत्थि इओ सोरट्टे धाउवायम्मि कयसिद्धी	॥२३७ ॥
ढंकस्स पव्वयस्सा उवरिं ^१ ढंकउर-नयर-कयवासो ।	
[32.A] नागज्जुणो त्ति नामेण वंदओ तेण दाणेण	॥२३८ ॥
सोरट्टदेसवासी निवाइ-पमुहो वसीकओ लोओ ।	
सो सेस-दरिसणाइं मन्नेइ निप्पभावाइं	॥२३९ ॥
भरुयच्छे महुराए कुणंति धिज्जाइया जिणिंदाण ।	
ण्हवणाइणं वि ^२ विग्घं तो भरुयच्छाइ-संघेहिं	॥२४० ॥
पालित्तयसूरीणं सिग्घं जाणावियं इमं सयलं ।	
तेहिं तओ संदिट्ठं कायव्वा कोमुई-महिमा	॥२४१ ॥
भिरिहिरिया-दिवसम्मी तुब्भेहिं जेण पेसिया अम्हे ।	
आगच्छामो तुरियं बहुमन्नेउं इमं वयणं	॥२४२ ॥
पारद्धा सा तेहिं कत्तिय-सुद्धाए पडिवयाए दिणे ।	
जिण-जत्ता पालित्तयसूरी वि हु मन्नखेडम्मि	॥२४३ ॥
संघावेइय-कज्जो काऊणं पउण-पहर-ज[32.B]ण-जत्तं ।	
काऊण पाय-लेवं भरुयच्छे झत्ति संपत्तो	॥२४४ ॥
दिट्ठो सो संघेणं हरिस-विसप्पंत-नयण-जुयलेणं ।	
अस्सावबोह-चेइय-मज्झायाओ तओ तेण	॥२४५ ॥

१. टंकओरमयर ० २. ण्हवणाइं ण वि

- तुद्वेणं निस्सकं तत्थागमणम्मि पंच-महसद्दो ।
 अप्फालिओ तह जहा सद्दमंतं पुरं जायं ॥२४६ ॥
 अवि य -
- मद्दल-करडिय-सुपडह-भाणय-संखाइया महासद्दा ।
 हत्थवइत्तण-उभय-सपओग (?) मुहेहिं वज्जंति ॥२४७ ॥
 संपाडियग्घ-वाया-पडिवत्ती जाव तत्थ उवविट्ठो ।
 पालित्तयसूरी ताव तत्थ तस्साणुभावेण ॥२४८ ॥
 जंगम-तित्थमिहागयमिय-लोय-पवायओ तहिं राया ।
 पत्तो तेणं आणंदिणं सो पूइओ सूरी ॥२४९ ॥
 वर-वत्थमाइएहिं [33.A] संघेणं तह य सेस-लोएण ।
 पहुणा वि तयं दिन्नं अग्गीणं बंभणाईणं ॥२५० ॥
 तत्तो साहुक्कारो उच्छलिओ सूरिणो नयर-मज्झे ।
 नमिऊण सविणयं तं जंपइ राया सबहुमाणं ॥२५१ ॥
 किं अम्हे मूलजाया जमित्तियं नावलोइया कालं ।
 तुब्भेहिं तओ जंपइ सूरी महाराय निसुणेसु ॥२५२ ॥
 विहरिउकामा वि इहं नो मुक्का मन्नखेड-संघेण ।
 संघाइक्कमणं पुण दोसयरं मूलजायाओ ॥२५३ ॥
 अज्ज उणपहर देसे तित्थाणं वंदणत्थमम्हेहिं ।
 विण्णत्तेणं संघेण जंपिया जइ पुणो एत्थ ॥२५४ ॥
 दिवसस्स दु-जामंते आगंतुं [33.B] कुणह भोयणं तुब्भे ।
 तो वच्चह अम्हेहिं पडिवन्नं ता इओ राया ॥२५५ ॥
 उज्जित-महुर-सत्तुंजएसु तित्थेसु वंदिउं देवे ।
 गंतव्वं तत्थ पुणो सोऊणेवं तओ राया ॥२५६ ॥
 जंपइ चलण-विलग्गो सगग्गयं नेय सूरि जोग्गो हं ।
 तुम्हं निरंतर-दंसणस्स तह वि कल्लं दिणारब्भ ॥२५७ ॥

कारिस्समहं जिणमंदिरम्मि एयम्मि पुत्तिमं जाव ।	
जत्तं तं च गुरूणं पसायओ जइ इहं तुब्भे	॥२५८ ॥
आगच्छह तो मन्ने अहयं अप्पाणमित्थ सकयत्थं ।	
इहरा कंकिळ्ळि पिव अहलं मन्नामि निय-जीयं	॥२५९ ॥
तो सिरि-पालित्तेणं भणियं भो पवयणुत्तई सययं ।	
कायव्वा ता तुब्भं समयमेवं करिस्सा[34.A]मो	॥२६० ॥
एवं भणिए रत्ता उल्लवियं अम्हऽणुग्गहो एसो ।	
तो सूरी वलभीए संपत्तो तत्थ वी काउं	॥२६१ ॥
दंसण-समुत्तई तो ^१ सेत्तुजुज्जित-वंदणं काउं ।	
गिरिनयरम्मि तहेव य ढंकपुरम्मी ^२ समणुपत्तो	॥२६२ ॥
तम्मि वि करेइ तह चिय विमलं जिण-दंसणुत्तईं नवरं ।	
तत्थायाओ चेईहरम्मि ^३ नागज्जुणो सो य	॥२६३ ॥
मन्नावित्ता सूरिं विणण्णं आसमम्मि निययम्मि ।	
नेइ तओ कारवियं सूरीणं चलण-सोयं ति	॥२६४ ॥
भणियं च सबहुमाणं जाया [34.B] तुह दंसणे पहू ^४ परमा ।	
चित्तस्स धिई ता इह आगंतुं कोमुई जाव	॥२६५ ॥
वच्चेज्ज मए समयं निय-चेईहरम्मि मन्निउं वयणं ।	
तस्स तओ पालित्तो महुरउरीए समणुपत्तो	॥२६६ ॥
काऊण पवयणुत्तई तत्थट्ठिओ मन्त्रखेड-नयरम्मि ।	
पत्तो एवमणुदिणं आगच्छंतस्स सूरिस्स	॥२६७ ॥
तं चलण-सोय-नीरं उस्सिधितेण अणुदिणं नायं ।	
सत्तोत्तर-मूल-सयं ताणं पयलेव-दव्वाण	॥२६८ ॥

१. सेत्तुसु.। २. टंक० । ३. नागज्जुणो ४. परमा

नागज्जुणेण ^१ न उणो विन्नायं मइमया वि एक्कमिणं । तंदुल [35 अप्राप्य]	॥२६९ ॥
. [36.A] वाहणो राया । वरिसे वरिसे गंतुं भरुयच्छे रोहए सो उ	॥२७० ॥
कोस-समिद्धं नरवाहणम्मि तम्मि य पुरम्मि काऊण । वासा-रत्तं अह अन्नया य घोसावियं एयं	॥२७१ ॥
नरवाहणेण रन्ना जो किर सालिस्स राइणो एत्थ । भिच्चाणं हत्थं वा पायं वा छेतुं आणेइ	॥२७२ ॥
दम्माण लक्खमेगं तस्स य दाहामि मुणिय तस्सेयं । धण-लोहेणं सुहडा मारेउं सालिराहणस्स भडे	॥२७३ ॥
दंसंति सो वि ताणं देइ धणं ते वि कइय वि भडेहिं । मारिज्जंती इयरेहिं न उण सो देइ ताण धणं	॥२७४ ॥
एवं बहु-पुरिस-खए जाए [36.B] अइकाइएण नरवइणा । सिरि-सालिवाहणेण भरुयच्छं गंतुकामेणं	॥२७५ ॥
परिवारस्स न कहिउं पत्थाणं रेणु-गुंडण-भएण । थुक्कियमत्थाणस्स वि मंडलियाए तयं दट्ठुं	॥२७६ ॥
चितइ निव-पडिग्गह-धारिणी ^२ खुज्जा-विलासिणी नूणं । गंतुमणो भूमिवई जत्ताए तीए तो सिद्धं	॥२७७ ॥
निव-जाणसालयस्स नियस्स मित्तस्स तेण तो सिग्घं । गड्डीरयाइ विहियं वहमाणमणागयं चेव	॥२७८ ॥
दट्ठूण तयं सेसो वि खंधवारो समुट्ठिओ झत्ति । गंतुं पहे पयट्ठो राया वि य एवबुद्धीए	॥२७९ ॥

- पढममहं^१ [37.A] वच्चामी सेणा-धूलीए गुंडिओ संतो ।
 चितइ न मए कहियं कह चलिओ खंधवारो हं ॥२८० ॥
 सामिं सोहितेणं
 खुज्जा तीए य साहिओ सयल-परमत्थो ॥२८१ ॥
 सच्छंदा मा एसा लद्धप्पसरा हवेउ इय सुणिउं ।
 तो रत्ता अप ॥२८२ ॥
 पइवरिसं चिय अभज्जमाणम्मि तम्मि भरुयच्छे ।
 सिरि-सालिवाहण-निवो धणियं चिंतावरो जाओ ॥२८३ ॥
 दडूण ह सचिवो ।
 जंपइ अमह कुडुंबं कवडेणं खिवसु गोत्तीए ॥२८४ ॥
 [37.B] गहिऊण सव्व-सारं पयंड-कोवाउ तो महाराया ।
 मंतेउं इय जेणं भंजावेमी पुरं अहयं ॥२८५ ॥
 रत्ता तहेव विहीए ।
 [भरु]यच्छे संपत्तो ठिओ तत्थेग-देवउले ॥२८६ ॥
 रज्जंतरेसु नायं एयं जह सालिवाहण-निवेण ।
 निय-मंती सामंतो पुराओ ॥२८७ ॥
 णं पुच्छिज्जंतो जणेण को सि तुमं ।
 साहइ गुग्गुल भगवो अहयं ती जे उ जाणंति ॥२८८ ॥
 तेसिं कहेइ सच्चं नाऊणं ।
 नागो मंती मे होसु सो भणइ ॥२८९ ॥
 नो मह कज्जं मंतित्तणे [38.A] कज्जमुक्कत्तो ।
 संपइ अहयं तो सयमागंतुं राइणा व(ठ?)विओ ॥२९० ॥

मंतित्तणम्मि सो उण वीससियं जाणिऊण नरनाहं । भंडार-फेडणत्थं पयंपिओ धम्म-छम्मेण	॥२९१ ॥
पुव्व-सुकएण नरवइ संपज्जइ संपया इहं विउला । सा तुमए संपत्ता किंतु जइ संपयं ^१ चेव	॥२९२ ॥
देवहर-कूव-वावी-तलाय-दाणाइणा वरं सुकयं । अज्जेसि तओ जम्मंतरे वि लच्छी वरं लहिसि	॥२९३ ॥
धम्मव्वयं कुणंतस्स तस्स तव्वयणओ तओ कोसो । निट्ठिय-पाओ जाओ नरवाहण[38.B]राइणो तह य	॥२९४ ॥
भरुयच्छे वेढियम्मी पुरिसक्खय-कारओ भणावेइ । सिरि-सालिवाहण-निवो सामंतं जह तुमं मिलिओ	॥२९५ ॥
नरवाहण-नरवइणा मंती पभणेइ नो तुमं राया । होहि विवित्तो जेणं निव्वहई एस नरनाहो	॥२९६ ॥
अंतेउरियाभरण-व्वएण सोऊण तस्सिमं भणियं । सिरि-सालिवाहण-निवो तत्थेव थिरो तओ जाओ	॥२९७ ॥
निद्धण चंगो नरवाहणो वि पलयं गओ तओ नयरं । सायत्तं काऊणं पइट्ठाणपुरे गओ रा	॥२९८ ॥

[39-40 अप्राप्य]

. [41.A]च्छ तं सूरी । पालित्तयाभिहाणं सिग्घं इइ वोत्तु सो रत्ता	॥२९९ ॥
मोक्कलिओ तओ सो गंतूणं कहइ कण्हड-निवस्स । नियसामि-समाइट्ठं तेण वि आणंदिएण पहू	॥३०० ॥
पट्टविओ निय-पुर-संघ-संजुओ नियय-दिन्न-परिवारो । पत्तो कमेण बाहिं पइट्ठाण-पुरस्स तो गंतुं	॥३०१ ॥

१. च्वेव

जाणावियमागमणं पहुणो तं संकरेण नरवइणो ।	
सो चिय हरिस-विसेसा कारेउं हट्ट-सोहाई	॥३०२॥
नयरे महूसवं तो चलिओ जं सूरि-संमुहं राया ।	
सप्परिवारो ता तत्थ आगओ विहप्फई विउसो	॥३०३॥
जंपेइ परिक्खिस्सं बुद्धी पालित्तयस्स देवाहं ।	
अज्जेव य तो रत्ता [41.B] परिक्खसू एवमुल्लविओ	॥३०४॥
तो भणइ को वि विज्जइ परिवारे तुम्ह देव एत्थ नरो ।	
जो जंभावंतो वि हु न छड्डई ^१ भरिय-भायणओ	॥३०५॥
हत्थट्ठियओ ^२ उदयाइ राइणो भणियमत्थि ता एत्थ ।	
आकारह त्ति भणिए थिर-हत्थो हीरओ नाम	॥३०६॥
आकारिओ निवेणं पयंसिओ विहप्फइस्स विउसस्स ।	
तेणावि सबहुमाणं सम्माणेउं पयत्तेण	॥३०७॥
भणिओ सो वट्टमिणं चिलीण-घय-पूरियं तुमं गंतुं ।	
सूरिस्स भद्द दंससु भणसु य जह तुम्ह विउसेहिं	॥३०८॥
पेसियमिणमो मंगल-कएण इय भणिय पेसिओ सिग्घं ।	
[42.A] तेण वि तहा कयम्मी विन्नायं सूरिणां तं च	॥३०९॥
वट्टुल-आधार-गुणाउ नयरमेयं मईए जणणाउ (?) ।	
घय-तुल्लेण पंडिय-जणेण पुत्रं न उ नाम	॥३१०॥
जह एत्थ वट्टयम्मी अवगासो नत्थि अन्न-वत्थुस्स ।	
तह तुज्झ वि नो होही इमम्मि नयरम्मि पुत्रम्मि	॥३११॥
दाय-पडिदायणत्थं संमुह-संवेहगाइ-गुण-भावा ।	
सूइ-समो जो विउसो सो सुभरे वि इमम्मि संमाइ	॥३१२॥

१. छड्डई

२. ०याउ

- इय चिंतिऊण पहुणा साहु-सयासाओ गिण्हउं सूई ।
 तं मज्जे सा ठविया धारणि-विज्जाए सुहमयरी ॥३१३॥
- तो सो भणिओ एवं दंससु गंतूण ताण तेणावि ।
 निवपुरओ तं मुक्कं तहड्डिया [42.B] दडुं तं सूई ॥३१४॥
- विहप्फइ मणे विसन्नो रत्ता उण पमुइण्ण निय-नयरे ।
 महया विच्छड्डेणं पवेसिओ सूरि पालित्तो ॥३१५॥
- संमाणिओ य उचियं परिवार-जुएण राइणा तत्तो ।
 बहुमाणेणं निसुया पालित्तयसूरि-निम्मविया ॥३१६॥
- बहु-कव्व-रसाइत्ता तरंगवइ य त्ति सक्कहा तीए ।
 विउसयणो राया वि य सव्वो वि हु विम्हिओ जाओ ॥३१७॥
- मच्छरिओ ता जंपइ पंचालो सावधारणो चलिओ ।
 देव इयं मम कव्वाओ चोरिया तह अत्तेहिं ॥३१८॥
- कह नज्जइ इय भणिए कहिया तेणं तओ तरंगवई ।
 निज्जुत्तीओ^१ बहुसो वयणमिणं जंपइ तत्तो ॥३१९॥
- [43.A] लज्जय-चित्तो मणयं जाओ संघो तओ य सूरीहिं ।
 संकेयं काऊण विहियं कीडं (?) इमं सहसा ॥३२०॥
- एवं सो पालित्तो मओ त्ति जा निज्जई बहिं ताव ।
 सव्वो वि जणो पकुणइ तस्स पसंसं बहुं पत्तो ॥३२१॥
- तम्मज्झड्डिओ जंपइ पच्छायावेण ताविओ धणियं ।
 उब्भविय बाहुदंडं महया सदेण पंचालो ॥३२२॥
- सीसं कह वि न फुट्टं जमस्स पालित्तयं हरंतस्स ।
 जस्स मुह-निज्जाराओ तरंगवइया नई वूढा ॥३२३॥

१. निजुत्तीओ ।

सोऊं चेमं सूरी-गुणाण उक्कंठियम्मि सयल-जणे ।	
पालित्तयसूरी झत्ति उट्ठिओ एव जपंतो	॥३२४ ॥
भो भो मरिउं पि महं इ[43.B]मेण पंचाल-सच्च-वयणेण ।	
ओसह-तुल्लेणं जीविओ तओ मउलिओ सो य	॥३२५ ॥
जाओ पहिट्ठ-हियओ संघो उण राइणा इमं सोउं ।	
आणत्तो निव्विसओ पंचालो सूरिणा धरिओ	॥३२६ ॥
दट्ठूण तारिसं तं परोवयार-ज्जुयं पहुंच सो वि ।	
ताण समीवे जाओ सावगो कम्म-विवरेण	॥३२७ ॥
इय एवमाइ बहुहा काउं निय-दंसणस्स माहण्णं ।	
जाणित्ता चूडामणि-जायगमाईहिं नियमाउं	॥३२८ ॥
कहिऊण तयं संघस्स करिवि कालं सुराण नयरीए ।	
संपत्तो धवलेउं जसमिणमो कित्ति-कुच्चेणं	॥३२९ ॥

॥छ॥ पालित्ताचार्य-कथानकं समाप्तं ॥छ॥

३. मल्लवादि-कथानक

- [44.A] ॥ सांप्रतं मल्लवादि-कथानकमुपवर्ण्यते ॥
 अस्सावबोह-तित्थोवसोहियं अत्थि एत्थ सुपसिद्धं ।
 भरुयच्छं नाम पुरं अणेय-विउसाण आवासं ॥३३० ॥
 तत्थत्थि जिणाणंदो सूरी भिक्खू य तत्थ महवाई ।
 बुद्धाणंदो नामेण अन्नया तेणिमं भणियं ॥३३१ ॥
 जो वायम्मि जिणेही तस्स इहं दरिसणेण ठायव्वं ।
 नीहरियव्वं इयरेण सूरिणा सह कओ वाओ ॥३३२ ॥
 भवियव्वया-निओएण हारियं कह वि सूरिणा तत्थ ।
 तो नीसरिओ सूरी संघेण समं गओ वलहिं ॥३३३ ॥
 सूरिस्स ^१दुल्लहेदेवी भगि[44.B]णी तस्सेय वर-सुया तिन्नि ।
 अजियजस-जक्ख-मल्ला तेहिं समं सा उ पव्वइया ॥३३४ ॥
 तो सूरि-पभावेणं समत्थ-गुण-संजुया तओ जाया ।
 समुदाएणं ^२सूरिं विन्नविउं पोत्थयाईणं ॥३३५ ॥
 कज्जाणं चिंताए ठविया सव्वाण सम्मय त्ति तओ ।
 निय-गुण-माहप्पेणं जायइ गरुयत्तणं सुयणे ॥३३६ ॥
 विउसीकया य ते वि य समत्थ-सत्थेसु सूरिणा खुड्डा ।
 मोत्तूणं पुव्वगयं तहा य नयचक्क-गंथं च ॥३३७ ॥
 जम्हा सूरिवरेहिं उद्धारो बारसारओ बीओ ।
 गंथो नयचक्कस्सा पमाणवायस्स पुव्वस्स ॥३३८ ॥
 देवकय-पाडिहेरस्स तस्स अरयाण मूल-पज्जंते ।
 [45.A] सव्वाण वि गहणम्मी चेइय-संघाण वर पूया ॥३३९ ॥

१. दुल्लहेवी २. सूरी

कायव्वा एस ठिई बहु पुरिस समागय त्ति इय सुणिउं ।	
मइ-मेहा-संपन्नं दद्वुणं चेल्लयं मल्लं	॥३४० ॥
अपुव्वं पिव सयमेव वाइही एस पोत्थयं एयं ।	
ता अज्जिया-समक्खं विहरिउकामो तयं भणइ	॥३४१ ॥
वाएज्जसु मा चेल्लय एयं नयचक्क-पोत्थयं एवं ।	
वोत्तुं मोत्तुं तं अज्जिया-जुयं विहरिओ सूरि	॥३४२ ॥
कज्जेणं केण एयं निवारियं मज्झ चित्तिउं विरहे ।	
निय-अज्जियाए मल्लेण पोत्थयं छोडियं तस्स	॥३४३ ॥
घेतूण पढम-पत्तं करम्मि तो [45.B] वाएइ इमो तत्थ ।	
एग सिलोगो निस्सेस-सत्थ-अत्थस्स संग्गाही	॥३४४ ॥
विधि-नियमभंग-वृत्ति-व्यतिरिक्तत्वादनर्थकवचोवत् ।	
जैनादन्यच्छासनमनृतं भवतीति वैधर्म्यम्	॥३४५ ॥
जावेयं सो चितइ निमीलियच्छो झड त्ति ता हरियं ।	
सुयदेवयाए अविहि त्ति पोत्थयं पत्तयं चैव	॥३४६ ॥
हरियम्मि तम्मि मल्लो विसन्न-चित्तो विलक्ख-वयणो य ।	
जा चिट्ठइ ता पुट्ठो जणणीए किं तुमं अज्ज	॥३४७ ॥
दीससि विद्दाण-मुहो सब्भावे साहियम्मि तो तीए ।	
समुदायस्स निवेइयमिणमो तेणावि भणियमिणं	॥३४८ ॥
अन्नत्थ नत्थि एयं कत्थइ नयचक्क[46.A]पोत्थयं तम्हा ।	
नेयं भव्वं वोत्तुं महाविसायं गओ संघो	॥३४९ ॥
तो मल्लेणुल्लवियं नयचक्कुमाहिण सयकालं ।	
होहामि वल्ल-भोइय गिरि-गुह-वासी विणा एयं	॥३५० ॥
इय सोउं समुदाओ अहिययरं दुक्खिओ मणे जाओ ।	
मल्लस्स चलण-लग्गो विन्नवई वायपित्तेहिं	॥३५१ ॥

पीडिज्जिसि तं तम्हा अम्हुवरोहेण विगइ-परिभोगं ।	
कुणसु तओ तेणुत्तं तुम्हुवरोहेण तेणुत्तं	॥३५२ ॥
पारणए चउम्मासस्स एव वोत्तूण वलहि-आसन्ने ।	
गिरिहडल-गिरिगुहाए ठिओ तयं चेव चिंततो	॥३५३ ॥
नयचक्क-सिलोगत्थं पुणो पुणो साहुणो तेहिं गंतुं ।	
पडियग्गंती तं भत्त-पाणमाईहिं तत्थिठियं ^१	॥३५४ ॥
[46.B] आराहेइ य संघो सुयदेविं ^२ पूयणाइणा निच्चं ।	
दिनुवओगा मल्लं रयणीए सा इमं भणइ	॥३५५ ॥
के मिट्ठा तेणुत्तं वल्ला पुण भणइ देवया एवं ।	
छहि मासेहिं गएहिं केणं ती घय-गुलेणुत्तं	॥३५६ ॥
एयस्स अहो मइ-पगरिसो त्ति चित्तेवि रंजिया देवी ।	
जंपइ मग्गसु भो मल्ल इच्छियं तेण तो भणियं	॥३५७ ॥
जइ देवि महं तुट्ठा तो तं नयचक्क-पोत्थयं देसु ।	
देवी जंपइ पढमा सिलोगओ चेव तं होही	॥३५८ ॥
पुव्विल्ला सविसेसं तुज्झं नयचक्क-पोत्थयं वोच्छं ।	
जाणाविउं च एयं संघस्स गया लहुं देवी	॥३५९ ॥
तो मल्ल चिल्लओ वि य विरईय [47.A]-नयचक्क-माहप्पो ।	
लद्ध-जसो संघेण पवेसिओ वलहि-नयरीए	॥३६० ॥
आणाविओ य सूरि तेण वि वायाविऊण पुव्वगयं ।	
अजियजस-जक्ख-मल्ला निवेसिया सूरि-पयवीए	॥३६१ ॥
जाया तिन्नि विजिय-अन्नवाइणो वाइणो पिहियकित्ती ।	
अजियजसेण विरइओ पमाण-गंथो ^३ निओ सो य	॥३६२ ॥

१. ० द्वियं ।

२. सुयदेवी ।

३. मिओ

अजियजसो त्ति पसिद्धो इओ य मल्लेण मुणिय मालिन्नं ।	
निय-दंसणस्स तह निय-गुरु-परिभवं तत्तो	॥३६३॥
भरुयच्छे गंतूणं पन्नविओ नरवई तओ तेणं ।	
बुद्धाणंदं सदाविऊण ठविया ठिई सा उ	॥३६४॥
तो भणियं थेरेहिं पढमं को.[47.B] मुणिउं ।	
बुद्धाणंदो जंपइ एयस्स ^१ गुरु वि जेण मए	॥३६५॥
जित्तो तो का गणणा इमम्मि बालम्मि होउ एयस्स ।	
पढमो वाओ ^२ त्ति थेर-सम्मए भणइ मल्लो त्ति	॥३६६॥
बहुविय-वियप्प-पडिभंग-संकुलं पुव्व-पक्ख-मइ-गुविलं ।	
थिर-वियडक्खर-गंभीर-भारईए दिणे छच्छ	॥३६७॥
सत्तम-दिवसस्संते जंपइ ^३ अणुवाइय दूसउ ताव ।	
एयं बुद्धाणंदो त्ति वोत्तु मोणं ठिओ मल्लो	॥३६८॥
तं सोउं सट्ठाणे पत्ता सव्वे वि वाइया लोया ।	
बुद्धाणंदो वि गओ रयणीए चितई जाव	॥३६९॥
तं मल्लवाइ-भणियं वियप्पमालाऽऽडवीए ता भुल्लो ।	
संखुद्धो ठियए णंदावेउं दीवयं तत्तो	॥३७०॥
उवरि[48.A]गाए पविसिय दिप्पइ-भित्तीए वायणा भणियं ।	
अणुवायत्थं बहुविह-वियप्पमालं तह वि मूढो	॥३७१॥
नो सरइ किंपि भणियं चितइ तो कह निवस्स अत्थाणे ।	
जंपिस्समहं घोप्पेण तत्थ पंचत्तमावन्नो	॥३७२॥
मिलिए य सभा-लोए रत्ता भणियं न आगओ एत्थ ।	
बुद्धाणंदो तो तं गवेसिउं झति आणेह	॥३७३॥

१. गुरु २. ते ३. अणुवईय दूसऊ ताव ।

भणियाणंतरमेव य राय-भडा ^१ गवेसिउं पत्ता ।	
साहिति देव नज्जइ उस्सुरे सुत्तओ होही	॥३७४ ॥
नो बुज्जइ सो अज्ज वि बुद्धाणंदो त्ति जं [48.B]पिए राया ।	
जंपइ भो भो कुसलं जं से दीहा ^२ इमा निद्दा	॥३७५ ॥
सम्मं निरूविऊणं आगच्छह ता पुणोवि पट्टविया ।	
ते वि हु गंतुं उग्घाडिउं च बारं निहालंति	॥३७६ ॥
दिट्ठो तो तत्थ मओ बुद्धाणंदो अनाय-भंग-गमो ।	
कर-गहिय-निबिड-सेडिय-उड्ड-मुहो अद्ध-कय-लिहणो	॥३७७ ॥
एत्थंतरम्मि मुक्का वुट्ठी कुसुमाण सासण-सुरीहिं ^३ ।	
गयणत्थाहिं ^४ सिरि-मल्लवाइणो उवरि कहियं च	॥३७८ ॥
रायाईणं सव्वं बुद्धाणंदस्स चेट्ठियं तं च ।	
नाउं परा [49.A]जिओ त्ति य बुद्धाणं दरिसणं राया	॥३७९ ॥
नीसारिउकामो वि हु निवारिओ मल्लवाइणा तत्तो ।	
भूवइणा भरुयच्छे पुणो वि आणाविओ संघो	॥३८० ॥
सयलो वि जिणाणंदप्पमुहो सो पवेसिओ पुरे नियए ।	
महया विच्छट्ठेणं तहिं च वक्ख्वाणिओ गंथो	॥३८१ ॥
सो नयचक्कऽभिहाणो पहूहि सिरि-मल्लवाइणा एवं ।	
सिरि-वीरनाह-तित्थं पभाविउं विहरिउं पुहई	॥३८२ ॥
पत्तो सुरालयम्मी अज्ज वि नयचक्क-गंथयं तमिह ।	
विज्जइ वाइंताण ^५ वि उवद्दवो जोयए जेण	॥३८३ ॥

॥छ ॥ श्री मल्लवादि-कथानकं समाप्तं ॥

१. गवेसियं २. इमे ३. -सुराहिं ४. ०. त्थहिं ५. वाइंताण ।

४. बप्पभट्टि - कथानक

[49B] ललियालाव-मणोहर-समत्थ-जण-पुत्र-सयल-पुर-गामो ।	
अत्थि पसिद्धो देसो गुज्जर - देसो त्ति नामेण	॥३८४ ॥
जम्मि जणाणं मणयं पि माणसे वसइ नेय कालुस्सं ।	
पच्चासन्न-द्विय-तित्थ भाव-तित्थं व तत्थऽत्थि	॥३८५ ॥
विमल-जलाउल-सब्भमइ ^१ -सरिय-तीर-द्वियं वरं गामं ।	
बहु-धण-धन्न-समिद्धं नामेणं पाडला तम्मि ।	॥३८६ ॥
मोढेर-गच्छ-नहयल-भूसण पडिपुत्र-चंद-बिंबाहो ।	
सिरि-सिद्धसेणसूरी आसी जय-पयड-माहप्पो	॥३८७ ॥
दट्टूण जस्स मन्ने पंडिच्चं लज्जिओ ^२ व्व गयणम्मि ।	
वासं विहेइ निच्चं विहप्फई तस्स किं भ[50A]णिमो	॥३८८ ॥
लोइय-लोउत्तर-सयल-सत्थ-परमत्थ-कहण-लद्धजसो ।	
मोढेरम्मि पुरम्मी विहरंतो अन्नया पत्तो	॥३८९ ॥
तम्मि निय-सिहर-उत्तुंगिमाए पडिभग्ग-सूर-रह-मग्गं ।	
सिरि-वीरनाह-तणुमाण-पडिम-समलंकियं रम्मं	॥३९० ॥
विज्जइ जिणालयं जं च हरइ भवियाण पाव-पब्भारं ।	
चितियमेत्तं पि हु किं पुणो तयं भावओ नमियं	॥३९१ ॥
जस्स य नयाण भवियाण कुणइ सन्निज्झमुत्तमं निच्चं ।	
सिरि[बंधसंति]-[50B] देवो निम्मल-सम्मत्त-गुण-धारी	॥३९२ ॥
तं वंदिऊण सूरी भिन्नम्मि जिणालयस्स ठाणम्मि ।	
रयणीए तो सुत्तो पिच्छइ सुमिणं इमं परमं	॥३९३ ॥
जह वद्धमाण-जिण-गिह-सिहरग्गे उल्ललेवि भूमीए ।	
चडिओ सीह-किसोरो हेलाए सुंदरावयवो	॥३९४ ॥

१. संभमइ । २. लज्जियओ ।

तं पासिय पडिबुद्धो साहूणं कहइ तेहिं वी भणियं ।	
सम्मं एयस्सऽत्थो नो नज्जइ जंपियं तत्तो	॥३९५ ॥
सूरीहिं तो मुणिणो एयस्सऽत्थो इमो जहा सीहो ।	
[पत्र 51 अप्राप्य]	॥३९६ ॥
. [52A]अम्ह समीवम्मि पव्वज्जं	॥३९७ ॥
उवगारो उ लहुकम्मयाए निय-जणय-परिभवाओ य ।	
पडिवन्नो तेण तओ सूरी गंतूण तं गामं	॥३९८ ॥
तज्जणणि-जणय-पुरओ जंपइ अम्हाण देहि निय-तणयं ।	
एयं उत्तम-पयवीए जेण कुणिमो सुयं तुम्ह	॥३९९ ॥
कहकहवि किलेसेणं तेहिं वि सो ताण अप्पिओ तणओ ।	
सूरी तत्तो तं गिण्हिऊण मोढेरयम्मि गओ	॥४०० ॥
विच्छड्डेणं सोहण-दिणम्मि दिक्खोचितं तओ सूरी ।	
पाढेइ पयत्तेणं सो वि हु एक्काए वाराए	॥४०१ ॥
गिण्हइ सुयमत्थं वा एवं थोवेहिं तेण दिवसेहिं ।	
लक्खणमाई [52B]-विज्जा वसीकया ^१ सूरि-पासाओ	॥४०२ ॥
अह बप्पहट्टि खुड्डो सरीरचिताए निग्गओ बाहिं ।	
वासारत्ते वरिसिउमाढत्तो जलहरो तत्थ	॥४०३ ॥
ता सो फुसण-भयाओ लोइय-देवहरय-दारदेसम्मि ।	
इत्ति पविट्ठो अन्नो वि अप्पबीओ तहिं पत्तो	॥४०४ ॥
सिरि-कन्नउज्ज-नयरा रूसेउं परिभवाओ निय-पिउणो ।	
जसवम्म-राय-तणओ अम्मो नामेण वर-कुमरो	॥४०५ ॥
सो विय जल-संतत्थो चिट्ठइ जाव तत्थ ताव पेच्छेइ ।	
तम्मि पसत्थि देवहर-कारयस्स तओ सो उ	॥४०६ ॥

गुरु-कोउगेण लग्गो वाएउं जाव किंपि नो सम्मं ।	
बुज्झइ तो अन्नेणं केणइ सो जंपिओ [53A] एवं	॥४०७ ॥
ईए सयलमत्थं बुज्झइ एसो उ बप्पहट्टि त्ति ।	
तो तेणं सो भणिओ भट्टारय कहसु एयत्थं	॥४०८ ॥
एवं भणिए तो बप्पहट्टिणा तह कहेवि तीयत्थो ।	
कहिओ जह तस्स मणं विम्हय-कोडिं समारूढं	॥४०९ ॥
चित्तइ मणम्मि एवंविहस्स विउसस्स एत्थ पत्थावे ।	
जइ होइ मज्झ रज्जं तं पि हु वियरामि अवियप्पं	॥४१० ॥
इय मुणिय तस्स भावं भणिओ बीएण कुणसु मा खेयं ।	
सामिय जइ विज्जंतं नो दिज्जइ तो भवे दोसो	॥४११ ॥
जइया भवेइ तइया एवं निय-चित्तियं करेज्जासु ।	
इय सुणियं कुमरेणं पुट्ठो सो चेल्लओ [53B] एवं	॥४१२ ॥
तुम्हाण कत्थ वासो ^१ जहट्टिए साहियम्मि तेण समं ।	
सूरि-सगासे पत्तो नमिउं तं तो इमो पुट्ठो	॥४१३ ॥
भयवं विज्जइ का वि हु संपत्ती एत्थ अम्ह जम्मम्मि ।	
करुणं काउं साहह एयं अवरोहओ अम्हं	॥४१४ ॥
नाडी-संचारेणं तह चूडामणि-वरोउएसाउ ।	
मुणिऊणं सूरीहिं भणियं निसुणेसु एग-मणो	॥४१५ ॥
तुम्ह न याणामि अहं सीलं जम्मं कुलं तहा जाई ।	
निय-नाण-बलेणेयं संपइ जाणामि तह तुज्झ	॥४१६ ॥
छत्तीस-गाम-लक्खाण नायगतं इहेव जम्मम्मि ।	
होही थोव-दिणाणं मज्झे नत्थेत्थ संदेहो	॥४१७ ॥

[54A]तो पणमिऊण चलणे गुरूण सव्वं पि साहए चरियं । निययं ^१ गरुय-पमोएणं तत्थ चिट्ठइ पढंतो सो	॥४१८
सूरीण ताण मूले निच्चं सह बप्पहट्टिणो दो वि । निस्सेस-सत्थ-कुसला जाया अणुदियहमब्भासा ^२	॥४१९ ।
एवं च तस्स कुमरस्स पइदिणं बप्पहट्टिणा सद्धिं । जाया परमा पीई सत्थब्भासं कुणंतस्स	॥४२० ।
अह अन्न-वासरम्मी समागया कन्नउज्ज-नयराओ । कुमरस्साणयणत्थं चरि[54B]या सा गमिय कुमरस्स	॥४२१ ॥
विन्नवहिं एवं ^३ जह कुमर राया इमं भणावेइ । सिरि-जसवम्मो सिग्घं आगच्छसु गिण्ह निय-रज्जं	॥४२२ ॥
एत्तिय-मेत्तं कालं परिभूओ रज्ज-कारणा धरिओ । संपइ मम आयंको तो कुवियप्पो न. कायव्वो	॥४२३ ॥
इय सुणिऊणं कुमरो जंपइ सूरीण नमिय चलणेसु । पेसेह मए सद्धिं मम भायं बप्पहट्टिं ^४ त्ति	॥४२४ ॥
सूरीहिं तओ भणियं गच्छसु तं ताव संपयं [55A] एसो । पच्छा तुज्ज समीवे आगच्छिस्सइ तओ कुमरो	॥४२५ ॥
पभणइ नमिऊणं बप्पहट्टिमम्हाणमुवरि इय नेहो । मोत्तव्वो न कयाइ वि तह मम जइया निवा ^५ तुज्ज	॥४२६ ॥
आगच्छंती आकारणाय तइया तए लहुं तत्थ । आगंतव्वं इय भणिय ज्झत्ति चरियाए आरूढो	॥४२७ ॥
थोवेहिं चिय दियएहिं ^६ तत्थ पत्तो तओ य निय-पिउणा । अभिसेयं काऊणं नियम्मि पट्टम्मि सो ठविओ	॥४२८ ॥

१. निवयं २. ०म्भासो ३. एव ४. ०हट्टि त्ति ५. निया ६. दियहिं

आयंक-विहुरिय-तणू काउं परलोय-कज्जमखिलं पि ।	
सिरि-जसवम्मो राया जससेसो तो जए जाओ	॥४२९ ॥
छत्तीस-गाम-लक्खाण [55B] सामिओ पणय-पउर-सामंतो ।	
पालइ पुहइ-पहुत्तं ततो सिरि-अम्मराओ त्ति	॥४३० ॥
चउरासी सामंता पट्टविया तेण पत्त-रज्जेण ।	
आणयणत्थं लहु बप्पहट्टिणो पाडला-गामे	॥४३१ ॥
नमिऊण सूरि-चलणे ते वि य जंपंति पंडियं निययं ।	
नामेण बप्पहट्टिं पेसह इय भणइ अम्ह पहू	॥४३२ ॥
सिरि-अम्मरायनामो जइ ममं नेहओ गुरु वयइ ।	
पाणपिओ एसऽम्हं तहा वि उवरोहओ रत्तो	॥४३३ ॥
नो सक्केमो भणिउं किं पि वि तो तेहि वी भणियं ।	
एस ^१ पसाओ अम्हं उ णामिय-उत्तमंगेहिं	॥४३४ ॥
अज्ज पि पाडल-गामे कंजेलाइय तलाइया नाम ।	
दिसइ सामंताइ बहु कूरुस्सावणुब्भूया (?)	॥४३५ ॥
तो ते तं गिण्हेउं संपत्ता [56A] कन्नउज्ज-नयरम्मि ।	
संमुहमुवागओ तस्स अम्मराओ वि बहु-भूमिं	॥४३६ ॥
महया विच्छडेण पवेसिओ पट्ट-हत्थि-आरूढो ।	
एगासणोवविट्ठो निय-नयरे धरिय-सिय-छत्तो	॥४३७ ॥
भणिओ य गिण्ह रज्जं एयं मह संतियं जओ तुज्झ ।	
पुव्वं पि मए दिन्नं पसत्थि-वक्खाण-समयम्मि	॥४३८ ॥
तो बप्पहट्टिणेवं भणियं नरनाह नेरिसो कप्पो ।	
एत्तिय-मित्तं भूमीं तुज्झऽवरोहेण संपत्तो	॥४३९ ॥

उवविससु मज्झ सीहासणम्मि एवं पयंपिए भणइ । एयं पि नेय जुत्तं जम्हा गुरु-दिन्नयं एयं	॥४४० ॥
जुज्जइ परिभोत्तूणं [56B]सामन्न-मुणीण इहरहा नेय । तो सो पुणो वि सामंत-परिवुडो पेसिओ रत्ता	॥४४१ ॥
मोढेरयम्मि नयरे भणाविया सूरिणो मम पसायं । एयं सूरिं काउं पेसह जइ जुज्जई एयं	॥४४२ ॥
तो तेहिं राय-भणणाओ बप्पहट्टिस्स जोग्गयाए य । आलोचिऊण संघं सूरि-पयं वियरियं तस्स	॥४४३ ॥
सोहण-दिवसे गुरु-वित्थरेण तत्तो य एवमणुसट्ठो । संघ-समक्खं सिरि-बप्पहट्टिसूरी जहा भो भो	॥४४४ ॥
उत्तममियं पयं जिणवरेहिं लोगुत्तमेहिं पन्नत्तं । उत्तम-पय-संजणियं उत्तम-जण-सेवियं लोए	॥४४५ ॥
धन्नाण निवेसिज्जइ धन्ना गच्छंति पारमेयस्स । [57A]गंतुं इमस्स पारं पारं वच्चंति दुक्खाणं	॥४४६ ॥
वूढो गणहर-सट्ठो गोयममाईहिं धीर-पुरिसेहिं । जो तं ठवइ अपत्ते जाणंतो सो महापावो	॥४४७ ॥
एवमुवालंभम्मी जुज्जइ कह एय विवरणं अम्ह । काल-वसा अम्हे वि हु न तारिसा जारिसा सुत्ते	॥४४८ ॥
तं पुण रायाईहिं कयपूओ निव-रिसि त्ति मा गव्वं । चित्ते वहिज्ज किरियं करेज्ज साहूण तह निच्चं	॥४४९ ॥
दंसण-पभावणाए उज्जुत्तो होज्ज भद्द किं बहुणा । तह जइयव्वं जह से कयाइ नो एइ तुह खलियं	॥४५० ॥
एवमणुसट्ठो सूरी एमाइ भणिय पुण समुट्ठेउं । नमिऊण गुरुं जंपइ [57B] भयवं मह जावजीवाए	॥४५१ ॥

विगईणं परिभोगे नियमो सव्वाण जेण जीवाणं । एयच्चिय विगइकरा ^१ विगई-गमणम्मि दढ-हेऊ	॥४५२ ॥
एवं गिण्हिय नियमं परिणय-मुणि-विंद-संजुओ सूरी । सामंत-विंद-कलिओ कन्नउज-पुरम्मि संपत्तो	॥४५३ ॥
पुव्व-कमेण पविट्ठो उवविट्ठो आसणे तत्तो । तत्थ वि उवरिं काउं लोइयमिइ दट्ठु तो रण्णा	॥४५४ ॥
सिरि-बप्पहट्ठिसूरी पुट्ठो अज्ज वि न कप्पए एयं । सूरि-पय-संठियाण वि खिवेह जं लोइयं उवरिं	॥४५५ ॥
भणियं पहुणा तत्तो तुम्ह उवरोहेण राय उवविट्ठो । तुह आसणम्मि अन्नह [58A]नो कप्पइ अम्ह सयकालं	॥४५६ ॥
अप्पडि-दुप्पडिलेहिय-निवास-सेज्जासणेसु उवविसणं । इय मेरा अम्हाणं आणा-भंगो भवे इहरा	॥४५७ ॥
जह कहवि एव कुणिमो तुज्जुवरोहा वयं तओ होमो । बज्जा नियस्स संघस्स सुणिय इय राइणा तत्थ	॥४५८ ॥
आहूओ सव्वो वि हु संघो निय-नयर-वासिओ तत्तो । भणिओ य सबहुमाणं जोडिय-कर-संपुडेणेवं	॥४५९ ॥
संपइ काले हीणं तुम्हाणं दंसणं ति इय मुणिउं । राईहिं परि[58B]ग्गहियं होइ जणे पूय-ठाणम्मि	॥४६० ॥
ता भणह बप्पहट्ठिं जेणं उवविसइ सव्व-कालं पि । एसो मसूरियासुं इहरा लज्जामि अहयं ति	॥४६१ ॥
तो संघेणं भणिओ सूरी एवं करेह निव-भणियं । तुम्हाण नत्थि दोसो अम्ह ^२ वयणेण विहियम्मि	॥४६२ ॥

१. विगयकरा २. वययेण

ता बप्पहट्टि-पहुणा महंत-कट्टेण संघ-वयणेणं । पडिवन्नं ^१ निव-वयणं अवणीया लोइया तत्तो	॥४६३॥
तप्पभिई अन्नत्थ वि जाया चेइयहरेसु एस परी । कंबलय-निसेज्जासुं पुव्वि पुण आ[59A]सि उवविसणं	॥४६४॥
उवविसइ बप्पहट्टी निवस्स सीहासणम्मि इयरो उ । उवविसइ नीयतरए भिन्ने सीहासणे निच्चं	॥४६५॥
रज्जं ^२ असंगहंतस्स सूरिणो अम्मराइणा दिन्ना । ^३ सत्तरि सहस्स गामाण लक्खमेगं च सयकालं	॥४६६॥
पक्खंते पक्खंते ^४ सहस्सेय-पाहुडं च सव्वं पि । सूरी वि सव्वमेयं समप्पए नियय-संघस्स	॥४६७॥
सो विय तेणं दव्वेणं कुणइ पडिमा-कज्जमणवरयं । सिरि-कन्नउज्ज-नयरे तहा हि पढमं [59B]कयं रम्मं	॥४६८॥
एक्कोत्तर-सय-हत्थं कंचणमय-कलस-सोहियं रम्मं । चामीयर-धय-दंडावलीढ-धय-कणिर-खिंखिणियं	॥४६९॥
नाणारूवय-विच्छित्ति-मंडियं विमल-सेल-दल-घडियं । पडिच्छंदं पिव उत्तुंगिमाए नं मेरु-सेलस्स	॥४७०॥
अट्टारस-भार-सुवन्न-माण-सिरि-वद्धमाण-पडिमाए । भूसिय-गब्भहरयं विसाल-वर-जगइ-कय-सोहं	॥४७१॥
एवंविह-देवहरं विहियं सिरि-कन्नउज-नयरम्मि । अज्ज वि तहट्टियं चिय दिसइ तं भव्वलोएहिं	॥४७२॥
कंचण-पडिमा संपइ गंगा-तीरम्मि[60A]गोविया सा उ । मेच्छाहिवाण जाए भयम्मि बिंबंतरं ठवियं	॥४७३॥

१. निय- २. असंगहतस्स । ३. सतरि ४. सहसेय

गोवालउरे बीयं चेइहरं वीर-सामिणो विहियं ।	
तेवीस-हत्थ-माणं सुलेप्पमयं वीर-पडिबिंबं	॥४७४ ॥
जस्स सवाओ लक्खो टंकाण बलाणयम्मि नणु लग्गो ।	
तस्स कहं वन्निज्जइ सोहा जिणमंदिरस्सेत्थ	॥४७५ ॥
किं बहुणा चउरासीतेणं दव्वेण तम्मि समयम्मि ।	
चेईहराइं संघेण कारियाइं वरिद्धाइं	॥४७६ ॥
सावय-जणेण जइ वि हु कयाइं तह वि हु भणइ ^१ तहिं लोओ ।	
एए विहारा सिरि-बप्पहट्टिणो सेयभिक्खुस्स	॥४७७ ॥
अन्नं च तस्स सिरि-अम्म- ^२ राइणा खाइमिच्छ[60B]माणेण ।	
पुहइवइ-अलंकारो दिन्नो एसो पमोएण	॥४७८ ॥
मत्त-गइंदो छत्तं चामरे बहु परियणो य तह पढमं ।	
कीरइ नमणं सामंत-मंति-लोएण अत्थाणे	॥४७९ ॥
एवं वच्चंतम्मी काले तह अन्नया य राईहिं ।	
आलोचिऊण सव्वेहिं जंपियं राइणो पुरओ	॥४८० ॥
देव न जुत्तं एयं जं कीरइ सेयभिक्खुणो पढमं ।	
एस पणामो सिहासणं च दाउं न जुत्तं ते	॥४८१ ॥
जइ पुण एवं कीरइ ता एयस्सेव कीरउ धम्मो ।	
विण्हुवयारो राया हवेइ कह कुणउ नमणविहिं	॥४८२ ॥
एवं भणिए ^३ वि तुम्ह रोयए जइ न अम्ह वयणमिणं ।	
तो नो अम्हे सव्वे वि देवपाया[61A]ण पाइक्का	॥४८३ ॥
एवं भणिए रत्ना पडिवन्नं ताण संतियं वयणं ।	
तो बीय-दिणे रत्ना दवावियं आसणं भिन्नं	॥४८४ ॥

१. भणे तहिं २. रायणा ३. वि न तुम्ह

સિરિ-બપ્પહટ્ટિસૂરી તં ચ લોયાણ જાણિયં પહુણા । લોઉત્તીએ તો એવં જંપિયં સૂરિણા તત્થ	॥૪૮૫ ॥
વિપુલ-મતિભિઃ ^૧ કૈરપ્પેતજ્જગજ્જનિતં પુરા વિધૃતમપરૈર્દત્તં ચાન્યૈર્વિજિત્ય ^૨ તૃણં યથા ।	
ઇહ હિ ભુવનાન્યન્યે ધીરા ચતુર્દશ ભુઙ્ગતે કતિપયપુરસ્ત્વન્યે ^૩ પુસાં ક ણ્ણ મદજ્જ્વરઃ	॥૪૮૬ ॥
એયં સુણિયં વિત્તં રત્ના નમિરુણ રામિઓ સૂરી । [61B]નિયયાસણમ્મિ ઠવિઓ તહ ગુરુ-સદ્દેણિમં ભણિયં	॥૪૮૭ ॥
જો ન સહઇ ઇય પૂયં કિજ્જંતં સૂરિણો મએ એત્થ । અબ્બહિણેણ વિ તેણં નો કજ્જં મજ્ઝ ઇય ભણિએ	॥૪૮૮ ॥
સવ્વે વિ પંજલિઉડા નરવણ્ણો સૂરિણો સયા-કાલં । કુવ્વંતિ તઓ નમણં નિય-પહુણો મુણિય સમ્ભાવં	॥૪૮૯ ॥
અહ અન્નયા કયાઈ સુત્ત-વિઉદ્ધેણ રાણ્ણા પઠમં । નિય-ભજ્જાએ વત્થેણ વિરહિયાએ રાયં ઉવરિં	॥૪૯૦ ॥
નિદ્દાભર-સુત્તાએ ચિત્તો વત્થંચલો તઓ તીએ । વિન્નાયં લજ્જંતી નરવણ્ણો દેઇ નો દિટ્ઠી	॥૪૯૧ ॥
તં ચ સ[62A]રિરુણ રત્ના અત્થાણત્થેણ જંપિયં એયં । [*અજ્જવિ સા પરિતપ્પઇ કમલમુહી અત્તણો પમાણ	॥૪૯૨ ॥
મુણિં મુણિણા ભાવો રત્તો ઝઇ ત્તિ કહિયં ગાહદ્ધં ।*] સુત્ત-વિઉદ્ધેણ તએ જીસે પચ્છાઇયં અંગં	॥૪૯૩ ॥

૧. કૈરપ્પેતજુગજુનિતં ૨. ત્થળં ૩. ંપુરસ્તાન્યે

* પ્રતમાં ગાથા ૪૯૨ નો ઉત્તરાર્ધ અને ૪૯૩ નો પૂર્વાર્ધ ખૂટે છે, અને બે ગાથાઓ એક થઈ ગઈ છે. ગાથા ૪૯૨ નો ઉત્તરાર્ધ 'પ્રભાવકચરિત' માં મળે છે તે અત્ર મૂકેલ છે અને ગાથા ૪૯૩ નો પૂર્વાર્ધ સંપાદકે સંદર્ભપૂર્તિ કરવા સ્વી મૂક્યો છે.

- गाहद्धमिणं सोऊं रत्रा ईसा-परव्वसेणेयं ।
निय-माणसम्मि धरियं नूणं संचरइ भज्जाए ॥४९४ ॥
- गुज्झमिणं कह नज्जइ इहरा एवं वियप्पई जाव ।
ता दिट्ठि-वियारेणं मुणियमिणं सूरिणा तत्तो ॥४९५ ॥
- उट्ठेऊण सहाए नावाए आरुहित्तु रायगिहे ।
नयरम्मि गओ उज्जाणे संठिओ विउस-वग्गेण ॥४९६ ॥
- सिट्ठो छत्तीसं-गाम-लक्ख-सामिस्स धम्मरायस्स ।
सिरि-गउडदेस[62B]-पहुणो जह पत्तो एत्थ नरनाह ॥४९७ ॥
- सिरि-बप्पहट्टिसूरी समत्थ-विउसयण-सेहरो तम्हा ।
किज्जउ सामिय उचिया पडिवत्ती तो निवो भणइ ॥४९८ ॥
- जह मह देसा सिग्घं निग्गच्छइ तह करेह नो सूरी ।
इय भणिए विउसेहिं भणिओ सिरि-धम्मराओ त्ति ॥४९९ ॥
- तुम्हाण इमं काउं नो जुज्जइ जेण उत्तमो विउसो ।
एसो एव कयम्मी जयम्मि होही गुरू अयसो ॥५०० ॥
- रत्रा भणियं भो भो नेयमवत्राए जंपिमो अम्हे ।
किंतु इहं सो सूरी थिर-[63A]वासो नेय होहि त्ति ॥५०१ ॥
- तम्मि गए निय-ठाणं होही मह माणसम्मि बहु दुक्खं ।
तव्विरहे जेणं नत्थि एय-सरिसो जए विउसो ॥५०२ ॥
- ता पढमं चिय कीरउ एवं एयस्स जइ परं एसो ।
जंपइ न जामि अहयं कयावि कन्नउज-नयरम्मि ॥५०३ ॥
- जाव न राया अम्मो आगच्छइ मज्झ एत्थ अत्थाणे ।
इय सोउं तेहिं इमं सुणाविओ बप्पहट्टि पहू ॥५०४ ॥

तेण वि तं पडिवन्नं तओ य गुरु-वित्थरेण निय-नयरे ।	
सिरि-बप्पहट्टि-सूरी पवेसिओ धम्म-नरवइणा	॥५०५ ॥
तारिस-पडि[63B]वत्तीए पंडिय-गोट्टीए तत्थ चिट्ठेइ ।	
एत्तो कन्नउज-पुरे न नज्जई कत्थइ गओ त्ति	॥५०६ ॥
अह अन्न-वासरम्मि सरीरचिंता-गएण नरवइणा ।	
अम्मेणं जुज्झंतो नउलो अहिणा समं दिट्ठो	॥५०७ ॥
सो पुण निहओ फणिणा रत्ता तो चिंतियं किमेयं ति ।	
जा सम्मं अवलोयइ ता सप्प-सिरे मणी दिट्ठो	॥५०८ ॥
तो विन्नायं ^१ रणा एय-पभावेण निज्जिओ एसो ।	
तो तं थंभेऊणं मंतेणं गिण्हिऊण करे	॥५०९ ॥
पावरिय-पिहुल-पडओ अत्थाणे संठिओ भणइ एवं ।	
भो भो विउसा पूरह सि[64A]लोयद्धं इमं अम्मं	॥५१० ॥
‘ शस्त्रं शास्त्रं कृषिं विद्या यो यथा येन वर्तते ’	॥५११ ॥
नो सक्कइ कोवि तहिं पूरेउं अणुगयत्थमिय रत्ता ।	
भणियं पुणो वि जो इह पूरेई तस्स हिय-इट्ठं	॥५१२ ॥
दाहामि एव निसुए रत्तो जूआरिएण गंतूणं ।	
सिरि-बप्पहट्टि-पासे नमिऊणं भणियमेवं ^२ ति	॥५१३ ॥
मम देह सामि वित्तिं पूरेउं संगयं इमस्सऽद्धं ।	
तो बप्पहट्टि-पहुणा पयंपियं एवमद्धं से	॥५१४ ॥
‘सुगृहीतं तं कर्तव्यं कृष्ण-सर्प-मुखं यथा ’	॥५१५ ॥
सो तं गिन्हिय सिग्घं समागओ राइणो सयासम्मि ।	
निसुणेसु सामियऽद्धं मए कयं इह सिलोगस्स	॥५१६ ॥

पढिए तओ नरिदेण जंपियं तुज्झ अवितहं भद् ।	
दाहामि परं सच्चं क[64B]हेसु केणं कयं अद्धं	॥५१७ ॥
तो तेणं सच्चं चिय नरवइणो साहियं महाराय ।	
सिरि-बप्पहट्टि-पहुणा कत्थञ्छइ सो तओ तेणं	॥५१८ ॥
भणियं रायगिहम्मी धम्म-नरिदेण विहिय-सम्माणो ।	
तं मोत्तुं को अन्नो एरिस कव्वाण इह ^१ कत्ता	॥५१९ ॥
तं सोउमट्ट-मुहो पच्छायावो निवस्स तो जाओ ।	
जह एयं ^२ सुसिलिद्धं अद्धं तह पुव्व-भणियं पि	॥५२० ॥
निस्सदेहं मन्ने होही इय जाव चिट्ठई राया ।	
पच्छायावानल-डज्झमाण-गत्तो इओ तत्थ	॥५२१ ॥
पत्तो एगो पहिओ निय-कर-संधरिय-एक्क-गाहद्धो ।	
विन्नविय नमिय रायं समस्सियं ^३ कुणह ईईए	॥५२२ ॥
जेणं सयमेव कवी देवो अन्ने य वर-कई संति ।	
तुम्ह गिहे इय सु[65A]णिउं समागओ एत्थ तं चयं	॥५२३ ॥
‘तइया मह निग्गमणे पियाए थोरंसुएहिं जं रुन्नं ।’	
तेण कमेणं तं चिय सूरीहिं पूरियं एयं -	
‘करवत्तिय-जल-निवडंत-बिंदु तं अज्ज संभरियं’	॥५२४ ॥
पुट्ठे तहेव जो वाचियम्मि तह चेव रायपुरिसेहिं ।	
आगंतूणं सिद्धं नरवइ निसुणेसु जह वित्तं	॥५२५ ॥
कर-गहिय-सेडिया-खंड-लिहिय-पुव्वद्ध-तरुतलासीणो ।	
एगो पहिओ पंचत्तमुवगओ रत्त-मज्झम्मि	॥५२६ ॥
अखय-सरीरो उड्डं पसारियच्छो तहा य तत्थेव ।	
करवत्तिया चु[65B]यंती दिव्व-जलबिंदुणो णेगे	॥५२७ ॥

१. कत्तो । २. सुसलिद्धं ३. समीसियं

साहाए तस्स तरुणोऽवलंबिया तं सुणेवि नरनाहो ।	
१अहिययरं संतत्तो पहुणो विरहानलेण तओ	॥५२८ ॥
हा हा असुहं पुव्वि धरियं निय-माणसम्मि जेण पहु ।	
इय कव्व-करण-सत्ती पच्चक्ख-सरस्सई एसो	॥५२९ ॥
इय जंपिऊण दाऊण तस्स हिय-इच्छियं बहुं दाणं ।	
आणयणत्थं सिरि-बप्पहट्टिणो पेसिया पुरिसा	॥५३० ॥
इय सिक्खवियं जह मह अवराहं खमेह एक्कसो विहियं ।	
तुम्ह [66A] समा जं पहुणो खमंति पणयाण पुरिसाण	॥५३१ ॥
तेहिं वि गंतुं सिद्धं जहट्टियं राइणो इमं वयणं ।	
सूरीहिं तओ भणियं एत्थ वि अम्हाण खेमं ति	॥५३२ ॥
आगच्छिस्सं नाहं सब्भावे साहियम्मि तो तेहिं ।	
भणियं करिय पसायं अप्पह अम्हाण लेहं ति	॥५३३ ॥
सूरीहिं तओ निय-भाव-सूयगं लिहिय-गाहा-विंदमिणं ।	
रायपुरिसाण हत्थे समप्पियं तक्खणा चेव	॥५३४ ॥
खंडं विणा वि अखंड-मंडलो चेव पुत्तिमा-चंदो ।	
हर-सिरि गयं पि सोहइ न चेव [66B] विमलं ससीखंडं	॥५३५ ॥
एक्केण कोत्थुभेणं विणा वि रयणायरो च्चिय समुद्धो ।	
कोत्थुभ-रयणं उयरे जस्स ट्टियं सो महग्घवियओ	॥५३६ ॥
अग्घायंति महुयरा विमुक्क-कमलायरा वि मयरंदं ।	
कमलायरो २वि दिट्ठो सुओ ३वि किं महुयर-विहूणो	॥५३७ ॥
परिसेसिय-हंसउलं पि माणसं माणसं न सदेहो ।	
अन्नत्थ वि जत्थ गया हंसा वि बया न भन्नंति	॥५३८ ॥

१. अहियरं २. व्व ३. व्व

माणस-रहिएहिं सुहाइं जह न लब्भंति रायहंसेहिं ।	
तह तस्स वि तेण विणा तीरुच्छंगा न सोहंति	॥५३९ ॥
[67A]मलओ सचंदणो च्चिय नइ-मुह-हीरंत-चंदणदुमो वि ।	
पब्भट्टं पि हु मलयाओ चंदणं जायइ महगघं	॥५४० ॥
विंज्जेणं विणा वि गया नरिंद-भुवणम्मि हुंति गारविया ।	
विंज्जो न होइ अगओ गएहिं बहुएहिं वि गएहिं	॥५४१ ॥
इय उज्जुय-सीलालंकियाण पायडिय-गुण-महग्घाणं ।	
गुणवंतयाण पहुणो पहुहि गुणवंतया दुलहा	॥५४२ ॥
तो तेहि वि गंतूणं समप्पिओ अम्मराइणो लेहो ।	
तेण वि सिरे धरेउं खणमेगं वाइओ पच्छा	॥५४३ ॥
अवगय-भावत्येणं नायं नो एत्थ कइय वी सूरी ।	
आगच्छिस्सइ तो जामि तस्स सयमेव पासम्मि	॥५४४ ॥
[67B]इय चिंतिय आरूढो राया रयणीए सिग्घ-वेगाए ।	
चरियाए कइवय-पुरिस-संजुओ रायगिह-नयरे	॥५४५ ॥
पत्तो कमेण नयरीए चेव सिरि-बप्पहट्टि-पासम्मि ।	
नमिउं पएसु जंपइ आगच्छह करिय सुपसायं	॥५४६ ॥
सूरीहिं तओ भणिओ राया अम्हेहिं आगएहिं तओ ।	
एस पइन्ना विहिया जइया इह अम्मराओ त्ति	॥५४७ ॥
आगच्छिस्सइ तइया गमणं अम्हाण अन्नहा नेय ।	
तो धम्म ^१ -राइणेवं पडिवत्ती अम्ह इह विहिया	॥५४८ ॥
ता तुब्भे इह वसिउं रयणीए राइणो य अत्थाणे ।	
गंतूण तओ गोसे गच्छेज्जह निय-पुरे तुरियं	॥५४९ ॥

[68A]कहियं निवस्स एवं अम्हे लहुमेव आगमिस्सामो ।	
इय भणिओ तो राया सूरीहिं समं गओ तत्थ	॥५५० ॥
सीहासणोवविट्ठस्स सूरिणो धम्मराइणा भणियं ।	
पत्थुय- ^१ रायकहाए केरिसओ तुम्ह राय त्ति	॥५५१ ॥
सूरीहिं सो राया पयंसिओ एरिसो फुडं राया ।	
रूवेणं वन्नेणं वण्ण जह एस मम पुरिसो	॥५५२ ॥
तो तं निरूविरुणं गुरुवेलं पत्थुया कहा अन्ना ।	
नरवइणा अत्थाणे समुट्टिए सीहवारम्मि	॥५५३ ॥
निय-नामंकिय-कडयं प[68B]क्खित्तं निय-कराओ कड्डेउं ।	
वार-विलयाए बीयं दिन्नं वुत्थेण रयणीए	॥५५४ ॥
वत्थाणि परिच्चइउं पहाय-समयम्मि संढिमारूहिउं ।	
नमिरुण बप्पहट्टिस्स चल्लिओ निय-पुराहुत्तं	॥५५५ ॥
सूरी वि पहर-समए रत्तो अत्थाण-मंडवे गंतुं ।	
जंपइ अम्हे जामो सिरि-धम्म-नरिंद कन्नउजे	॥५५६ ॥
तो नरवइणा भणियं सच्चपइन्ना हवंति वर-मुणिणो ।	
ता कह जुत्तं वोत्तुं इय वयणं अकय-वयणाणं	॥५५७ ॥
पहुणा भणियं तत्तो निय-वयणं सच्चमेव [69A] अम्हेहिं ।	
विहियं तेणं एवं जंपेमो राय तुह पुरओ	॥५५८ ॥
जंपंति जाव एवं परोप्परं ताव आगया तत्थ ।	
वत्थाणि ताणि परिहिय कडयं च करम्मि तं काउं	॥५५९ ॥
चमरधरी नरवइणो विलासिणी तीए तं करे दड्डुं ।	
तह पडिहार-समप्पिय-बीयं नामंकियं कडयं	॥५६० ॥

सिरि-अम्मराय-नरवइ-तणयं ति राइणा तओ भणियं ।	
सिरि-बप्पहट्टिसूरीए समुहं महर-वायाए	॥५६१ ॥
कह नो कहियं अम्हाण तस्स पुहईसरस्स आगमणं ।	
तुम्हेहिं एव भणिए पयंपियं सूरिणा एवं	॥५६२ ॥
साहिज्जइ जारिसयं विउस-जणे तारिसं मए कहियं ।	
पंडिय-जणाण जम्हा दंसिज्जइ अंचलो चैय	॥५६३ ॥
तो तेण ^१ चंडवेगं नरवइणा तस्स मग्गओ झत्ति ।	
पट्टवियं निय-साहण[69B]मिओ य निय-पुरे पत्तो	॥५६४ ॥
आगंतूणं तेणं सिट्ठं नरनाह चलण-रेणू वि ।	
नो दिट्ठा अम्हेहिं तो राया भणइ बहु-खेओ	॥५६५ ॥
दोहिं पि पगारेहिं मह चित्ताओ न फिट्ठीही एसो ।	
अवरत्तो जं वइरी जीवंतो निय-पुरे पत्तो	॥५६६ ॥
गिहमागयस्स जइ पुण करिज्ज इह सागयं तओ अम्हं ।	
जावज्जीवं होज्जा दढ पीई किं घए (?) करेमो	॥५६७ ॥
छम्पेणं अहं छलिओ इय वोत्तुं तो विसज्जिओ सूरी ।	
पूयं काऊण वरं नमिऊण धम्म-नरवइणा	॥५६८ ॥
तो बप्पहट्टिसूरी समागओ कन्नउज्ज ^२ -नयरम्मि ।	
महया विच्छडेणं पवेसिओ अम्मराएण	॥५६९ ॥
पुव्व-कमेणं वच्चइ कालो तत्थ-ट्टियस्स सूरिस्स ।	
अह धम्मराय-दूओ समागओ अन्नया तत्थ	॥५७० ॥
जोडिय-करेण [. . . . पत्र 70 अप्राप्य]	
. [पत्र 71A]उस परियरिया	॥५७१ ॥

१. दंडवेग २. कन्नउज-

- उवविट्ठा तो ठविया सभासया सच्चवाइणो कुसला ।
वद्धणकुंजर-सिरि-बप्पहट्टिसूरीहिं तो वाओ ॥५७२ ॥
- विहिओ तत्थ पएसे छम्मासा जाव वोलिया ताणं ।
को वि न जिणइ न हारइ तो भणियं अम्मराएणं ॥५७३ ॥
- कित्तियमित्तं कालं एवं अम्हेहिं चिट्ठियव्वं ति ।
जम्हा नयराहितो समागया संढिया एत्थ ॥५७४ ॥
- पभणंति ते य सीयंति रज्ज-कज्जाइं देव सव्वाइं ।
तो आगच्छह [71B] सिग्घं तह पुव्विं आसि अम्हेहिं ॥५७५ ॥
- चित्तियमेयं जह बप्पहट्टिणो एग-दिवस-मज्झम्मि ।
वद्धणकुंजर वाई सज्झो होहि ति ता कहसु ॥५७६ ॥
- केण निमित्तेण गओ एत्तियकालो इहं बहू तुम्ह ।
इय पुट्ठो नरवइणा पयंपिओ एव नरनाहो ॥५७७ ॥
- सिरि-बप्पहट्टि-पहुणा नरवइ सुह-जोग-कारणा कालो ।
एत्तियमित्तो गमिओ तुम्हाणं जेण केणावि ॥५७८ ॥
- कज्जमिह विणोएणं गयाइणा ना वरं इमो विहिओ ।
[72A] अन्नह पेच्छसु कल्ले वि तुम्ह दंसेमहं विजयं ॥५७९ ॥
- इय भणिऊणं रयणीए सुमरिया वयण-देवया पहुणा ।
करिऊण इमं थोत्तं सिलोय-चउद्दस-परिमाणं ॥५८० ॥
- “अधरित-कामधेनु-चिन्तामणि-कल्पलते ।
नमदमराङ्गनावतंसार्चित-पादयुगे ।
प्रवचनदेवि देहि मह्यं गिरि तां पटुतां ।
नवितुमलं भवामि मन्दोऽपि यया भवतीम्” ॥५८१ ॥
- इच्चाइ थवयणंते समागया ज्ञत्ति भारई देवी ।
तीए भणियं किं पहु सरियाऽहं कहसु मे कज्जं ॥५८२ ॥

तो भणिया सा पहुणा कहेसु मह इत्तियं इमो वाई ।	
[72B] किं साभाविय-पन्नो उवाहु वाहीपरो को वि	॥५८३ ॥
तो देवीए भणियं मम सन्निज्झं इमस्स अत्थि त्ति ।	
केण निभेणं पुट्ठे जंपइ गुडिया-पभावेण	॥५८४ ॥
तो तस्स मुहे गुडिया विज्जइ ता सो जुयंतरे वि इहं ।	
नो हारइ इय कहिए पुट्ठा वाएसरी देवी	॥५८५ ॥
जिण-दंसणस्स उवरिं किं तुज्झ न विज्जए परा भत्ती ।	
एयस्स जेण कीरइ सन्निज्झं एव भणियम्मि	॥५८६ ॥
देवी जंपइ मज्झ वि आसि इमं कोउयं जहा सूरी ।	
केत्तियमेत्तं कालं मए समं जंपई एत्थ	॥५८७ ॥
जिणदंसणोवरिं पुण एगंतेणं वरा महं भत्ती ।	
कट्ठेणं रंजियाहं [73A] एयस्स इमा मए दिन्ना	॥५८८ ॥
तो जंपह जं कीरइ सूरी पभणेइ गच्छ नियट्ठाणे ।	
एवं नाए सिग्घं सयमेवेमं जिणिस्सामि	॥५८९ ॥
पुणरवि भणियं वाएसरीए वयणस्स अंतिमं एगं ।	
एयस्स लहुं फेडह सिलोयमिहरा महं दुक्खं	॥५९० ॥
तम्हा इमम्मि ते केवि अक्खरा निवडिया पहु जाणं ।	
माहप्पाओ अहयं तरामि नो चिट्ठिउं ठाणे	॥५९१ ॥
कित्तियमेत्ताण तओ आगच्छिस्सामि अंतिए तत्तो ।	
तीए वयणेण सूरीहिं तह कए सा गया ठाणं	॥५९२ ॥
एत्तो पहाय-समए संकेयं करिय रायकुमरस्स ।	
उवविट्ठो सहमज्झे सूरी सेसा वि निव-पमुहा	॥५९३ ॥
एत्थंतरम्मि [73B] कुमरो समागओ सो करम्मि काऊण ।	
उचिय-जल-भरिय-करवयमेवं तत्तो पयंपेइ	॥५९४ ॥

अप्पक्खालिय-वयणाण जं एनाण एत्तिओ कालो ।	
तुम्हाण गओ ता अज्ज वयण-सुद्धिं करेऊण	॥५९५ ॥
कीरउ वाओ जेणं जायइ निस्सेसयं परिच्छेओ ।	
निव्विन्ना रायाणो दोवि हु एवं भणेऊण	॥५९६ ॥
पढमं चिय नियराया आमो तेणं कराविओ सुद्धिं ।	
अंतो बाहिं वयणस्स धरिय हेट्ठा पडग्गहियं	॥५९७ ॥
ततो बीओ राया तओ य सूरी तओ य गंतूण ।	
वद्धणकुंजर-वाइस्स अंतिए भणइ तुम्हे वि	॥५९८ ॥
पकरेह वयण-सुद्धिं नेच्छइ सो जाव ताव सन्नाए ।	
सिरि-बप्पहट्टि-पहुणा बप्पइराओ इमं भणिओ	॥५९९ ॥
करेसु वयणं [74A] एयं तो तेणं जंपिओ सो उ ।	
तुम्हे वि वयण-सुद्धिं करेह किमकज्जमेईए	॥६०० ॥
पहुणा वि कया जम्हा एवं उत्तेजिएण तेणावि ।	
विहिया मुहस्स सुद्धी झड त्ति ता निवडिया गुडिया	॥६०१ ॥
तेण वि गहिया कुमरेण न्थि-करे जाइया य तेणं सो ।	
किं तुम्हे वि हु भयवं वंतासी भणिय धरिया सा	॥६०२ ॥
एवं मुह-सुद्धीए कयाए तेणं पयंपियं कुणह ।	
इण्हि वायं तो ते वि वाय-करणे कयारंभा	॥६०३ ॥
जंपंति जाव अहमहमिगाए तो तीए विरहिओ वाई ।	
वद्धणकुंजर नामो ठाणे ठाणम्मि ^१ पक्खलई	॥६०४ ॥
सिरि-बप्पहट्टि-बहुविह-वियप्पमालाए मोहिओ संतो ।	
^२ किंपि न [74B] सक्कइ वोतुं पडिवयणं तो जिओ पहुणा	॥६०५ ॥

साहुक्कारो विहिओ सभासएहिं अहो इमो भुयणे ।	
एकलवट्टो सिरि-बप्पहट्टिसूरी महावाई	॥६०६ ॥
^१ विजइ य सेयवडाणं दंसणमेयारिसा जहिं पुरिसा ।	
हेलाए जेहिं विजिओ वद्धणकुंजर - महावाई	॥६०७ ॥
तम्मि समयम्मि दित्रं पहुणो सिरि-अम्मराइणा विरुयं ।	
गयवइ एसो अन्नाणि तस्स एयाइं नामाइं	॥६०८ ॥
जाणिहह बप्पहट्टिं गुणाणुराइं च भद्दकिंति च ।	
तह ^२ गयवइमायरियं सेयभिक्खुं च वाइं च	॥६०९ ॥
विजियं रज्जं सो वि य वाई भिक्खूण नमिय सूरिस्स ।	
जंपइ देह निय - वयं करेह सहलं पइत्रं ति	॥६१० ॥
सूरी [75-78 अप्राप्य.]	॥६११ ॥
. [पत्र 79A]. पूयं	॥६१२ ॥
तं पिच्छिऊण राया निय-करं भामिऊण पुच्छेइ ।	
अभणंतो वाणीए मुणिउं सूरीहिं तब्भावं	॥६१३ ॥
उब्भेवि अंगुलीओ दित्रं तेणं कमेण पडिवयणं ।	
तत्तो राया पत्तो नमिउं तं नियय-आवासे	॥६१४ ॥
सावयजणेण पुट्टो सूरी किमणेण पुच्छिओ भयवं ।	
किं वा दित्रं तुब्भेहिं एत्थ पडिवयणमिह कहह	॥६१५ ॥
तो नन्नायरिएणं भणियं भो सावया इमो राया ।	
पुच्छइ एवं जह अम्ह चेव एसा भवे पूया	॥६१६ ॥
अम्हेहिं पुणो भणियं नरवइणो एत्थ होंति किं सिंगा ।	
तेणं पयंसियाओ उब्भेउं अंगुली दो उ	॥६१७ ॥

१. विजई २. गयवयमा ०

राया वि तओ ठाणा गोविंद-पहुस्स दंसणट्टाए ।	
तत्थ गओ जत्थऽच्छइ सो सूरी सो य ता[79B]स्समए	॥६१८ ॥
वच्छायणसत्थं कहई कस्सइ अभिणएण सह तत्तो ।	
काउं देव-पणामं अनमिय सूरिं गओ तत्तो	॥६१९ ॥
बाहिं निययावासे भावं नाऊण सूरिणा तस्स ।	
एगो पुरिसो पट्टीए पेसिओ सोहणत्थं से	॥६२० ॥
को एसो किं जंपइ एवं मुणिऊणं कहसु सिग्घं ति ।	
गंतूण तेण सिग्घं मुणिउं इय सूरिणो सिट्ठं	॥६२१ ॥
उल्लवियं एणं नियस्स पुरिसस्स अगगओ एसो ।	
पंडिच्चेणं लट्ठो ^१ सीलेणं न उण तं सुणियं	॥६२२ ॥
सूरी चिंतइ नूणं अह परिक्खणत्थमागओ होज्जा ।	
एसोऽत्थ अम्मराओ ता किं विउसत्तणेणऽह	॥६२३ ॥
इय अलिय-दोस-दूसिय-गुणाण ता अत्तणो इमं दोसं ।	
अवणेमि चिंतिऊ[80A]णं संधीबंधेण तो सत्थं	॥६२४ ॥
रइऊण अप्पिऊणं नडस्स सो पेसिओ तओ पहुणा ।	
सिरि-कन्नउज्ज ^२ -नयरे सो वि य गंतूण तं पढइ	॥६२५ ॥
रायसहाए सिरि-बप्पहट्टि-विउसाइ-मज्झयारम्मि ।	
अह तस्स पढंतस्स य समागयं वयणमेयं ति	॥६२६ ॥
‘कंचणडु सुवियडु गिरि-वेयडु विहावइ’	॥६२७ ॥
तो पहुणा देसेणं पयंपियं अड्डुऊणया जाया ।	
दो रूवा इह कव्वे नो लद्धं किंपि तेण तओ	॥६२८ ॥
आगंतूणं सिट्ठं गोविंद-पहुस्स तो सयं गंतुं ।	
सूरी नडरूवेणं पढइ तहिं अमरिसा-संधिं	॥६२९ ॥

भरहानिलवेगाणं वन्निज्जइ तत्थ जुज्झमिइमउलं ।	
वीर-रस-जणिय-हरिसं अईव-दप्पुम्भडिल्लाणं	॥६३० ॥
[80B] कुर-कुंजर व्व सीह व्व विपिण-महिस व्व दुट्ट-भुयग व्व ।	
जुद्धेण दो वि लग्गा परोप्परं विहिय-गुरु-कोवा	॥६३१ ॥
मंडलिय-चंड-कोयंड-मुक्क-सिय-कंड-खंडणप्पयडा ।	
रण-रस-विहसिय-सव्वंग-तुट्ट-सन्नाह-दढ-बंधा	॥६३२ ॥
पेक्खंत-उग्ग-खग्ग-प्पहार-उट्टंत-जलण-जालोहा ।	
संदेह-तुलारोविय-जयलच्छि-विलास-माहप्पा	॥६३३ ॥
इय एवमाइ तह कह वि ताण जुज्झंतयाण वीर-रसो ।	
आरोविओ कोडीए जह राया कड्डुं छुरियं	॥६३४ ॥
तस्सोवरिम्मि चलिओ महंत-वीररस-नट्ट-मण-पसरो ।	
तो धरिओ हत्थम्मी राया निय-अंगरक्खेहिं	॥६३५ ॥
देव न जुद्धं एयं पिच्छणयं किं [81A] तु जंपियं तत्तो ।	
सीहासणोवविट्टस्स राइणो पयडियं रूवं	॥६३६ ॥
गोविंदसूरिणेवं पयंपियं अम्ह गोत्ते वि ।	
नो केणइ जुद्धमिहं विहियं तह वि हु मए एवं	॥६३७ ॥
इय वन्त्रियं जहा इह वीररसोऽणुभवमंतरेणावि ।	
तह सिंगार-रसो वि हु पयंसिओ तस्स छत्तस्स	॥६३८ ॥
दोसस्स साहणत्थं तु मए संभावियस्स इय भूमी ।	
संपत्ता अम्हे पुण राय न उण तुहासय ^१ -कज्जेण	॥६३९ ॥
जं सील-विरहियाणं गुणाण कोडी वि होइ निस्सारा ।	
तेण जुयाणं सारा गुणाण [81B] माला जओ भणियं	॥६४० ॥

जे चारिंतिं निम्मला, ते पंचाणण सीह ।	
जे पुण विसएहिं गंजिया, ताहँ फुसिज्जइ लीह	॥६४१ ॥
ताहँ फुसिज्जइ लीह एत्थ तत्तुल्ला सियालहं ।	
जो पुण विसय-पिसाय-छलिय गय करणिहिं वालहं	॥६४२ ॥
ते पंचाणण सीह सच्चु उज्जल ^१ निय-किंतिं ।	
जे निय-कुल-नहयल-मियंक निम्मल-चारिंतिं	॥६४३ ॥
तो निरुवम-गुण-गण-रंजिणण सिरि-अम्मराइणा गाहा ।	
भणियाऽत्थाणत्थेण सयल-सामंत-पच्चक्खं	॥६४४ ॥
उच्छलिय-जसो पडि[82A]वन्न-सुंदरो सयल-जण-मणाणंदो ।	
सच्चं सिरि-गोविंदो गुणेषु को मच्छरं वहइ	॥६४५ ॥
गोविंद-पहू रत्ता अब्भुट्टिय आसणाओ नमिरुण ।	
भणिओ मह खमियव्वं अलीय-वयणं इमं तत्तो	॥६४६ ॥
इय कय-संमाणो सो निवेण [य] बप्पहट्टिणा सूरी ।	
निय-ठाणे संपत्तो इओ य ^२ अह अन्नया तत्थ	॥६४७ ॥
निय-रूव-विजिय-तक्काल-रमणि-सोहा समागया एगा ।	
मायंगी नच्चण-गेय-कोविया सा उ नरवइणा	॥६४८ ॥
नच्चावि[82B]या तओ तीए रूव-मोहिय-मणेण वण-मज्जे ।	
पासाओ निम्मविओ संजोयत्थं तहिं तीए	॥६४९ ॥
एयं च कह वि नाऊण बप्पहट्टी ^३ तहिं गओ तत्थ ।	
लिहिऊण गाह-विंदं समागओ नियय-ठाणम्मि	॥६५० ॥

१. जिय. २. अहन्नया ३. बप्पहट्टि

उव्वह-जायाए ^१ असोहिरीए फल-कुसुम-पत्त-रहियाए ।	
बोरीए पयं दिंतो भो भो पामर हसिज्जिहिसि	॥६५१ ॥
मायंग्गासत्तमणस्स मेइणी तह य भुंजमाणस्स ।	
अब्भिडइ तुज्झ नागावलोय को ^२ नडयधम्मस्स	॥६५२ ॥
ल[83A]ज्जिज्जइ जेण जणे मइलिज्जइ निय-कुलक्कमो जेण ।	
कंठट्टिए वि जीए मा सुंदर तं कुणिज्जासु	॥६५३ ॥
जीयं जल-बिंदुसमं संपत्तीओ तरंगलोलाओ ।	
सुविणय-समं च पेम्मं जं जाणिसि तं करिज्जासु	॥६५४ ॥
बीय-दियहम्मि राया जा गच्छइ तत्थ तीए कज्जेणं ।	
तो तत्थ गाह-विंदं आलिहियं उवरि पिच्छेइ	॥६५५ ॥
तो वाइऊण ताओ चिंतइ निय-माणसम्मि नूणमहं ।	
सिरि-बप्पहट्टि-पहुणा विन्नाओ तेणिमं लिहियं	॥६५६ ॥
तत्तो य विलीय-हियओ निवारिउं मेइणिं तयं राया ।	
निय-अत्थाणम्मि ठिओ अहोमुहो पुच्छई सूरिं	॥६५७ ॥
तत्तो किं एवं ति भणइ तो ^३ पहुणा [83B]अगिरिति वुत्तम्मि ।	
नरवइणा तो बाहिं चियं महंतं करावेउं	॥६५८ ॥
जा तत्थ पायच्छित्तस्स सोहणत्थं सयं समारुहइ ।	
ता धरिउं सूरिहिं करम्मि एयं पयंपेइ	॥६५९ ॥
सुद्धो नरनाह तुमं जम्हा हियएण चितियं पावं ।	
इय अज्झवसाणेणं सुद्धं सव्वं पि तं तुज्झ	॥६६० ॥
जइ पुण काएण कयं हुंतं तं काय-दहणओ सुज्जे ।	
इय भणिए संबुद्धो सट्ठाणे तो समागओ राया	॥६६१ ॥

१. असोहरीए २. नडुधम्म० ३. पहु

अह अन्नया निवेणं सूरि-सयासम्मि चेल्लओ एगो । दिट्ठो मोडिय-बहु-भंग-मुद्ध-केसो तओ राया	॥६६२ ॥
तं अवलोयइ सो वि नाऊणं निव-मणं तओ काउं । लयं तुरियं तत्थे[84A]व आगओ तो निवो भणइ	॥६६३ ॥
हिट्ठो मज्झाणेणं भावो नाओ त्ति दिज्जइ किमस्स । लुंचियसिरस्स भयवं इह पुट्ठे सूरिणा भणियं	॥६६४ ॥
लय-कए निव दिज्जइ गुड-घय-दाणं त्ति विस्सुई समए । दोण्हं लक्खाण कया वित्ती गुड-घय-कए तत्तो	॥६६५ ॥
अह अन्नया नरिंदो भणिओ अत्थाण-मंडव-निविट्ठो । पहुणा नरवइ विहलो परिस्समो अम्ह संजाओ	॥६६६ ॥
एत्तिय-मेत्तं कालं जम्हा अम्हाण संगमो तुज्ज । न हु को वि गुणो जाओ धम्मं पइ तेण विहलो त्ति	॥६६७ ॥
अकयं पि कयं अम्हेहिं एत्थ एयाए राय-बुद्धीए । अणुयत्तिओ जिणिंदाण जइ मए ^१ ठाइ नर [84B]नाहो	॥६६८ ॥
ते लज्जिज्जंती ^२ मुणिणो नरवइ अम्हाण आगमो ते उ । जणे पुरो अम्हाणं चरियं परं ^३ विसंवयइ	॥६६९ ॥
तथा हि- जुगमेत्तंतर-दिट्ठीए गमणमिह कत्थमिह पुव्व-पुरिसाण । कत्थेयं अम्हाणं मत्त-गइंदोवरिं गमणं	॥६७० ॥
अणवज्ज-सार-हिय-मिय-पयंपणं कत्थ सुंदरं ^३ जइणं । कत्थेयं चाडुय-कोडिय-संजुयं वयणमम्हाणं	॥६७१ ॥
बायालीसेसण-दोस-विरहिओ कत्थ ताण आहारो । कत्थ इमो एगट्ठाणट्ठियाणं तहा अम्हं	॥६७२ ॥

१. गइ २. लहिज्जंती ३. पूरं ४. जईणं

कथ्य मुणीणं ^१ ताणं उवविसणं दुविह-सुद्धेसु ।	
कथ्य इमं कोमल-गदियासु अट्टज्झाण-[85-A]अविसुद्धं	॥६७३ ॥
कथ्य सया दसविह-चक्कवाल-आयार-पालणं ताणं ।	
कथ्य य सावेक्खाणं ^२ तारिसं राय अम्हाणं	॥६७४ ॥
किं बहुणा ते चेव य हवंति नरनाह साहुणो धन्ना ।	
जे लोय-निरावेक्खा कुणंति धम्मं निरासंसा	॥६७५ ॥
तुम्हऽवरोहा ^३ सव्वं नरनाह इत्थ आयरियं ।	
अम्हेहिं तह वि हु तुज्झ नेय जाया जिणे भत्ती	॥६७६ ॥
हसिऊण तओ भणियं नरवइणा जइ भणेह तुम्ह पुरो ।	
नीरं वहेमि कुंभेण नेय उज्जेमि ^४ निय-धम्मं	॥६७७ ॥
जम्हा बहु-पुरिस-परंपरा[85-B]ए अम्हाण आगओ एसो ।	
किंचाहं छट्ठंसण-समय-विऊ ता किमत्तेहिं	॥६७८ ॥
पडिबोहिउं सक्को मंदमई जे उ हलहराईया ।	
ते तुम्हाणं पडिबोहणाए जोग्गा इहं किंच	॥६७९ ॥
कत्तिय-मेत्ता विउसा ठविया निय-दंसणम्मि मे कहह ।	
इय भणिए वयइ पहू भण नरवइ तं पमोत्तूणं	॥६८० ॥
अत्ते जे निय-धम्मे ठवेमि इह जंपिए भणइ राया ।	
वप्पइरायं बोहसु जेण महं होइ संवित्ती	॥६८१ ॥
पहुणा तो संलवियं कह नज्जइ सो विबोहिओ संतो ।	
ज[86-A]म्हा सो महुराए वराहसामिस्स देवहरे	॥६८२ ॥
ठविऊणं ^५ निय-तणयं रज्जे परलोय-कंखिओ ऽणसणे थक्को ।	
तो कह नज्जइ पडिबोहो तस्स विउसस्स	॥६८३ ॥

१. नाणं २. ०क्खाण ३. ०वरोहो ४. उज्जेमि ५. नियंतो

तो रत्ता पडिभणियं चउरासी गिण्हिऊण सामंते ।	
विउसाण तह सहस्सं गच्छह तस्संतिए तत्थ	॥६८४ ॥
तुम्ह वयणेहिं जइ सो बुद्धो एयाण जंपिही पुरओ ।	
अज्जप्पभिई अरहं देवो त्ति तो मज्झ	॥६८५ ॥
पडिबोहणम्मि सत्ती तुम्हाणेवं ति अविचला चित्ते ।	
संवित्ती बहु होही इय भणिए ते उ घेत्तूण	॥६८६ ॥
तत्थ पहू संपत्तो तेण वि निसुयं जहा [86B] पहू एत्थ ।	
मज्झ समीवे पत्तो हिट्ठो तद्दंसणे वयइ	॥६८७ ॥
मन्नामि अहं अप्पाणमुत्तमं तुम्ह दंसणे जम्हा ।	
तुम्हारिसेहिं जोगो इय पत्थावे न हीणाणं	॥६८८ ॥
ता बप्पहट्टि-पहुणा तस्स तहा-संठियस्स विउसस्स ।	
भणियं एयं वित्तं पुरओ सव्वाण पच्चक्खं	॥६८९ ॥
कुलं पवित्रं जननी कृतार्था वसुंधरा पुण्यवती त्वयैव ।	
^१ अबाह्यसंवित्सुख-सिंधुमग्नं लग्नं परब्रह्मणि यस्य चेतः	॥६९० ॥
इय भणिए सो जाओ झड त्ति सामलिय-वयण-मुह-कमलो ।	
तो बप्पहट्टिणेवं भणियं किं संगयं नोत्तं	॥६९१ ॥
तेणुत्तं किं कइय वि [87A] भयवंतो बित्ति जमिह जीवाणं ।	
इय-परलोय-विरुद्धं जायइ परमेत्थ सोएमि	॥६९२ ॥
अप्पाणं वि य भग्गेहिं विरहियं जेण तुम्ह सारिच्छा ।	
मम जोग्गयाणुरूवं जंपंती तेणिमं भणियं	॥६९३ ॥
कुलमिह तुम्ह पवित्तं इच्चाइ जेण सारबंभम्मि ।	
निरयस्स मज्झ कज्जं इमेहिं किं ^२ सारसहिएहिं	॥६९४ ॥

१. अपाह्यसंवित्सुखसिंधुमग्नं

२. सारहि ०

परमेत्तियस्स जोगो मन्ने अहयं ति जेण घोलेइ ।	
चित्तं भवाभिनंदीण माणवाणं कुलाईसु	॥६९५ ॥
सामलियं तेणेयं वयणं इय जंपिए भणइ सूरी ।	
तुह चित्त-जाणणत्थं पयंपियं एरिसं वित्तं	॥६९६ ॥
जइ संसार-विरत्तो संपइ ता भणसु किं पि एयस्स ।	
तस्स [87B] सरूवं संसार- कुलयमेयं तओ भणियं	॥६९७ ॥
कालवसा एकेक्केण इह महिंदत्तणं कयं बहुसो ।	
आकीडमासरोयासणाउ (?) जे जंतुणो केवि	॥६९८ ॥
तणु ति संचियाइं न दिति अन्नाइं संचिउं मोहा ।	
हय परिभोगा सुवाइयाइं बहुमया तह वि लोयस्स	॥६९९ ॥
तं चिय कलसं आलिगिऊण ताइं च किसल-कमलाई ।	
जइ न अणंगो कह कामिणीसु उवयरिय-सोहासु	॥७०० ॥
संतावंतरिय-सुहो सुहाण कह होइ कारणमणंगो ।	
जायइ न खंडियलवा लया-निमित्तं परसु-धारा	॥७०१ ॥
एमाइ वित्थरेणं भणिउं संसार-कुलयमालवइ ।	
अ[88A]म्हाण देह संपइ उवएसं नियय-वाणीए	॥७०२ ॥
तो भणइ बप्पहट्टी सरूवमिणमो सुणेह देवाणं ।	
सव्वाण वि जो तुज्झं रोयइ तं माणसे धरसु	॥७०३ ॥
सो जयइ जस्स दाढा-फडक्कए उच्छलंत-निवडंतो ।	
नीसासुग्गम-विरमेसु होइ गिरिउ व्व महि-गोलो	॥७०४ ॥
सो जयइ जेण छत्रं सीसं बंभस्स कररुहगोहिं ।	
अमरारि-वच्छ-निद्वय-दारण-निव्वडिय-सारेहिं	॥७०५ ॥
सो जयइ जेण तइया रंभा-वर-नट्ट-कोउहल्लेणं ।	
निय-तव-माहप्पेणं वयण-चउक्कं कयं झ [88B]त्ति	॥७०६ ॥

एमाइ देवरूवे वन्निज्जंते न ठाइ जा तस्स ।	
मणयं पि मणे हरिसो ता भणिओ एस नवकारो	॥७०७ ॥
सो जयइ जएक्क-पहू तेलोक्कक्कंत-मज्झिमुद्देसं ।	
नाणं जस्स विरायइ फलं व बद्धेक्क-क्ककडयं	॥७०८ ॥
नाणाइसयं सोऊण देवदेवस्स रंजिओ भणइ ।	
एसो देवो मज्झ अज्जप्पभिई पयंसेह	॥७०९ ॥
तो वीरनाह-पडिमा पयंसिया सार-रयण-निम्मविया ।	
रायाइ-दोस-सूयग-लंछण-रहिया जिणतणु व्व	॥७१० ॥
सो तं पिच्छिय [89A] नो जाव किंपि जंपेइ ताव सूरीहिं ।	
भणिओ जंपसु थवणं इमस्स ता सेस-विउसेहिं	॥७११ ॥
चितियमेयं निय-माणसम्मि गरुओ वि बप्पहट्टीहं ।	
पायय-जणो व्व जंपइ निय-दंसण-राय-माहप्पा	॥७१२ ॥
वप्पइराओ जम्हा महुमहणं मोत्तु सेस-देवाणं ।	
किं कुणइ नणु पणामं कइय वि विनाय-परमत्थो	॥७१३ ॥
पुणरवि भणिओ सूरी भणसु थवणं ति तो ससामंतो ।	
हियट्ठिय-निय-भावस्स सूयगं भणइ इय गाहं	॥७१४ ॥
कंठेच्चिय परिघोलइ पुणरुत्तं पह [89B]रिसोवलक्खलिया ।	
अपहुप्पंति व्व महं वाया पहुणो पसंसासु	॥७१५ ॥
सूरीहिं पुणो भणिओ तह वि हु भण किंपि एत्थ थोवं पि ।	
एयाण पच्चयत्थं सामंताईण तो भणियं	॥७१६ ॥
मयणाहि-सामलेणं इय मुणिए किं फलं निडालेणं ।	
इच्छामि इमं जिणवर-पणाम-किण-कलुसियं वोढुं	॥७१७ ॥

इय भणिए ते पहुणा भणिया किं अवगओ इमस्सऽत्थो ।	
तेहुत्तं बहियत्थो ^१ बुद्धो अब्भितरो न उणं	॥७१८ ॥
पहुणा लवियं अब्भितरो इमो वइ वि अणस[90A]णं जइ हं ।	
गिण्हामि जिणिंदमयं कह नज्जइ एरिसो अत्थो	॥७१९ ॥
पहुणा भणियं जम्हा पणाम-किण-कलुसियं तया हवइ ।	
जइया नमणं कीरइ पुणो पुणो जिणवरिंदस्स	॥७२० ॥
तं पुण एव कए च्चिय हवेज्ज जइ नत्थि पच्चओ तुज्झ ।	
ता एयं चिय पुच्छह तो पुट्ठो तेहिं तेणावि	॥७२१ ॥
एवं ती पडिवन्नं तत्तो सो उट्ठिऊण तट्ठाणा ।	
सुर-निम्मियस्स थुभस्स वंदणत्थं गओ सहसा	॥७२२ ॥
ति-पयाहिणीकरेउं एवमत्थेण संथुओ तत्थ ।	
भत्तीए जिणो सव्वाण ताण पेच्छंतयाण	॥७२३ ॥
जहा-	
नम्राखण्डल-सन्मौलि-श्रस्त-मंदार-दामभिः ।	
यस्यार्चितं क्रमाभ्भोजं [90B] भ्राजिते तं जिनं स्तुवे	॥७२४ ॥
यथोपहास्यतां याति तितीर्षुः सरितां पतिं ।	
दोर्भ्यामहं तथा जिष्णो जिनानन्त-गुण-स्तुतौ	॥७२५ ॥
तथाऽपि भक्तितः किंचिद्वक्ष्येऽहं गुण-कीर्तनं ।	
महात्मनां गुणांशोऽपि दुःख-विद्रावण-क्षमः	॥७२६ ॥
नमस्तुभ्यं जिनेशाय मोहराज-बलच्छिदे ।	
निःशेष-जंतु-संतान-संशयच्छेदि संविदे	॥७२७ ॥

नमस्तुभ्यं भवांभोधि-निमज्जज्जंतु-तारिणे ।	
दुर्गापवर्ग-सन्मार्ग-स्वर्ग-संसर्ग-कारिणे	॥७२८ ॥
नमस्तुभ्यं मनोमल्ल-ध्वंसकाय महीयसे ।	
द्वेषद्विप-महाकुम्भ-विपाटन-पटीयसे	॥७२९ ॥
धन्यास्ते यैर्जिनाधीश ददृशे त्वत्सुखाम्बुजं ।	
मोक्षमा[७१A]र्गं दिशत्साक्षात्द्रव्यानां स्फार-दृष्टिभिः	॥७३० ॥
न मया माया-विनिर्मुक्तः शंके दृष्टः पुरा भवान् ।	
विनाऽऽपदां पदं जातो भूयो भूयो भवार्णवे	॥७३१ ॥
दृष्टोऽथवा तथा भक्तिर्नो वा जाता कदाचन ।	
तवोपरि ममात्यर्थं दुर्भाग्यस्य दुरात्मनः	॥७३२ ॥
सांप्रतं दैव-योगान्मे त्वया सार्द्धं गुणावहः ।	
योगोऽजनि जनानंत-दुर्लभो भव-सागरे	॥७३३ ॥
दयां कुरु तथा नाथ भवानि न भवे यथा ।	
नोपेक्षंते क्षमा क्षीणं यतो मोक्षश्रयाश्रितं	॥७३४ ॥
निर्बन्धुर्भ्रष्टभाग्योऽयं निःसरन् योगतः प्रभुः ।	
त्वां विनेति प्रभो प्रीत प्रसीद प्राणिवत्सल ^१	॥७३५ ॥
[७१B]तावदेव निमज्जंति जंतवोऽस्मिन् भवाम्बुधौ ।	
यावत्त्व ^२ दंहितकासि [न] श्रयंति जिनोत्तम ^३	॥७३६ ॥
एकोऽपि यैर्नमस्कारश्वक्रे नाथ तवांजसा ।	
संसार ^४ -पारावारस्य ते पि पारं परं गताः	॥७३७ ॥
इत्येवं श्रीक्रमालीढं जन्तु-त्राण-परायण ।	
देहि मह्यं शिवे वासं देहि सूरिनतक्रम	॥७३८ ॥

१. ०वत्सलः । २. यावत्त्वदंहि० ३. ०त्तमः । ४. ०सारापा०

थोऊणेवं किर जाव सूरि-पासम्मि गिण्हई दिक्खं ।	
ता तस्स बंधवेहिं सूरी एवं तहिं भणिओ	॥७३९ ॥
एव कयम्मि अम्हं आजम्मं होही इय कलंकं ।	
भट्ठा ^१ एयाण वेया अणसण- ^२ भंगो उ जाओ त्ति	॥७४० ॥
ता तह करेह जह अणसण-ठिओ कुणइ [92A]एस जिणधम्मं ।	
एस कलंको तुम्हेहिं चेव रक्खिज्जए अम्हं	॥७४१ ॥
इय भणिए सूरीहिं भणिओ सो तुज्झ एत्थ पत्थावे ।	
न हु जुज्जइ भंजेउं अणसणमिणमो जओ भणियं	॥७४२ ॥
लोकः खल्वाधारः सर्वेषां धर्मचारिणां ।	
यस्मात्तस्माल्लोक-विरुद्धं धर्म-विरुद्धं च संत्याज्यं	॥७४३ ॥
इय बोहिऊण ततो थूभ ^३ -समीवम्मि कारिओऽणसणं ।	
पंच-नमोक्कार-परो पंचत्तं तत्थ संपत्तो	॥७४४ ॥
पडिबोहिऊण एवं सूरी ^४ कन्नउज्जमागओ ततो ।	
[92B]विन्नाय-वइयरेणं रत्ता पुट्ठो पहू एवं	॥७४५ ॥
संपइ सो कत्थऽच्छइ जिण-दंसण-भाविओ महा-विउसो ।	
बप्पइराओ पहुणा तो भणियं तत्थिमं वित्तं	॥७४६ ॥
आस्ते वा भूभृतां मूर्ध्नि दिवि वा द्योततेऽम्बुदः ^५ ।	
मरुद्भिर्भज्यमानोऽपि स किमेति रसातलं	॥७४७ ॥
एवं पयंपिए भणइ ^६ दिट्ठ-बहू-सत्ति-विम्हिओ राया ।	
सच्चं चिय तुम्हाणं धम्मो अत्थि त्ति तहवेत्थ	॥७४८ ॥
निय-धम्माओ अहयं जाओ एवंविहो पहू राया ।	
तो सूरीहि भणियं तुह कट्ठे तु[93A]च्छमेयं ति	॥७४९ ॥

१. भट्ठो २. भंगाओ ३. थुभ० ४. कन्नउज्जमा० ५. द्योतते वुदः । ६. दिट्ठि ०

- कह नज्जइ त्ति भणिए केण वि नामेण निय-निमित्तेण ।
उल्लवियं तं नरवइ इओ भवाणंतरे आसि ॥७५० ॥
- कालंजरम्मि सेले जडहारी विविह-कट्ट-तव-चरणो ।
पज्जंते काऊणं अणसणमिइ गिरि-गुहा-मज्जे ॥७५१ ॥
- कट्टोवरिम्मि लंबंत-पाय-सीसेण एग-चित्तेण ।
तस्स पभावा जाओ इय राया जइ न पत्तियसि ॥७५२ ॥
- तो तत्थ निए पुरिसे पट्टविउं अवितहं महाराय ।
जोया[७३B]वसु जम्हा तुह जडाओ चिट्ठंति अज्जेव ॥७५३ ॥
- तेत्तियमित्तं कट्टं जइ कीरइ जिण-मयम्मि तो राय ।
पाविज्जइ सुरलच्छी अणोवमा नत्थि संदेहो ॥७५४ ॥
- इय निसुए तो रत्ता निय-पुरिसा पेसिया तहिं ते उ ।
गंतूणागंतूण य साहिंती एवमेयं ति ॥७५५ ॥
- इय दिट्ठपच्चओ वि हु कम्मवसा भणइ पत्थिवो भयवं ।
अम्हाण वि धम्मम्मी किंची अत्थि त्ति फलमेयं ॥७५६ ॥
- अहन्नया कयाई समागओ तत्थ साइसय-चि[७४A]त्तो ।
चित्तयरो सकुडुंबो लाभत्थी दूर-देसाओ ॥७५७ ॥
- तेणं निय-वन्नेहिं चित्तं काऊण सव्व-सब्भावा ।
सिरि-अम्मराय-तणओ पयंसियं तिन्नि वारेवं ॥७५८ ॥
- तह वि हु किं पि न लद्धं खद्धं जं आसि संचियं दविणं ।
निव्विन्नेण कुडुंबं भणियं छिंदेह मे पाणी ॥७५९ ॥
- इत्तोवरि किं कज्जं इमेहिं जं नेय तोसिओ राया ।
मज्झत्थेणं केणइ भणिओ सो एव जंपंतो ॥७६० ॥

किं मुद्ध मुहा खिज्जसि जम्हा नो देइ तुट्टिदाणमिमो ।	
तुट्ठो वि अम्मराया पसंसई जाव नो सूरी	॥७६१ ॥
तुज्झ पुण चित्तमेयं [94B] पारद्धिप्पभिइ सुंदरं पि जणे ।	
बहु-जीव-मारणाणुमइ ^१ -दोसओ नेय संसेइ	॥७६२ ॥
करुणासारो कारुणिय-वयण-विन्नाय-सयल-परमत्थो ।	
न कयाइ वि सावज्जं पसंसई ता तुमं एत्थ	॥७६३ ॥
जइ निक्-पसाय-अत्थी ता चित्तं लिहसु सम्मयं जमिह ।	
सिरि-बप्पहट्टि-पहुणो खेयं मा कुणसु एवं ति	॥७६४ ॥
जाणिय-परमत्थेणं पडत्तयं जिणवराण ^२ तो लिहिउं ।	
रत्तो पयंसियं राइणा वि अवलोइयं वयणं	॥७६५ ॥
पहुणो तेण वि सव्वन्नु-बिबमवलोइऊणिमं भणियं ।	
भो भो एसो विन्नाण-पयरिसो तिहयणऽब्भहिओ	॥७६६ ॥
[95A]इय भणियांतरमेव राइणा तुट्टिदाणमिइ दिन्नं ।	
एगोस्स पडस्सा सवायलक्खो लहुं तस्स	॥७६७ ॥
ते ^३ चिय दिन्ना पहुणो तेणावि पइट्टिऊण पट्टविया ।	
गुज्जरदेसे ताराउरम्मि एगो तहा बीओ	॥७६८ ॥
महुराउरीए तइओ सिरि-कन्नउज्ज ^४ -नयरम्मि ।	
पढमो चिट्ठइ संपइ सिरि-अणहिल्लवाड-नयरम्मि	॥७६९ ॥
मोढ-वसहीए सिरि-पासनाह-सामिस्स संतिओ जम्हा ।	
ताराउरम्मि भगे दुल्लहराएण निय-नयरे	॥७७० ॥
लूडेउं आणीओ सो विय संघेण जाइओ धरिउं ।	
जस्सऽज्ज वि पइवरिसं वइसाहे जायए जत्ता	॥७७१ ॥

१. ०मई- २. ०वराणं ३. विय ४. ०उज्ज-

सिरि-बप्पहट्टि-पहुणा कन्नउज-ठिण्ण निम्मविया ।
 बावन्न ^१पबंधा नच्चणस्स ^२तारायणो तह य ॥७७२ ॥
 चउवी[95B]सिया जिणाणं जमागहि इमा जयम्मि सुपसिद्धा ।
 सिरि-वीरसामि-पंचासिया य एमाइ बहुयाइं ॥७७३ ॥
 गोविंदसूरि-पेसिय-एग-सिलोगस्स जेण किर दिन्ना ।
 अट्टोत्तर-सय-माणा अत्था स पढिज्जए एवं ॥७७४ ॥
 तत्ती सीयली मेलावा केहा,
 धण उत्तावली पिउ मंद-सिणेहा ।
 कन्नि पवित्तडी जणु जाणइ दोरा,
 अप्पण विरहिं जो मरइ तसु कवण निहोरा ॥७७५ ॥
 अत्था टिक्का-सहिया अज्जवि एयस्स पुव्व-देसम्मि ।
 वाइज्जंती विउसेहिं संपया नो न ताणऽत्था ॥७७६ ॥
 जेण दियंवर-सीकय-महुरा-थूभं वसीकयं पयडं ।
 वाए निज्जिणिऊणं दियंबरे गरुय-सामत्थे ॥७७७ ॥
 एमाइ वीर-दंसण-पभावणेक्कल्ल ^३-भट्ट-सूरिस्स ।
 तस्स क[96A]हं निस्सेसं चरियं ^४वन्नेउमम्हेहिं ॥७७८ ॥
 चाइज्जइ तुच्छेहिं पभावणा-कइगुणाणुराएण ।
 तह वि हु कहियं किं पी सेसं लोयाउ नायव्वं ॥७७९ ॥
 एत्तो भणामि सिरि-अम्मराय-सूरीण चरिय-पज्जंतं ।
 पुव्वि किर अम्म-रत्ता गोवगिरी-दढ-गढगहणे ॥७८० ॥
 निव्विन्नेणं भणियं कह एसो भज्जिही तओ सिट्ठं ।
 नेमित्तिएण तुह सुय-पुत्तेणं गिण्हियव्वमिणं ॥७८१ ॥

१. पबंधा २. तोरायणो ३. वट्ट- ४. चरिउं

तो रुट्टेणं भणियं ममाउ किं पुत्तओ भवे अहिगो ।	
इय ठाणा गंतव्वं घेतूणिमं प[96B]इन्ना मे	॥७८२ ॥
दिवसे दिवसे ढोयं करेइ न य पडइ कह वि पायारो ।	
एत्थंतरम्मि जाओ दंदुय-नामस्स कुमरस्स	॥७८३ ॥
तणओ लक्खण-जुत्तो भोज-नामेण तं च मंचीए ।	
धरिउं विहिओ ढोओ झड त्ति ता दिट्ठि-दंसणओ	॥७८४ ॥
पडिओ सो पायारो तस्सामी निहणिऊण तो राया ।	
जंपइ मए ^१ गढमिणं गहियं भुय-दंड-सामत्था	॥७८५ ॥
भणियं पहाण-पुरिसेहिं राय नेवं ति जेण दिट्ठीए ।	
तुह पोत्तस्स पडिओ पायारो खंडखंडेहिं	॥७८६ ॥
तस्सामी मरिऊणं [97A] जाओ तस्सेव सारपोलीए ।	
ढढो नाम पिसाओ सो मारइ जंतुणो णेगे	॥७८७ ॥
जो तीए पउलीए दुपओ व्व चउप्पओ व्व नीसरइ ।	
तं मारइ तद्विवसे इय सोउं राइणा भणियं	॥७८८ ॥
गहियं पि अगहियं चिय गढमेयं एय दोसओ एत्थ ।	
एयस्स वसीकरणे होइ समत्थो परं सूरी	॥७८९ ॥
तो आयरेण भणिओ वाया ^२ थंभेह रक्खसं एयं ।	
पहुणा वि तहा-विहिए जाए खेमे निवो भणइ	॥७९० ॥
जं माहप्पं तुम्हाणं अत्थि अम्हाण [97B] तं पि वि न अत्थि ।	
ता तं उत्थंभह जेण झत्ति गंतूण साहेमि	॥७९१ ॥
तो पहुणा संलवियं किं तुह एण निच्छए विहिए ।	
तह चेव कयं सयमेव तो निवो तीए पोलीए	॥७९२ ॥

- रयणीए निय-सिज्जं रयावए तत्थ जाव सुहसुत्तो ।
चिट्ठइ तावागंतुं पाएहिं गसइ सो रायं ॥७९३ ॥
- तो भणिओ सो रत्ता सत्तेण छुटाए कुणसि किं एयं ।
भुक्खाए तेण भणिए सव्व तणू किं न भक्खेसि ॥७९४ ॥
- इय भणिओ जा रत्ता तो तुट्ठो साहसेण जंपे[98A]इ ।
मग्ग वरं तुट्ठो हं नरवइणा तो इमं भणिओ ॥७९५ ॥
- अत्तेण नत्थि किंचि वि पओयणं कहसु मज्झ अवसाणं ।
कइया होही कत्थ व तेण तओ जंपियं रायं ॥७९६ ॥
- इय कहिए तुह खेओ भविस्सइ ता अहं कहिस्सामि ।
छम्मास-सावसेसे तुह जीए तेण तोऽवसरे ॥७९७ ॥
- आगंतूणं सिट्ठं सो समओ एस कत्थ पुट्ठम्मि ।
जस्स मकारो नामम्मि आइमो तम्मि ठाणम्मि ॥७९८ ॥
- इय वोत्तूणं सो रक्खसो गओ नरवई वि तस्सऽत्थं ।
चिंतइ मणम्मि जा ताव सुमरियं मान्हं तित्थं ॥७९९ ॥
- तं साहिऊण पहुणो सचिवस्स य तेहि संजुओ चलिओ ।
[98B] नावारूढो च राया गंगाए जाव तं तरिउं ॥८०० ॥
- किर जाइस्सइ तित्थे ता इत्ती तत्थ नीर-मज्झाओ ।
उच्छलिया सिहि-जाला रक्खस-सिट्ठा तओ पुट्ठा ॥८०१ ॥
- तत्तीर-वासि-लोया इमस्स गामस्स कहह किं नामं ।
मंगटोडा इइ कहियम्मि निवेण तो निच्छियं चित्ते ॥८०२ ॥
- सो च्चिय एस पएसो कहिओ सूरीण तो तहा भणिया ।
तुम्हाण वि पज्जंतो एत्थेव य होउ इय विहिणा ॥८०३ ॥

- सूरीहि तओ भणिओ नरवइ अम्हाण नेरिसो कप्पो ।
जं जलणम्मि जले वा पविसिय साहिज्जए अप्पा ॥८०४ ॥
- ता तं कुण हिय-इट्ठं निय-समय-विहीए थोव-दियहेहिं ।
[99A] अम्हे वि करिस्सामो पच्छा तुह तो भणिओ ॥८०५ ॥
- इय समओचियमम्हाण देसु उवएसमप्पणो तेण य ।
महुरक्खर-वाणीए सूरी तं दाउमाढत्तो ॥८०६ ॥
- भो भो देवाणुपिया सरियव्वो होइ एत्थ पत्थावे ।
नीसेस-दोस-रहिओ परम-गुरू वीयरगो त्ति ॥८०७ ॥
- जस्स न मणयं पि मणं रागाइ-रिऊहिं कलुसियं रायं ।
सो च्चिय एत्थ सरंतो जीवाणं सरण-रहियाणं ॥८०८ ॥
- जर-जम्म-मरण-रोगाइ-दुक्ख-कल्लोल-पेल्लियाणेत्थ ।
सरणं सव्व[99B]ण्णु च्चिय गहीर-भव-सिंधु-बुड्डाणं ॥८०९ ॥
- तह सयल-जीव-रक्खण-करणो सव्वन्नु-देसिओ धम्मो ।
सारीर-माणसाऽणेय-दुक्ख-तवियाण सरणं ति ॥८१० ॥
- जस्स पभावा सुर-मणुयसामि-रिद्धीओ होंति हेलाए ।
नेव्वाण-सुहं परमं सो धम्मो राय सरणं ति ॥८११ ॥
- जिण-भणिय-वयण-किरिया-कलाव-करणम्मि निच्चमुज्जुत्ता ।
घर-घरिणि-लोयवावार-विरहिया साहुणो सरणं ॥८१२ ॥
- इय जाव बहुं रत्तो उवएसं देइ ताव गलिय-तमो ।
[100A] राया जंपइ भयवं पवंचिओ एत्तियं कालं ॥८१३ ॥
- जं नो मए पवन्नो देवो धम्मो गुरू य इय-रूवो ।
एण्हं पि मज्झ सरणं सव्वन्नू निक्कलो देवो ॥८१४ ॥

तेणुत्तो तह धम्मो सरणं गुरुणो य वज्जियारंभा ।	
एवं पयंपमाणो राया तत्थेव निब्बुड्डो	॥८१५ ॥
लोयंतरिए तम्मी सूरी सच्चिवाइ-लोय-परिया[रि]ओ ।	
दंसण-पडिवत्तीओ हिड्डो विरहा ससोगो य	॥८१६ ॥
एव संकिन्न-रसं अणुहवमाणो पुरम्मि संपत्तो ।	
पढइ य विउसाण पुरो नरवइ-अवसाण-कहणमिणं	॥८१७ ॥
मा भूत्संवत्सरोऽसौ वसुशतनवतेर्मा च [100B] ऋक्षेषु चित्रा ।	
धिग्मासं तं नभस्यं क्षयमपि च तथा शुक्लपक्षो पि यातु ।	
संक्रान्तिर्यातु सिंहे विशतु हुतभुजं पंचमी यातु शुक्रे ।	
गडगा-तोयाग्नि-मध्ये त्रिदिवमुपगतो यत्र नागावलोकः ^१	॥८१८ ॥
पालइ पुहइ पज्जत्तं तणओ अम्मस्स दंदुओ राया ।	
सो उण कंटिय-वेसा-परव्वसो कुणइ नो चितं	॥८१९ ॥
रज्जस्स परियणस्स य बलस्स देसस्स सत्तुवग्गस्स ।	
एगंत-रइ-पसत्तो गयं पि कालं न याणेइ	॥८२० ॥
कुमरो य तस्स तणओ भोओ विज्जाण संगहं कुणइ ।	
अह तीए निवो भणिओ तुह [101A] रज्जं गिण्हिही कुमरो	॥८२१ ॥
तुह परियणो विरत्तो जम्हा ता निग्गहेसु कुमरमिमं ।	
इय तीए निवो भणिओ भणावए सूरि-समुहं ति	॥८२२ ॥
कुमरेण समं अज्जं आगच्छह राउले निवो भणइ ।	
सूरीहि तओ निय-माणसम्मि नायं न लड्डमिणं	॥८२३ ॥
जमयंडे आहवणं कुमरेण समं तओ य कुमरस्स ।	
कहिऊण करिय संकेयमेरिसं जइ निवो तुज्झ	॥८२४ ॥

१. आ श्लोक प्रतमां अनंत अशुद्ध लोवाथी 'प्रभावकचरित' ना आधारे अर्ली शुद्ध पाठ आप्थो छे

वुक्को होही तो राय-सीहवारोवरिम्मि नरमेगं ।	
एव कुणंतं पेच्छिय गच्छिज्ज तुमं तुरगेहिं	॥८२५ ॥
निय-माउलाण पासे पत्तो निव-मंदिरम्मि जा सूरी ।	
[101B] ता तत्थ बहु सुहडे पेच्छइ कर-गहिय-सिय-सत्थे	॥८२६ ॥
तो नायं नो लट्ठं पुरिसं तम्मी निरुविउं चडिउं ।	
रायगिहे तेण वि सूरिणो कया पुव्व-पडिवती	॥८२७ ॥
पुट्ठो य किं न कुमरो समागओ भणइ चिट्ठइ पढंतो ।	
आगच्छिस्सइ सिग्घं नरवर मह पिट्ठओ चेव	॥८२८ ॥
सो विय तं दट्ठूणं आरुहिउं वर-तुरंगमे झत्ति ।	
गिण्हिय साहणमसमं माउल-पासे समणुपत्तो	॥८२९ ॥
तो सो विलक्ख-हियओ जाओ राया गयम्मि नायम्मि ।	
कुमरम्मि तहा सव्वो परियणो तस्स किर मिलिओ	॥८३० ॥
पुण कंटियाए भणियं नरवर मारेसु निय-सुयं इहरा ।	
रज्जं तुज्झ पणट्ठं भण [102A]इ निवो सो तओ एण्हि	॥८३१ ॥
मज्झ सयासा चलिओ कह सक्का सो निहंतुमेत्ताहे ।	
सूरि-वयणाओ एही तीए भणिए निवो भणइ	॥८३२ ॥
भयवं मज्झ कुमारं तुब्भे गंतूण एत्थ आणेह ।	
तस्स वयणेण चलिओ ^१ आणयणत्थं पहू तस्स	॥८३३ ॥
गच्छंतो अद्ध-पहे चितइ उभओ वि विसममावडियं ।	
जइ कुमरो आणिज्जइ तो विसमा आवई तस्स	॥८३४ ॥
अह नो एयं कीरइ तो रूसइ पत्थिवो इमो तम्हा ।	
एयं तं संपा[102B]त्तं पच्छा वग्घो तडी अगो	॥८३५ ॥

एयमी पत्थावे उचियं अन्हाण अणसणं काउं । आउस्स वि पज्जंतो वट्टइ ता कीरे स-हियं	॥८३६ ॥
इय चित्तिऊण दाऊण वियडणं खामिऊण भव्वोहं । सरिउं अरिहंताई पच्चक्खिय सयलमाहारं	॥८३७ ॥
सुहज्जाणं ज्ञायंतो ऊसासं रूभिऊण ज्ञाणेण । परलोयं संपत्तो महवाई महाकई सूरी	॥८३८ ॥
ता य कुमरो वि नाउं आगमणं सूरिणो समुहमित्तो । जा तट्ठाणे पत्तो तो दिट्ठो तारि[103A]सावत्थो	॥८३९ ॥
तो तं पिच्छिय डज्जंतमाकुलो गरुय-सोय-पूरेण । सहस त्ति धरणिवट्ठे नीसट्ठं मुयइ अप्पाणं	॥८४० ॥
किच्छेण उट्ठिऊणं चियाए ज्ञंपं विहेउमाढत्तो । एयं पयंपमाणो को मज्झं पेच्छिही रज्जं	॥८४१ ॥
एयं विणा वर-पहुणा तो धरिओ सयल-राय-लोएहिं । एवं कए न सोगो जायइ एयस्स तुह कुमर	॥८४२ ॥
जइ तुम्ह अत्थि भत्ती ता अरहंतस्स कुणह चेइहरे । पट्टुद्धरणं एयस्स चेल्लयाणं वरा पूया	॥८४३ ॥
इय पन्नविओ कुमरो चियाए नियमुत्तरीयं पक्खिवइ । अन्ने वि तओ सामं[103B]तमाइया तीए तो जाला	॥८४४ ॥
अगर-बावन्नचंदण-कट्ठेहिं तेहिं ताण वत्थेहिं । गयणंगणम्मि लग्गा देसाहितो बहु लोगो	॥८४५ ॥
ठाणम्मि तम्मि पत्तो सोयाउलमाणसो पुणो वलिओ । एयारिसा कह प्हू होहिंति एवं जंपंतो	॥८४६ ॥

सो विय भोओ कुमरो महंत-सामंत-लोय-परियरिओ ।
इय नाऊणं चरियं कन्नउज्जे झत्ति संपत्तो ॥८४७ ॥

पइसंतस्स य हत्थम्मि मालिएणं फलं तयं तस्स ।
दिन्नं बिज्जउरा एवं जंपमाणेण ढोयणयं ॥८४८ ॥

सउणो त्ति सुणिवि धरिउं करम्मि बीओ अहं इहं राया ।
[. 104 . . . अप्राप्य] ॥८४९ ॥

. ।
[105A]जिण दंसणस्स अम्मो व्व कुणइ भत्ति पमोएण ॥८५० ॥

किरि अम्म-राइणा जत्थ कारियं नियं तत्थ ।
सव्वत्थ वि देवहरं पहुणा निम्मावियं सो वि ॥८५१ ॥

तह चेव कुणइ राया सुमरंतो अम्मराइणो भत्ति ।
. . . . निवो गुणराई जाओ अम्मो व्व किं बहुणा ॥८५२ ॥

नउई पंचाणउई किर ताणं आसि आउयं एत्थ ।
सिरि-बप्पहट्टि-अम्माण असम-माहप्प-कित्तीणं ॥८५३^१ ॥

इति तत्काल-कवि-वादि-गजघटा-पंचवक्त्रस्य ब्रह्मचारीति-
ख्यात-बिरुदस्य श्री बप्पहट्टिसूरेः कथानकं समर्थितं ॥

॥छ ॥छ ॥ संवत् १२९१ वैशाख वदि १३ सोमे पुस्तिका लिखिता ॥
॥छ ॥ शुभं भवतु ॥ छ ॥

श्री

परिशिष्ट-१

आ. भद्रेश्वरसूरि-कृत 'कहावली' ना त्रण प्रबंधो-

(१. सिद्धसेनसूरिकथा २. मल्लवादिमसूरिकथा अने ३. पादलिप्तसूरिकथा)

१. सिद्धसेनसूरिकथा

सिद्धसेण-दिवायर-कहा भण्णइ -

उज्जेणीए नयरीए महावाई महाकवी य सिद्धसेणो नाम साहू । सो य कयाइ जंतो बाहिं दिट्ठो विक्कमाइच्चराणं चित्तं च न जाणामि इमेसि केरिसो आसीवाउत्ति कओ से दिट्ठि-पणामो । लक्खिउं च तब्भावमुब्भविय-हत्थेण सिद्धसे[णे]ण दिट्ठो(त्तो) महा-सदेण धम्मलाभो । राएण छइलत्तणावज्जिएणं दव्वाविया से दव्व-कोडी । भणियं च करावि (? कवि)-राय-पारिग्गहिएण विक्कमाइच्चस्स वाय-पट्टिईए (?पट्टए)-

धम्मलाभो त्ति वुत्तम्मि दूरादुस्सिय-पाणिणो ।

साहुणो सिद्धसेणस्स देहो (? देइ) कोडिं निवाहिवो ॥

निवेइया य सा राय-दिण्णा दव्व-कोडी सिद्धसेणेणं गुरुस्स, तेणावि संघस्स । संघेणावि कओ तीए साहारण-समुग्गओ ।

लज्जंतो य "पाययं जिण-सासणं" ति लोउत्तीए सिद्धसेणो विण्णवइ संघं- 'जइ भणह तो करेमि सक्कयं पि सिद्धंतं ।' संघो भणइ- 'चित्तिएणावि इमेण पायच्छित्तं, किं पुण जंपिएण ? ता धरसु तुमं पायच्छित्तं जम्मि पव्वज्जिरुण अव्वत्त-लिंगं सुण्णाराम-देउलाइं बारस-वरिसाणि जाव विचित्तं तवोकम्मं तं पारंचियं नाम ।'

भणियं च -

आलोयण-पडिक्कमणे मीस-विवेगे तहा विउस्सग्गे ।

तव-छेय-मूल-अणवट्टिए य पारंचिए चेव ॥

वोच्छिण्णं च तया दढ-संहणणाभावओ पारंचियं । तहावि मा अण्णो वि को एवं ववसउ त्ति भयजणत्थमणुण्णाओ संघेण सिद्धसेणो ।

सो य बाहिमुज्जेणीए कुडंगेसर-देउलत्थो पारंचियसेवी इव जयंतो पुच्छिज्जइ जणेण वय-विसेसं । परं न किंचि साहइ । तओ कहियं रत्तो । तेणावि तत्थागम्म

सयं पुच्छिओ । दरिसण-पहावणमिच्छंतो सिद्धसेणो भणइ-‘धम्मिओ हं’। राया भणइ - ‘जइ एवं ता किं न थुणसि कुडंगेसरं?’ सिद्धसेणो भणइ -‘न सहइ खु ममेसो थुइं’। राया भणइ-‘कहं नज्जइ?’ सिद्धसेणो भणइ-‘पच्चाएमि ।’ राया भणइ-‘कया?’ सिद्धसेणो भणइ-‘कल्लं । नाउं चेमं बीय-दिणे मिलिओ कुडंगेसरपुरओ सपुरजणवओ रायाइ-लोओ । तम्मज्झोवविट्ठेण य सिद्धसेणेण पारद्धा बत्तीसियाइ जिण-थुइं ।

एत्थंतरम्मि य दिण्णोवओगो धरणिंदो दरिसण-कज्जं ति तत्थागओ तुरियं । दंसिया य तेण कुडंगेसर-सीसाओ नीसरंती पाससामि-पडिमा । कमंकमेण य बत्तीसइम-बत्तीसियाए समं तीए पडिपुण्णं । तं च ददुण विम्हिओ रायाइ-लोओ । तओ सिद्धसेणो भणइ-‘महाराय ! मह त्थुइसहो एसो सो देवाहिदेवो’। ददुं च तहाइसयं संबुद्धा बहवे पाणिणो ।

धरणिंद-वित्रविएण य संघेण य पवेसिओ सहरिसमुज्जेणीए सिद्धसेणो । पइट्ठिओ य तप्पभिइ सो संघेण ‘दिवायरो’ त्ति । जओ पुव्वगयं वायगो वि जो विसेसेण सासणुज्जोयगो सो दिवायरो नाम । विज्जंति य ताव संपयं पि बत्तीसियाओ, जासिं पहावओ कुडंगेसर-सीसुट्ठिय-पाससामि-पडिमा धंसिज्जंती वि पच्चणीय-जणेणऽज्ज वि दीसए पुणो पुणो समुल्लिहंती । एवं च मिच्छदिट्ठि-दप्पदलणो विहरिओ सिद्धसेण-दिवायरो गओ देवलोगं । तओ विप्फुरियासेसं.....

गज्जंति वाइ-खज्जोया संपयं दक्खिणावहे ।

नूणमत्थंगओ वाई सिद्धसेण-दिवायरो ॥

॥ सिद्धसेण-दिवायरो त्ति गयं ॥



२. मल्लवादिसूरिकथा

मल्लवाय(इ)-कहा भण्णइ -

भरुयच्छे जिणाणंदो नाम सूरी । तहा तत्थेव बुद्धाणंदो नाम वाई । तेण य ‘जो वाए पहारिस्सइ तद्दरिसणेणेह न चिट्ठियव्वं’ ति पइण्णाए दिण्णो जिणाणंदसूरिणा सह वाओ । तहा-भवियव्वयाए पहारियं सूरिणा । तओ सो नीसरिओ संघेण समं भरुयच्छओ, गंतुं ठिओ वलहिपुरीए ।

सूरि-भगिणी य दुल्लहदेवी नाम । तीसे य अजियजसो जक्खो मल्लो य नाम तिण्णि पुत्ता । तेहिं य समं पव्वइया सूरि-समीवे । निस्सेस-गुण-संपण्णा य ते जाया । सव्व-सम्मय त्ति ठाविया समुदाएण सूरिं विण्णवित्तु पोत्थयाइ-धम्मोवगरण-चिंताए । विउसीकया य सूरिणा सव्व-सत्थे ते भा[इ]णिज्जा, मोत्तुं पुव्वगयं नयचक्कगंथं च, जओ पमाणप्पवाय-पुव्वुद्धारो बारसारओ नयचक्कगंथो, चवयादिट्टिस्स (? देवयाहिट्टियस्स) तस्स अरयाणं बारसण्हं पि पारंभ-पज्जंतेसु चेइय-संघ-पूया-विहाणेण कायव्वमवगाहणं ति पुव्व-पुरिस-ट्टिई । नय-मेहाइसय-संपण्णो य मल्ल-चेल्लओ दट्टुमपुव्वं पि पोत्थयं सयमेवावगाहेइ ।

विहरिउंकामो य सूरि तत्थेव मोत्तुं मल्ल-चेल्लयं दुल्लहदेवि-समक्खं तं भणइ- 'चेल्लया ! मा अवलोएज्जसु नयचक्क-पोत्थयं ।'

विहरिए य देसंतरेसु सूरिम्मि, मल्लेण किमेयं वारित्तयं ति अज्जयं ति चिंतिरुण अज्जया-विरहे उच्छोडियं नयचक्क-पोत्थयं, वाइया य तम्मि पढ्मा अज्जा, जहा-

विधि-नियम-भङ्ग-वृत्ति-व्यतिरिक्तत्वादनर्थकवचोवत् ।

जैनादन्यच्छासनमनृतं भवतीति वैधर्म्यम् ॥

वियप्पेइ य सो जावेमं निमीलियच्छे बहु-भंगेहिं तावाविहि त्ति हरियं तं पुत्थयं देवयाए । चिरं च वियप्पिरुणुम्मीलियच्छे तमपेच्छंतो विसण्णो मल्लो । तथा य दट्टुं पुच्छिएणऽज्जाए साहिओ तेण सब्भावो, तीए वि समुदायस्स, सो वि 'नत्थि इमं पोत्थयमण्णत्थ कत्थइ ता न सुंदरं कयं' वोत्तुं गओ महा-विसायं ।

तओ नयचक्कुम्माहिओ मल्लो भणइ- 'होहं गिरिगुहावासी वल्लभोई य नयचक्कं विणा अहं ।' सोउं चेमं खरयर-सदे गओ समुदाओ 'पीडिज्जिहिसि तुममेवं वायपितेहिं' ति वोत्तुं लग्गो विगइ-परिभोगे । तं निब्बंधओ य 'चाउम्मासय-पारणएत्थिय (?) तं काहं 'ति पव्वण्ण-पइण्णो मल्लो गंतु वल्लहि-पच्चासण्ण-गिरिहडल-यडोगरिणा (?) -गुहाए ठिओ तं चेवावहारियं नयचक्काइ-सिलोगं ज्ञायंतो । पडियगंति य तं तत्थेव गंतुं भत्तपाणाईहिं साहवो । आरहेइ य तब्भवयाईहिं विसेसओ सुयदेवयं संघो । दिन्नोवओगा य सा रयणीए मल्लं भणइ- 'के मिट्टा ?' तेण भणियं- 'वल्ल ।' पुणो य गएहिं छहिं मासेहिं देवी भणइ- 'केण ?' मल्लेण भणियं- 'घय-गुडेण ।' तओ 'अहो ! मइ-पगरिस्सो !' ति समावज्जिया देवी भणइ-

'भो ! मग्गेसु समीहियं ।' मल्लो भणइ- 'देसु नयचक्क-पोत्थयं ।' देवी वि 'निष्प(?फ्)विही तुहावहारिय-सिलोगो चिय पुव्वाओ सविसेसो नयचक्क-गंथो ।' त्ति वोत्तुं जाणाविउं च तमत्थं संघस्स गया स-द्वणं ।

मल्ल-चेल्लओ वि तहेव विरइय-नयचक्क-गंथो पवेसिओ वलहीए । संघेणाणाविओ जिणाणंदसूरी । तेणावि जमत्थि पुव्वगयं तं वायाविऊणाजियजस-जक्खेहिं सह मल्लो निवेसिओ सूरि-पए । जायाइ तिण्णि वि ते वाइणो । नवरं विरइओ अजियजसेण निओ पमाण-गंथो वि, अजियजसो वाई नाम पसिद्धो ।

नाउं च दरिसण-मालिन्न-मूलं गुरु-परिभवं भरुयच्छे गओ मल्लवाई । पण्णविओ राया । सदावियओ अणेण बुद्धाणंदो सव्वट्ठिया (?सच्चविया) पुव्व-पइण्णा, तओ भणियव्वेहिं 'को जंपिहि पढमं ?' बुद्धाणंदो भणइ- 'जित्तो जगुरु(?जस्स गुरु) तस्सीसेणिमिणा बालप्पएणं मे का गणणा ? ता दिण्णो मए एयस्सेव वरायस्स अग्गे वाओ ।'

तओ अणुण्णाएणं थेर-पुरिसेहिं, बहुविह-पडिवियप्पाउल-सुवण्ण-सियमविच्छिन्न-वाणीए मल्लवाइणा [भणियं] जा छट्ठिणाणि सत्तम-दिणंते 'पदूसेउ तावेत्तियमणुवएउं बुद्धाणंदो' त्ति वोत्तुं वच्चंति स-द्वणं रायाईया ।

बुद्धाणंदो वि गओ निय-विहरियाए संभालेंतो य मल्लवाइ-भणियमणुवायत्थं वि भुल्लो तव्वियप्पाडवीए । ते उ संबु(?खु)द्धो हियएण से दीवो (?) पविसिऊणोवरिगं टिप्पेइ भित्तीए तव्वियप्पमालं, तहा वि न सुमरेइ । तओ कहमणुवइस्सं ति लुप्पिणं (?) तत्थेव मओ बुद्धाणंदो ।

मिलुप्पिए (?मलिए) य रण्णो [स]भाजणे रत्ता नागओ बुद्धाणंदो त्ति विसज्जिया तग्गवेसगा पुरिसा । ते वि गंतुणागया भणंति- 'देव ! उस्सूर-सुत्तो नज्जइ न विबुज्जइ बुद्धाणंदो त्ति साहियं तप्परिवारेणं ।' रण्णा वि 'अहो ! न कोसलिया से दीहा निदा । ता सम्मं नाऊणागच्छह ।' त्ति वोत्तुं पुणो पट्टविया पुरिसा । तेहिं वि गंतुं फाडाविय-कवाडेहिं दिट्ठो उव्वरिगा-मज्जे मओ बुद्धाणंदो । तं च साहियं रत्तो ।

एत्थंतरम्मि य मुक्का गयणत्थाहिं मल्लवाइस्सोवरि सासण-देवयाहिं कुसुम-वुट्ठि, साहिओ य रायाईणं जहा-वट्ठिओ बुद्धाणंद-वुत्तंतो । तो ते उ च नाउं पराजियं ति नीसारिउ-कामो वि बुद्ध-दरिसणं राया निवारिओ मल्लवाइणा ।

तओ स्त्रा आणाविओ जिणाणंद-पमुहो संघो भरुयच्छे, पवेसिओ महाविभूर्इए ।
वक्खाणिओ य मल्लवाइणा विहि-पुव्वेण नयचक्क-गंधो । एवं च तित्थ-पभावगो
विहरिउं मल्लवाई गओ देवलोयं ति ।

॥ मल्लवाइ त्ति गयं ॥



जो उण मल्लवाई व पुव्वगयावगाही खमापहाणो समणो सो खमासमणो नाम,
जहा आसी इह संपयं देवलोय-गओ जिणभद्दगणि-खमासमणो, विरइयाइं च तेण
विसेसावस्सय-विसेसणवई-सत्थाणि जेसु केवल-नाण-दंसण-वियारावसरे
पयडियाभिप्पाओ सिद्धसेण-दिवायरो ।



३. पादलिप्तसूरिकथा

पालित्तयसूरि-कहा भण्णइ -

अत्थि इहेव भरह-खेत्ते कोसला नाम पुरी । तीए समिद्धो जण-मन्नो फुल्लो
नाम सावय-सेट्ठी । समगुणा य से पडिमा नाम भज्जा । तीए य पुत्तो नत्थि त्ति
वइरोट्ट-देवयारहणत्थं पडिवन्नं पोसहं, वसिया य धम्म-जागरियं कुणंती पोसहसालाए ।
तब्भत्तिभरावज्जिया य स्यणीए समागया वइरोट्टा देवी भणइ-‘वच्छे ! होहिति,
परमिहेवावट्टियाणं नागहत्थिसूरीणं पाय-सोय-सलिलं पिवेज्जासु ।’तओ गया
देवी ।

एसा य पहाए कय-किच्चा पउण-पहरुदेसे गया सूरि-वसहिं । तत्थ य तीए
पविसंतीए च्चिय दिट्ठो बाहिरभूमि-समागयाणं सूरीणं पाय-धोवणं घेतुं निग्गच्छंतो
साहू । पुच्छिओ य - ‘किमेयं ?’, सिस्सो भणइ-‘सूरि-चलण-सोउदगं ।’ मग्गिउं
च सहरिसाए तं तत्थेव पीयं तीए । तओ गया वसही-मज्जे, दिट्ठा य सहसा
सुयखंधं परावत्तिता सूरिणो, वंदिया य परम-भतीए । धम्मलाभिउं च सा भणिया
सूरीहिं-‘सेट्ठिआणिए ! किमेगागिणी केणावि कारणवसेणागया ?’

साहिए य तीए जहा-वट्टिय-वुत्तंते सुओवउत्तेण सूरीणा समाइट्टं तव्वेला-
निमित्त-वसओ जहा-‘भविस्संति ते पुत्ता, किंतु जेट्ट-पुत्तो दस-वरिसं जवणा-
नईओ पुरओ चिट्ठंतो जीविही ।’ सोउं चेमं पडिमा भणइ-‘भगवं ! पढम-पुत्तं
तुम्हमहं सीसं दाहामि ।’ सूरीहिं भणियं-‘जह एवं ता तं चिरजीवियमम्हे काहामो ।’

तओ तह त्ति काउं गया स-गिहं पडिमा । साहिओ य सो तीए सेट्टिस्स वुत्तंतो । तेणावि तं पडिवज्जित्ता सहरिसं सा भुत्ता रत्तीए । दिट्ठो य णा[ए] सुविणयम्मि विचित्त-रयणमओ मुहे पविसंतो नागो । संभूओ य तस्समए तीसे नागकुमारो व्विट्ठो गब्भे पुत्तो । पडिबुद्धाए य साहिओ सुविणओ भत्तारस्स । तेण भणियं-‘पिए ! सुपुत्तो ते होही ।’ सुहंसुहेण य वड्डमाणो गब्भे जाओ तीसे दोहलो जह सुसिणिद्ध-सेल-कालणाइसु (?) सयं दाणं देमि । साहिए य सिट्ठिणा पूरिओ सो विसेसओ ।

तओ समयम्मि पसूया पडिमा सब्ब-लक्खण-संपुण्णं पुत्तं । करावियं च सेट्ठिणा महा-पमोएण वद्धावणयाइ-किच्चं । पुण्णे य मासे तस्सुप्पत्ति-सुविणाणुसारेण वि से गुरुहिं [दित्रं] नामं नागिदो त्ति । समप्पिओ य सो नेऊण ‘एसो सो तुम्ह सीसो ’ त्ति वोत्तुं सूरीणं । तेहिं विसेस-लक्खणाणि दट्ठुं भणियं-‘होही भणि (?) महंतो पवयण-पुरिसो वा, सम्मं संगोवेह तुब्भे जावट्ट-वरिसाणि ।’ तेहिं वि तहेव कए संगहिओ । सूरीणा नागिदो अट्टम-वरिसे पव्वाविओ य सुमुहुत्ते महा-विभूर्इए । जाया य कुलुद्धरणा अण्णे पुत्ता पडिमाए ।

चेल्लओ य कम्मि वि दिणे सन्निहिय-गेहाओ घेत्तूणागओ चउत्थरिसियं (?), ठिओ पुरओ, भणिओ य सूरीणा-‘जाणासि आलोइउं?’ सो भणइ-‘तुम्हं पसाएणं ।’ सूरी भणइ-‘दरिसेसु पसाय-वण्णियं ।’ चेल्लओ भणइ-

‘अंबं तंबच्छीए अपुप्फियं पुप्फ-दंत-पंतीए ।

नव-सालि-कंजियं नववहूए कुडएण मह दिण्णं ॥

सोउं चेमं सूरी भणइ-‘अहो ! सिंगारगिणा पलित्तो चेल्लओ !’ तेण भणियं-‘कन्नए पसाएणं कुणंतु भयवंतो, जेण पालित्तो होमि !’ तओ चमक्किओ सूरी सायरं निवेसिऊणासणे तं पुच्छइ वायर[ण]-छंदालंकाराइ । तेण बालभावाओ साहू-सेवावहारियं साहियं सविसेसं ।

अवि य -

जं किंचि सुयं दिट्ठं, पण्णा-मेहा-गुणेण तं सयलं ।

साहइ स-निम्मियं पिव, पालित्ता सुकय-संपुत्ता ॥

तओ सूरीहिं समुदायं सद्विऊण भणियं-‘भो ! एस सो मए गुण-पगरिसेणालित्तो त्ति पालित्तो नाम अज्जप्पभिइं पइट्ठिओ, तुब्भेहिं सम्ममुवयरियव्वो ।’ तेहिं वि तह त्ति पडिवण्णो । सूरीणा जोग्गो त्ति भावोवहाणरूवेणो-

सरणाकप्पेणाणुजाणिओ सयल-सुत्तत्थेसु, निवेसिओ य संघ-सम्मएण अट्टवरिसो वि य निय-पए पालित्तयसूरी ।

तओ भणिओ संघो नागहत्थिसूरीहिं -- 'जंघाबल-परिक्खीणा न अन्नत्थ समत्था विहरिउं, संघपुरिसो य बालो वि होउं पालित्तयसूरी परं जउणा-नईए पुरओ च्चिय विहरंतस्सेमस्स कुसलं ति सिट्टमासि पुर्व्वि चेवऽम्हेहिं । ताऽणुजाणउ संघो, जेण पेसेमि इमं महुराइ देव-वंदणत्थं ।'

सोउं चेमं पज्जालोइयं संघेणं जहा जत्थ विहरिस्सइ पालित्तयसूरी तत्थ पाय संघस्सुण्णइ ति लक्खिज्जइ सूरिपसणेणं, जउ न निक्कारणं जंपंति पवयणपुरिसा । ता कीरउ पालित्तयसूरिणा सह ताव तित्थजत्ता ।

तओ संवहिओ बहु संघो । साहियं नागहत्थिसूरीणं । तेहिं वि 'संघ-किच्चुज्जओ सययं हुज्जासु ' ति पुणो पुणो सिक्खविय विसज्जिओ संघेण समं पालित्तयसूरी, गओ पाडलिपुत्ते । तम्मि य मुरंडो नाम राया । तत्थ य केणइ छइल्लेण दंदोलीए घल्लिओ म[य]णोदय-भाविओ सुत्त-सु(?गु)ट्टियओ, तम्मि य लहियव्वो सुत्त-छेओ । न य केणइ लद्धो । तओ पसिद्धिं सोरुण सद्दविओ रत्ता पालित्तयसूरी । तेण य पक्खित्तो सो, तत्तोदए निम्मयणम्मि य सु(?गु)ट्टियए लद्धो सुत्त-छेओ ।

तओ पुणो वि घल्लिउं समदंडो मूलमियस्स नाथवं (?नायव्वं) । न य को वि तं जाणइ । पालित्तएण पुण तराविओ नीरोवरि सो दंडो । तओ मणागं मणंत(?णमंत)-दिसाए साहियं दंड-मूलं ।

तओ पुणो वि जउ-घोलिउप्पलिओ समुग्गओ जस्स न नज्जइ केण वि ढक्कण-संधी । तस्स वि पालित्तएण तत्तोदय-पक्खेव-ओगलिय-क्कारस(?)-जाणिओ ढक्कणय-संधी ।

तओ समप्पियं सूरिणा फोडित्तु पक्खिपूरणयं(?) नट्ट-सीवणी-सीवियं तुंबयं रण्णो भणियं च-जाणओ को वीमस्स-संधि दरिसियं तव मण्णेसिं (?) रण्णा... परं न केणइ नीओ सेविओ (?) तुंबय-संधी । एवं च सूरि-गुणावज्जिओ मुरंड राया जाओ भद्दगो ।

तत्तो पच्छा चलिओ संघो तं पि घेत्तूणागओ पालित्तयसूरी महुराउरिं । तीए य वंदिउं देव-निम्मियं थूभं, रम्मयाए वि उक्कित्तिओ वि संघो ।

...सेसेण य समं कमेण पत्तो पालित्तयसूरी गुज्जरत्ताए ओंकारनगरे । तम्मि य एगम्मि दिणे भिक्खांतंगणियाइ (?) -कज्ज-गएसुं सव्व-साहु-सावय-सावियाईणं च कह वि तव्वेलाए विरहेणेगागी पालित्तयसूरी बाल-सहावओ संजाय-रम्मणिच्छो कडिवट्टीए गोवितुहहुवि (?) चिलिमिलिउं कय-चुंचुरुट्टी(?) वसहीए पच्चासण्णं रमंताण छोरुयाणं मज्जे गंतुं जाव कीलेइ, तावागया ठाणंतराओ मइ-मेहाइ-गुण-पगरिसं सोऊण केइ सूरिं वंदणत्थपमुव्व-सावया, पुच्छंति य डिंभरूवाणि जहा- 'कत्थ पालित्तयसूरि-वसही ?'

सूरिणा वीमे सावय त्ति कलिऊण साहिओ तेसिं भमाडयागमण-मग्गो । तेण य ते जावागच्छंति वसहिं तावासण्ण-मग्गेणागओ सूरी लहुं संवहिऊणुवविट्ठो स-ट्ठाने । तओ पत्ता ते सावया वंदिऊण [उ]वविट्ठा सूरि-पुरओ पुच्छिय-सुह-विहारइ-वत्ता य डिंभ-मज्झ-ट्टिय-दिट्ठ-रूव-सारक्खण-विम्हिया लक्खित्तु, भणिया सूरिणा- 'अहो सावया ! जहा जहा चेह्लुगत्तणं सक्किज्जए न कोट्टए छुहिउं तथा परिणयवयाणं पि चंचलं चित्तं, ता किं निरंतराओ भे निव्वहइ ध (?) मणो ?' सावएहिं वि सूरिं वियड्ढ त्ति भाविएहिं भणियं - 'सयं भयवं ! तुम्ह पसाएणं ।' पज्जुवासिय च केच्चिरं पि सूरिं ते गया स-ट्ठानं ।

पुणो इ कयाइ पालित्तयसूरी गड्ढिभरं जंतं पेच्छिऊणुम्माहियं उरमिपवि (?) निव्विजणं ति गंतुं तहेव डिंभेहिं सहारुहंतुत्तरंतो गड्ढि-पिंघगेसु जा कीलइ ताव पुरिसेहिं केहिं वि तप्पएसागएहिं पुच्छिओ जहा- 'भो डिंभगा ! [कत्थ] पालित्तय-पंडिय-वसही ?' लक्खित्ता य केइ विउस त्ति सूरी ते तहेव विसज्जिआ, सयमागओ स-ट्ठाने, ठिओ य कडासणेणं सरीरोवरि लुलाविय-जच्च-पडओ अलीय-निद्दाए । पत्ता य ते वाईणो वसहि-दुवार-देसे । तहावट्टियं सूरिं दट्ठणोलक्खित्ता य धरिसणत्थं 'कुड्ढुरु' (? 'कुकूडुक्कु') त्ति सद्धिंविता पविसंति । कुकुड-सद्धं [सुणिऊण] सुरिणा वि तेसिं पडिधरिसणत्थं 'मेउं मेउं' ति कओ बिरालिया-सद्धो । तओ 'अहो दुद्धरिसो' त्ति कलिऊण पणया सूरि-पाएसु ते ठिया वियड्ढ-गोटीए । 'अलद्ध-मज्झाय सच्चा ते गुण-पसिद्धि' त्ति पुणो पुणो बहुं मण्णंति । तओ सूरिणा जोग्गा त्ति नाऊण पडिबोहिया ते सद्धम्म-देसणाए, पव्वइया केइ, केइ उण सावया जाया ।

एवं च सव्वंग-कुसलत्तणेण विक्खाय-कित्ती पालित्त-सूरी वंदिऊणुज्जयंत-

सत्तुंजयाइ-तित्थाणि गओ मण्णखेडपुरं । तम्मि य विसेसओ अच्छरिय-बुद्धी जाओ कुसलो पाहुडेसु । चत्तारि अपच्छुहाणीह पाहुडाणि तं जहा-जोणिपाहुडं १, [निमित्तपाहुडं २, विज्जापाहुडं ३,] सिद्धपाहुडं ४ । तत्थ दव्व-संजोगा विसेसओ जीवाजीवुप्पत्ती जम्मि [वन्नि]ज्जइ तं जोणिपाहुडं तक्कुसलो य पालित्तयसूरी जहा रुद्धेवायरिओ । तं जहा -

पंसुपुरे रुद्धेव-आयरिओ रहसि वक्खाणेइ गीयत्थ-साहूणं जोणिपाहुड-गयं मच्छुप्पत्तिं । निसुया य सा कह वि कुड्डोलवयगामिणा धीवरेणेण, विण्णासइ गेहं गंतुं जावुप्पज्जंति मच्छ । ता वणिज्जेण य सो जाओ समिद्धो, गओ सूरि-दंसणत्थं । ते य विहरिया अण्णत्थ । पुणो चलण-विभागेणागय त्ति नाऊणागओ धीवरो सूरि-समीवं । पणमित्ता य सबहुमाणं ते भणइ - 'भयवं ! तुम्ह पसाएण जाया मे समिद्धि । ता देहादेसं जं करेमि ।' निसुय [पुच्छिओ] य-'सा य कहं ?' धीवरेणावि कहियं जहावट्टियं । सूरी भणइ-'किं साहियं कस्सइ ?' तए धीवरो भणइ-'नहि'।

तओ चित्तियं सूरिणा-'अहो ! पुत्त-पोत्तयाइ-कहण-परंपराए महंतो पावाणुबंधो । ता वरं थोव-दोसमेयस्सेव विणासणं ।' तओ धरिऊणेगंते भणिओ सो सूरिणा-'भद ! पुत्तो मे तुमं जस्सेरिसा भत्ती । ता किमेइणा तुच्छेवाएण, रयणा[हि]वई होसु ।'तेण भणियं-'जमाणवेह ।'

तओ सूरिणा साहिओ तस्स जोणिपाहुडुत्तो दव्व-संजोगो जेणुप्पज्जइ सहसा सीहे । भणियं च 'एव जुत्तीए बाहिं गंतूणेगागिणा जहा कोइ न पेच्छइ तथा तडत्थेणेसो पक्खियव्वो कम्मि वि सरोवरे दव्व-संजोगो जेणुप्पज्जंति मुत्ताहला महारयणाणि ।' सोउं चेमे हरिसिओ धीमरो 'महापसाओ' त्ति वोत्तुं पणओ सूरिस्स गओ स-ट्ठणं । समाइट्ठणुट्ठिय-विहाणओ य सम्मुट्ठिय-सीहेणं विणासिओ सो धीवरो त्ति ।

जत्थ उण केवलिया-जोइस-सुइणाइ-निमित्तं सुत्तिज्जइ तं निमित्त-पाहुडं, तक्कुसलो य पालित्तयसूरी जहा देविंद-चेल्लओ ।

विलासउरे पयावई राया । सो य कयाइ वरिसायाले दीहावरिसणेण पीडियासु पयासु सद्विऊण अट्ठणो पुच्छइ जाणय-जोइसियाईए जहा-'कया केरिसी वा वुट्ठि होही ?' न य तेसिमेक्कस्स वि साहियं संवयइ । तओ सदाविया रण्णा तत्थेवच्छंता

समणसीहा नामायरिया । सविणयं च पुच्छिया वुट्ठि-सरूवं । ते वि 'निरूविय साहिस्सामो ' त्ति वोत्तुं गया स-ट्ठाणं । निमित्तण्णू य तेहिं समाहिट्ठो देविंदो नाम चिल्लओ । तेणावि केवलियाइ-निमित्ताओ निट्टंक्रिया पंचम-दिणे तइय-पहरे वुट्ठी, सा वि समत्था उत्तर-दिसाए ।

तओ भणियं सूरीहिं- 'कहियव्वमिमं रण्णो परं विहडाविउं किंचि, अण्णहा सव्व-संबाहावज्जिओ राया जइणो पुणो पुणो पुच्छणेण पाडिही पलिमंथो ।'

तओ पुण राय-सद्दावणे पट्टविओ सूरीहिं चेळओ । भणियं च तेण- 'महाराय ! न मुणिज्जइ सम्मं तहावि एत्तो पंचम-दिणे तइय-पहरे होही वुट्ठी, परं सा समत्था दक्खिण-दिसाए ।' तओ स-ट्ठाणमागओ चेळओ ।

जायाए तद्दिण-वुट्ठिए रण्णा सद्दाविउं भणिओ चेळओ जहा- 'सपच्चए वि तुम्हं निमित्ते किं जाओ दिसा-विवज्जओ ?' चेळओ भणइ- 'महाराय ! पढमं चिय मए भणियं जहा न मुणिज्जइ सम्मं, तहावि तुम्हं निब्बंधो त्ति साहियं किं चि ।' सोउं चेमं मंदादरीहूया रायाइणो त्ति ।

तहा जत्थ निरूविज्जंति विविहा विज्जामंताईया तं विज्जापाहुडं, त-कुसलो य पालित्तयसूरी, जहा अज्ज-खउडायरिय त्ति । अज्ज-खउडायरिय-कहा भण्णइ-

भरुयच्छे नयरे विज्जा-पाहुड-कुसला अज्ज-खउडा नामायरिया । ते य [विज्जासिद्धा], विज्जाभिहावो (?) जाओ जेसिं विज्जा-निमित्त-जोगाइ-कुसलाणं नमोकारेणेव । अवरो पोत्थयाइमेत्तावधारी वि तस्स माणसिद्धी (?) होज्जा सिद्धा भाणिज्जो य अज्ज-खउडसूरीणं अत्थि बालो चेळओ । तेण य सूरी-परावत्तणे कण्णाहेडएणेवावहारियाओ काओ वि विज्जाओ ।

इओ य गुडसत्थ-नयरे को वि परिव्वायओ पंडियाभिमाणी साहूहिं पराजिओ वाए । सो य अद्धिईए काल-गओ तम्मि चैव गुडसत्थपुरे वडुकओ नाम वाणमंतरे जाओ । उद(?द्ध)रिसियं चाणेण लो[या]णं जहाऽहं वरद्दो(?अवरद्धो) वडुकओ नाम देवो तुम्हमणुग्गहणत्थम त्थावतरिओ, ता पइट्ठवेह मं । लोएणावि महंतं करविय देवहरयं जहुद्धिट्ठं पइट्ठविओ चउहट्टए वरिउ(?धरिओ) देउचउ(?देवच्चओ) व्विण्णा(?दिण्णा) वित्ती, पुजिज्जए जणेण ।

दिण्ण-विभा(?भं)गो य सो वडुकओ नायं(?उं) वाय-पराजयं कुविओ । साहूणं पारद्धा तेण जाण-वियप्पणा विविह-रोगेहिं साहु-पीडा [य] । अत्थि य

तया नऽत्रो तन्निग्गह-समत्थो त्ति नाऊणाहिंडएहिं सदाविओ संघेण अज्ज-
खउडसूरी । तेणावि दरिसण-पओयणे तुरियं गंतव्वं ति चालिय छडहडय
परिवारेणाणत्ता पच्छिवाल-सहावो (?साहवो) जहा-‘चेल्लएण समं भल्ला होज्जह ।’
चिल्लओ वि भणिओ जहा-‘कवलियमम्हं मा तुममुच्छोडेज्जसु ।’

तओ पत्तो गुडसत्थपुरं सो विज्जा-चक्कवट्टी । पढमं चिय गंतुं वडुकय-देउले
तं भणइ-‘अरे ! गेण्हसु ममेयाओ पाणहियाओ ।’ वडुकएणावि ताओ सयं
घेत्तूणोलंबियाओ निय-कण्णेसु । तओ गओ सूरी वसहिं, सम्माणिओ संघेण ।
उवसंतो साहूवसगो ।

वडुकओ वि कण्णोलंबिय-सूरिपाणहिओ सीसं डगावेंतो दिट्ठो देवच्चियाए
साहिय-सूरि-वुत्तंताए य सद्दिऊण दरिसिओ देवच्चयस्स । सो वि तं तथा दट्ठुं रुट्ठो
घेत्तूण [?लोयं] गओ, तेणावि जओ जोइज्जइ तओ निगडित्ता पुंदाणि दरिसेइ
वडुकओ । तओ कहियं रण्णो । तेणावि सयं दिट्ठ-रुट्ठेण सूरि-कहणत्थं
मोक्कलियाओ ल[उ]डाइत्त-पुरिसा । सूरिणा वि विज्जा-सामत्थओ संकामिया
रायंतेउरे तेहिं लउड-घाया । तेहिं चच्चरिज्जं[ताइं] सिरि(?र)-नक्काइ-अंगोवंगाइं
बाहावेंति देवीओ । तं च नाऊण [आ]दण्णेण रत्ता मुक्का वडुकय-तत्ती, गंतुं च
सविणयं खामिओ सूरी । तेणावि पुणो वि पगुणीकयमंतेउरं । जाया जिण-
सासणस्सुण्णई ।

इओ य भरुयच्छे गउरविओ त्ति मोत्तुं तं सूरि-भाणिज्जं भिक्खाइ-कज्जे जंति
साहवो । चेल्लएणावि किमेसा वारिय त्ति चित्तिऊणुच्छेडिया सा सूरि-कवलिया ।
चिट्ठइ य तम्मज्जे सूरि-लिहिय-कइवय-विज्जाइ - तुदुकय (?) - पोत्थिया,
उच्छेडियाओ(?ए) च पुच्छ(?उत्थ)ल्लिओ तीसे पण्णओ । ताव दिट्ठा पढममेव
मोयग-विज्जा । तप्पुरओ य लिहिया फल-सिद्धी । जहा जो इ जवेइ
विज्जमिमेक्कवीसं वाराओ तस्सागच्छंति मोयग-फल-भरिय-भायणाणि, वच्चंति य
पुणो विसज्जियाणि । दीसइ ताव जावंतो ताणि केणइ कोउवतं(?) तहावि ।

तत्तो चेल्लओ भिक्खयागएहिं सद्दिओ भोयणत्थं साहूहिं भणइ-‘नत्थि मे
भुक्खा ।’ तहावि निब्बंधओ बइसारिओ तेहिं निविमिवावि (?मिचिमिचि)ऊणुट्ठिओ,
चित्तेइ-‘किमणेणाणिट्ठेणं भिक्खा-भोयणेणं ? तहा करेमि जहा मिट्ठं संपज्जइ ।’

उक्कडं च तथा तत्थ बुद्ध-दरिसणं । समिद्धा य बुद्धोवासगा देंति जहा-

चितियाणि भक्तपाणाईणि भिक्खुडाणं ति गओ बुद्ध-विहारे तं पोत्थियं. गहाय चेल्लओ । बहुमण्णिओ भिक्खुडेहिं जाओ तेसिं खुडुओ । भणिया य तेणोपासगा जहा-‘सयमेवागमिस्संति तुम्ह गिहेसु भिक्खुडय-पत्ताणि ।’ सोउं चेममुवासगेहिं सम्मज्जिओवलित्ते भराविय-चतुक्के य सुहे गिहप्पएसे विरइयाणि सव्व-पवरसणाणि, विसज्जियाणि य विज्जा-सामत्थओ चेल्लएण पिहियाणि भिक्खु-कप्पराणि । तओ पुरओ सुक्किल-वत्थोच्छइयं वच्चइ पहाण-कप्परं । चिट्ठंति य ताणि गयणेणागंतुणासणेसु तेसु भरियाणि य जहाजोग्गमुवासगेहिं मणुण्ण-कूर-दालिय-घय-पक्कण्ण-वंजणाईणं पुणाणिज्जंति चेल्लएणं विहारं । पेच्छंतो य निच्चमुद्धमुहो लोओ तमइसयमावज्जिओ बुद्ध-[दरिसणं].....।

[दट्टण निय-] दरिसणोहावणं संघेण अज्ज-खउडाणयणत्थं पेसिओ गुडसत्थपुरे संघाडओ । पत्ते य तम्मि ‘जामो’ त्ति पुच्छिओ सूरिणा संघो भणइ -‘उवसग्गेही पुणो तुम्हं गमणे वडुकओ ।’ सूरी वि ‘मा भाह’ त्ति वोत्तुं गओ वडुकय-देवहरए । तम्मि य चिट्ठंति वसंते मज्जणय-कीलाकरणज्जमेग(?) -पाहाणमयाओ महामहंतीओ दो जल-दोणीओ । पलोइयं च तार्हिं सह सपरिवारं वडुकयं सूरी-‘भो ! भो ! गच्छिस्समहं भरुयच्छे’ ति जंपंतो जाव चलिओ ताव वडुकयस्स अण्णेसिं वच्च (?च वं)तरणं पडिमाओ, ताओ य जल-दोणीओ खडहडाहट्टेणुप्फेडंतीओ जंति पिट्टओ । तम्मोयणत्थं विण्णत्तो लोएण सूरी भणइ-‘गमिस्संति मह समं ।’ सोउं चेमं खरयरं [पाय-]लगे सव्व-लोए तस्समक्खं सूरिणा जिणसासणोवह्वे करावित्ता वाया-बंधं वालियाओ वंतर-पडिमाओ, जलदोणीओ पुणाणेउं गुडसत्थपुरस्सारओ भणियं सूरिणा-‘जो मम सरिसो होही सो नेही इमाओ स-ट्टाणे ।’ चिट्ठंति य तहेवऽज्ज वि ताओ ।

सूरी वि पत्तो भरुयच्छे । सम्मं विण्णाय-वुत्तंतो विज्जा-चक्कवट्टि त्ति निजोजेइ विज्जाहिवइ देवयं, तीए वि सहसा आणेउं समप्पिया सा सूरिस्स पोत्थिया । गगण-गच्छंत-भरिय-भिक्खपत्ताणं च पुरओ सूरिणा विउव्विया महंती सिला । तीए य सममब्भिड्डिउं फुट्टाणि सव्व-भिक्खु-कप्पराणि, विक्खिरियं भोयणजायं । तं च नाउं भीओ वि संभालेइ पोत्थियं, न य सा दीसइ त्ति नट्टो चेल्लओ । निग्गओ तं गणियाए सूरी गओ बुद्ध-विहारग्गेणं भणिओ तच्चणिएहिं-‘एहि, बुद्धस्स पाएसुं पडसु ।’ सूरीहिं भणियं-‘एहि पुत्ता ! सुद्धोदण-सुया ! वंदसु

ममं ।' तओ निग्गया बुद्ध-पडिमा, पडिउं पाएसुं तावुप्फिडंती गया सूरि-पिट्ठओ जाव नगर-बाहिं । बुद्धिडओ समाइट्ठो य पडिम व्व सूरिणा । सो वि पडिओ पाएसु, भणिओ य 'बुद्धेहि (?उट्ठेहि)' त्ति जाओ जाव अट्ठा(?द्धा)- वणओ तावेवं चैव चिट्ठसु त्ति निद्धिट्ठो ठिओ तहेव, तप्पभिइं च सो बुद्धिडओ 'नियंबोणामिओ' नाम जाओ । विरत्तो य एव बुद्ध-दरिसणाओ जाणओ जणो, जाया जिण-सासणस्सुब्भावणा ।

कयकालो य आउक्खएण अज्ज-खउडसूरी गयो देवलोयं ति । अज्ज-खउडायरिय त्ति गयं ।

विज्जा-कुसलो य अज्ज-खउडो नाम सूरि व्व कणवीरलया-भामग-खुड्डुगो, तं जहा-

अत्थि पाडलिपुत्ते मिच्छदिट्ठि दाहडो नाम राया । सो य विप्पयारिओ धिज्जाइएहिं संघं भणइ- 'जा तुब्भेहिं कीरइ स-गु[रु]णं वंदणाइ-पडिवत्ती तं कुणह बंभणाणं ।' संघेण भणियं- 'तुत्थियंतु(?पुच्छिज्जंतु) बंभणा जइ समिइ-वेएसु भणियमिणं ।' राया भणइ- 'किं तुम्हं वियारेण ? कायव्वमवस्समेवं जइ कुसलमिच्छह ।'

तओ वित्राय-निब्बंधो संघो 'करिस्सामो सव्वगएणं' ति वोत्तूणाणुकूलं गओ स-ट्ठण-ट्ठिओ सार-पव्वज्जालोए (?) जहा, 'किं कायव्वमेवंविहे रायाभियोगे ।' तत्थ य विज्जासिद्धो देविदो नाम चेत्थओ । सो भणइ- 'जइ संघाएसो होइ ता अहं करेमि किंचि चोज्जं ।' अणुण्णाओ य संघेण सो निग्गहाणुग्गह-विज्जाभिमतियाओ दो कणवीर-लयाओ घेतुं संघेण समं गओ राउलं ।

निविट्ठाए य बंभण-पंतीए मिलिए पुर-लोए भणियं च रत्ता- 'कुणउ वंदणं संघो ।' चेत्थएण भणियं - 'महाराय ! अच्छउ ताव संघो, ममावीमे न सक्का सहिउं वंदणं ।' राया भणइ- 'किमिमेहिं पट्ठुत्तरेहिं ? जंगम-देवा-बंभणा ।' सोउं चेमं चेत्थओ 'जइ एवं ता कुणह कोउगं' ति वोत्तुं [भाम]यति दाहिणंताओ सच्चवेत्तो वामंतं जंपंतो य 'किमेणेमे वंदणिज्जा' त्ति । जेसिं गलगणेणं भामेइ निग्गह-लयं, तेसिं छिज्जंति सीसाणि ।

दट्ठुं चेमं चमक्किओ राया । खलभलिओ मिच्छदिट्ठि-लोओ । दीणा सेस-बंभणा मिलिउं च लुलिया संघ-चलणेसु दीणमुहा भणंति- 'चुक्का अम्हे, ता किवं कारुणिमं खमेहावराहं ।'

तओ संघेणाइद्वे चेळओ अपुगगह-लयाए तं चव विवरियं जा कुणइ ता जु फिट्टिता पुणो लग्गाणि छिण्णा[णि] सीसाणि, जाया जिणसासणस्सुण्णइ त्ति । तप्पभिइं च सो चेळओ कणवीरलया-भामगो नाम विक्खाओ विज्जापाहुड-कुसलो त्ति ।

तहा जत्थ पायाले वंजण-गुडियाइहिं सिद्धा सरूविज्जंति तं सिद्ध-पाहुडं, तक्कुसलो य पालित्तयसूरी ।

अवि य -

रायामच्चाईहिं सययं सेविज्जमाण-चरणस्स ।

जस्स न लहंति वोत्तुं कज्जे वि वालियं मुणियो ॥

तो तदणु[ग्ग]ह-हेउं पालित्ती तेण विरइया भासा ।

गुरु-पारंपज्जेणं विण्णेइत्था(? यच्चा) इमा सा उ ॥

गुरवो लहुया य शंषा(?) चक्कवत्तीए (?) भिक्षहं डक्कारे (?)।

कालो पडढणं लवया (?) कई य ताईहिं (?) ॥

समिद्धं च तया दक्खिणावहे मण्णखेडउरं, लाडदेसे भरुयच्छं, सोरट्ट-विसए वलहिपुरं गिरिनगरं च, सुरसेण-देसे महुराउरं । निवसंति य जेसु गुण-समिद्धा संघा । परं मण्णखेडे मुहू(?सुट्टु) दुगरहो(?हओ) गया । सो य सूरि-गुणावज्जिओ नावगरेइ किंचि, तेण संघो तस्स नऽत्रत्थ विहरिउं देइ ।

सोरट्टे उण धाउवाय-सिद्धो ढंक-पव्वओवरि ढंकपुर-निवासी नागज्जुणओ नाम बंदओ । तेण य याग-भोग(?भाग)-गुणेणावज्जिओ सोरट्टदेसे सव्वो वि रयाइ-लोओ निप्पभावाणि मण्णेइ सेस-दरिसणाणि ।

भरुयच्छ-महुरासुं पुण पच्चणीया धिज्जाइया ते य विगघयंति जिण-ण्हवण-जत्ताइ-किच्चं । परूवावियं चेमं गिम्हे भरुयच्छइ-संघेहिं पालित्तयसूरिस्स । संदिट्ठं च तेण तेसिं जहा-‘पारंभणीया तुब्भेहिं भिरिहरिया-दिणे कोमुई-महिमा, जेणागच्छमो तप्पेच्छया ।’ बहुमण्णियं च तं तेहिं । पारद्धा कत्तिय-सुद्ध-पडिवयाए सूरुदेए य जिण-जत्ता ।

पालित्तयसूरी वि मण्णखेडे संघावेइय-सरूवो पउण-पहरं जाव कय-लोग-जत्तो चलिओ भरुयच्छे काउं च पायलेवं, खणेणावयरिओ अस्सावयार-वेइ पविट्टे संघेण हरिस-विसेसुल्लसिउं(?अं)गेण य निस्संकमप्फालिया पंच-महासद्दा ।

अवि य -

मद्दल-करडिय-सुवडह-भाणय-संखाइया महा-सद्दा ।

हत्थवइत्तण-उभय-सपओग-मुहेहिं(?) वज्जंति ॥

संवाडियघा(?ग्घ)-वाइयाइ-पडिवत्ती य जावोवविट्ठो सूरी ताव 'तप्पुण्णोदएणाहो पत्तं जंगम-तित्थं' ति लोयप्पवाय-पेरिओ तत्थेवागओ राया । [द]ट्ठुं चाणंदिएणाणेण पूजिओ पवर-वत्थ-कडच्छयाईहिं तओ संघेण सेस-जणेण य, सूरी वि तं पसाईकयं जहोचियमच्छि(?ग्गीणं) बंभणाईणं । समुच्छलिओ साहुक्कारो ।

तओ सविणयं पणमिय राया भणइ-'भगवं ! किमम्हे मूलजाया जेणेत्तियं कालं तुब्भेहिं नाऽवलोइया ?' सूरी भणइ-'महाराय ! विहरिउकामा वि इह न मुक्का मण्णखेड-संघेण अम्हे । दुरंतो य मूलजायाओ वि संघाणाइक्कमो । अज्ज उण पउण-पहरुद्देसे तित्थावगाहणत्थं विण्णत्त-संघेणाणत्तमम्हं "जइ पुणो वीहागंतुं पहर-दुगुद्देसे भुंजह ता वच्चह ।" कायव्वं च तहेव तमम्हेहिं गंतूणेत्तो सत्तुंज-उज्जंत-महुरा-तित्थेसुं ।'

सोउं चेमं चरणावलगओ सगग्गयं राया भणइ-'भयवं ! तोविओ (? न जोगो) अहं तुम्हं निरंतराय-दरिसणस्स, तहावि कल्ल-दिणाउ कराविस्समहमिह जिणाययणे पुण्णिमं जाव जत्तं । तं च गुरु-पसाएणागंतुं जइ संपयं पावसव्ववेह (?) तुब्भे ता अहं मण्णेमि कयत्थमप्पाणं ।'

सूरिणा वि कायव्वा सत्तीए पवयणु[ण्ण]ती ए[वं] चित्तु भणियं-'महाराय ! काहामि ते समाहाणं ।' तओ रण्णा 'भगवं ! अणुग्गहिओ मि' त्ति वुत्ते गओ सूरी वलहिं ।

तत्थ वि तहेव विहिय-पवयणुण्णई वंदित्तु सत्तुंज-उज्जंत-देवे गओ गिरिनयरं । विहिय पवयणुण्णई य तओ वि गओ ढंकपुरं । तम्मि वि तहेव विहिय पवयणुण्णई गओ मण्णखेडं ।

एवं वच्च (?) निच्चमैत-जंतस्स सूरिणो [चलणो]दग्गुस्सिघणओ नागज्जुणेण विण्णायं पायलेव-दव्वाणं सत्तुत्तर-सयं, न लक्खियं च मइमया वि अट्टत्तरसइमं तंदुल-धोवणं । तव्विरहिण य तेण कय-पायलेवो नागज्जुणो किंचिदुप्पडियं पि पुणो पुणो पडंतो जाओ कु (?ज)ज्जरियंगो, तहा एवं दट्ठुं पुण्णिमागएण पुच्छिओ सूरिणा 'किमेयं ?' तेणावि साहिए जहावट्ठिय-वुत्तंते साहिय-सब्भावो सूरी भणइ-

'साहु ! साहु विण्णायं तए, परं न मिलिओ तत्थ सेयभिव्खु-दरिसण-संजोगो !'

सोउं चेमं मोज्ज(?ग)रिओ नागज्जुणो सूरि-सम्भावावेयणत्थं भणइ- 'गेणहह तुम्भे ममाओ धाउवाय-सिद्धि ।' सूरि वि 'जाणिस्सामो' ति वोत्तुं चलिओ महुराभिमुहं । तदणुव्वयणत्थं वा गमण-चरम-दिवसो ति गओ नागज्जुणो ढंकउ[र]-बाहिं च तत्थ पव्वमाणानिद्धावायं (?) तम्मत्थए भुरुक्काविओ को विउक्को (?) वि सूरिणा चुप्पओ । भणियं च - 'तए पुणो वि निरूवियव्वो एसो' ति नियत्ता नियमा...गज्जणं (?नागज्जुणं)... गओ सूरि ।

नागज्जुणो वि बीय-दिणे दट्ठुं सुवण्णमयं तत्थोवरिमघरं(?थरं) जीवंतो वि जाओ मयकप्पो ।

विप्फुरिओ मरिउं पि पालित्तयसूरी जेणावज्जिो सालिवाहणो ति । सालिवाहण-कहा भणइ-

गोलानई-पइसरणम्मि पइट्ठाणपुरे बल-बुद्धि-संपण्णो सालिवाहणो नाम राया । सो य वरिसे [वरिसे] गंतुं भरुयच्छं कोस-समिद्धं नहवाहण-रायं रोहेइ, वरिसायालं च निय-पुरिमागंतुं करेइ ।

कयाइं च घोसावियं नहवाहणेण - 'जो सालिवाहण-सेवगाणं हत्थं सीसं वा आणइ तस्स राया दम्म-लक्खं देइ ।' दव्व-लोभओ य बहवे नहवाहण-मणुस्सा सालिवाहण-मणुस्से मारिरुणाणेति । सालिवाहण-मणुस्सेहिं वि नहवाहण-मणुस्से केइ विणासिज्जं परं न केवि (?किंचि) तेसिं विसेसे(?सं) सालिवाहणो देइ ।

एवं च बहु-पुरिसक्खएण सुट्ठु-काइएण सालिवाहणेणं पइट्ठाणमकंडे चेव गंतुकामेण कडय-धूलि-बहलुट्ठण-भयाओ परिवारस्स पत्थाणमसाहंतेणावि मुक्कियमत्थाणं मंडवियाए । तं च दट्ठुं चितियं तस्स पडिग्गह-गहिणीए रुइल्ल-खुज्जा-विलासिणीए जहा, 'नूणं राया गंतुकामो ।' साहियं च तं तीए निय-मित्तस्स जाणसालियस्स । तेणावि पऊणीकाऊणाणीगयमेव (?) गड्डीरयाइ वहमाणं कयं । तं च दट्ठुमुट्ठिओ सेसो वि खंधावरो गंतुं पयट्ठो ।

राया वि पढममेव वच्चामि ति वट्ठीए (?) चलिओ कडय-धूलि-समुद्धूलिओ चितेइ- 'न मए कस्स वि साहियं, कहं कवडओ (?) चलिओ ?' तओ सम्मं सोहंतेणुवलद्धो जाणसालिओ । तेणावि साहिआ खुज्जा । तीए वि साहिओ परमत्थो । तओ रण्णा 'मा सा लद्धपसरा कज्जंतरेसु वि सच्छंदा होउ ' ति चितिरुणाणवराहिणीए वि खुज्जाए उवरिं दरिसिओ अप्पसाहिओ(?) ति ।

एवं च पइवरिसम[?भ]ज्जमाणे भरुयच्छे चिंताविउं (?) सालिवाहणं दट्टुं सामंतो नामामच्चो भणइ जहा-‘मे कुडुंबं गोत्तीए पक्खिवित्ता मं कवडेण नीसारेहि, जेण भरुयच्छं भंजावेमि ।’

तओ रत्ता तहेव कए [गओ भरु]यच्छं, ठिओ एयत्थेग-देवकुले । नायं च रज्जंतरेसु जहा सालिवाहणेण नीसारिओ सामंतो । भरुयच्छम्मि य ‘को तुमं ?’ ति पुच्छिज्जंतो भणइ-‘गुग्गुल- भगवं नामाहं ।’ जे उण जाणंति तेसि साहेइ जहा, ‘नीसारिओ हं सालिवाहणेणं ।’

नाउं चेमं सो भणाविओ नहवाहणेण जहा, ‘में मंती होसु’। अ[म]ण्णंतो य सयमागंतुं रण्णा ठविओ मंती । वीससिओ तेण नहवाहणो, भंडार-फेडणत्थं लाइओ धम्म-धंधए जहा-‘पुव्व-कय-सुकएहिं संपज्जइ सुसंपया । संपण्णा य सा ते । कित्तु जइ संपयं देउल-कूव-तलाय-दाणाइणा सुकयमुवज्जेसि ता जम्मंतरम्मि सुसमिद्धो होसि ।’

तव्वयणेण य धम्मवयं कुणंतस्स पायं निट्ठिओ नहवाहणस्स कोसो । वेढिए य भरुयच्छे तहेव पुरिसक्खय-काइओ सालिवाहणो भणावेइ सामंतं जहा, ‘तुमं नहवाहणस्सेव मिलिओ ।’ मंती भणइ-‘मा विवित्तो होसि, जओ नियंतेउरियाभरणव्वएणेसो निव्वहइ ।’ तं च नाउं थिरीहूए सालिवाहणे सव्वहा निणवंमो(?निद्धण-चंगो) विणट्ठो नहवाहणो, वसीकयं भरुयच्छं, गओ पइट्ठाणपुरं सालिवाहणो, सव्व-[स]त्थ-विणोएण कालं गमेइ ।

से उवट्ठिया रायदुवारे निय-निय-विरइय-गंथ-सुणावणत्थं चउरो कवि-पंडिया, जाणाविया य पडिहारेण ते बहिट्ठिया चेव पुच्छाविया रण्णा-‘कस्स को कित्तिओ वा गंथो ?’ तेहिं भणियं- ‘विज्जय-धम्म-नीइ-काम-गंथा लक्ख लक्ख ।’ सोउं चेमं कव्व-सत्ति-परिक्खणत्थं पुणो भणाविया रत्ता-‘नाहमेत्तियं.....!’

.....पंचालो थीसु मद्दवं ॥

सोउं चेमं तुट्ठेण रण्णा सव्वे वि ते वत्थाईहिं जावारद्धा सम्माणिउं ताव अंतेउरा....भणइ-‘देव ! साहुक्कारदाणं विणा किमज्जेणिमिणा सम्माणेण ?’ तओ रण्णा-‘अहो ! विउसत्तणं ।’ ति पभणिए परोप्परं जोएत्तु मुरुक्कएहिं हसियं वियक्खण-परिवारेण । तं दट्टुं किरिक्किओ (?) कविलो भणइ-‘निय-परिवार-साहुक्कारं दवावेउ देवो ।’

तओ र्ना निरूवियं पासोवविट्टाए सुट्टु-वियक्खणाए भोगवइ-विलासिणीए ।
समुहा (?) वि परम-सावियत्तणओ एसो दरिसण-पहावणाए समओ त्ति चित्तिता
भणइ - 'देव !

स-गुण-कित्तण-किरणो, ताव ण जणिंदु हरिसमुल्लसइ ।
जा ललइ न पालित्तयसूरि-रवी निस्वम-गुणंभू ॥'

सोउं चेमं राया भणइ - 'को एस पालित्तयसूरी ?' तीए वि साहियं तच्चरियं ।
तं च सोउं विम्हिओ राया भणइ- 'कत्थ सो संपयं चिट्ठइ ?' तीए वि 'मण्णखेडे'
त्ति कहिए र्ना सूरि-संगमुम्माहिणाणत्तो तस्सायणत्थं संकरो नामओ संधिविग्गहिओ ।

ताव मच्छरिओ विहप्पई भणइ- 'देव ! बुद्धि-किरणेहि मम पुरओ सो न
सूराईही ।'

पंचालो भणइ- 'सूराईओ वि कवित्त-किरणेहि मम पुरओ अत्थमिही ।'

भोगवई भणइ- 'देव ! अत्थमिउं पि पुणो सो सूराईही त्ति मण्णे ।'

तओ रण्णा - 'अहो ! मरिउं पि जो जीवइ तस्सापुव्वं विउसत्तणं ! ता संकर !
मण्णखेडे गंतुं कण्हडरायं च मोक्कल्लविऊणाणेसु सिग्घं पालित्तयसूरि ।' ति वोतुं
विसज्जिओ संकरो ।

तेणावि ववसिए निय-सामि-समाइट्टे सुट्टु समाणंदिओ कण्हडराओ ।
पट्टविओ य णेण सव्वत्थोच्चिय-किच्च-संपायणत्थं निउत्त-निय-सुपरिवार-सामग्गीए
विचित्त-संघ-सहिओ पालित्तयसूरी ।

पत्ते य तम्मि पइट्टाणपुरासण्णे जाणाविओ संकरेण सालिवाहणो । सो वि
हरिस-विसेसओ कारित्तु पुरे हट्टसोहाइ-महूसवं सयं संचलिओ सपरिवारो जा सूरि-
सम्मुहं तावागओ लोयप्पघोसं साओमत्तेयाइ (?) -सहिओ विहप्पई भणइ- 'देव !
संपयं चेव परिक्खिस्सं सूरि-बुद्धि ।' राया भणइ- 'परिक्खसु ।' सो भणइ- 'अत्थि
कोइ तारिसो देव-परिचारओ जो जंभावंतो वि हत्थट्टिय-सुहर-भायणाओ नोदगाइ
छड्डेज्जा ?' रण्णा वि 'अत्थि' त्ति वोतुं सदाविओ हीरओ नामाईव-थिरहत्थो
सूखात्तो विस्साविजिओ (?) त्ति काऊणुवट्टिओ पुरओ । दरिसिओ विहप्पइस्स ।
तेणावि साहिओ जहा सूरि-बुद्धि-परिक्खणोवाओ ।

तहेव रण्णा सिक्खवित्ता पेसिओ सूरि-समीवे विधि(?घ)रिय-घय-भरिय-
वट्टय-दच्छो(?हत्थो) हीरओ । सो वि गओ । तं दरिसित्ता सूरि भणइ -
'मंगलीयमिमं तुम्हं सम्मुहं पवीण-पुरिसेहिं पेसियं ।' सूरिणा वि लक्खियं जहा,

‘बहुलाधीरताइवस्सेहि (?) वट्टय-तुल्ल-पुरम्मि मइ-मेहाइ-गुणावहतणओ पुव्व-तुल्लेणं पंडियजणेणाईव-सुहरं, ता तुम्हारिसाणं नेहावगासो त्ति जाणाविओ अहं ।’

‘दायपट्टिद्दयण्णुणातेण (?) सुमुह-संवेगताइ-गुण-भावओ सारसूईसमो जो विउसुत्तमो सो सुहरे पि सम्माइ’ त्ति जाणावणत्थं साहु-सयासाओ घेतुं तग्घय-मज्जे छुहिऊणुद्धरिया धारिणीविज्जाए सुहम-सुई ।

तओ पुणो वि विसज्जिओ हीरओ पत्तो रायंतियं । दट्टुं च तहट्टियं सुई विसण्णो विहप्पई । पमुइएण य रण्णा महाविभूईए सयं पवेसिओ पइट्ठाणपुरे पालित्तयसूरी, सम्माणिओ जहोचियं ।

तो निस्सुया सपरिवारेण सूरि-विरइया सबहुमाणं कव्व-रसाउला तरंगवई नाम कहा । भाविओ वि तीए जाव विउसजणो, ताव मच्छरिओ पंचालो, सो पगइ-मेहा-धारणा-बलिओ त्ति भणइ-‘देव ! चोरिया ममाणेण ।’ तदण्णेहि य ‘कहं नज्जइ ?’ त्ति वुत्ते कहिया तेण निज्जुत्तीए तरंगवती चुरकंते (?) य बहुसो वइरममं (?) जणे लज्जिओ मणागं संघो ।

तब्भणिओ य सूरी संकेय-पुव्वमेग-दिणे कय-मरण-बेडओ कुक्कुहिया-पविट्ठो जा नीनिज्जइ ताव समंतओ तप्पसंसं कुणइ जणो । तम्मज्झट्टिओ य पंचालो वि पच्छुत्ताविओ महया सहेणुब्भविय-बाहू पुणो पुणो पढइ -

सीसं कह व न फुट्टं जमस्स पालित्तयं हरंतस्स ।

जस्स मुह-निज्झाराओ तरंगवई नई वूढा ॥’

सोउं चेमं खरयरमुम्माहिए सूरि-गुणाणं जणे समुट्टिओ सहसा सूरी भणइ-‘भो ! भो ! मरिउं पि जीविओ अहं पंचाल-सच्च-भासणोसहेणिमिणा ।’ तओ मउलिओ पंचालो । विहसिओ संघो । विण्णाय-वुत्ततेण य रण्णा आणत्तो वि निव्विसओ पंचालो थिराविओ सूरिणा, सावगो जाओ ।

एवं चाणेय-पवयण-पभावणा-कज्जुज्जओ पालित्तयसूरी चूडामणि-जायगाइ-निहंकाण(?) -णाणागयमेवावेइय-निय-मच्चु-समय-भावि-भव-भावो कालं काउं गओ देवलोगं जहा तवस्सी कट्ट-सेट्टि त्ति ।

॥ सालिवाहण-पालित्तयसूरि त्ति गयं ॥



परिशिष्ट-२

प्रबन्धचतुष्टय-अन्तर्गत-समुद्भूत-पद्यानां

प्रतीक-सूचिः

अग्घायंति महुररा	५३७	जीयं जल-बिंदु-समं	६५४
अधरित-कामधेनु	५८१	जे चारिर्ति निम्मला	६४१
अयसाभिओग-संदूमियस्स	१०९	जेणं दिट्ठ-सुओ वा	२३०
आस्ते वा भूभूतां मूर्ध्नि	७४७	तइया मह निग्गमणे	५२४
इत्येवं श्रीक्रमालीढं	७३८	तणु वि संचियाइं	६९९
इय उज्जुय-सीलालंकियाण	५४२	तत्ती सीयली मेलावा केहा	७७५
इह हि भुवनान्यन्ये	४८६	तथाऽपि भक्तितः किंचिद्	७२६
उच्छलिय-जसो पडिवन्न	६४५	तह सयल-जीव-रक्खण	८१०
उत्तममियं पयं जिणवरोहिं	४४५	तं च सरिऊण रत्ता	४९२
उव्वह-जायाए असोहिरीए	६५१	तं चिय कलसं आर्लिगिऊण	७००
एकोऽपि यैर्नमस्काश्चक्रे	७३७	तावदेव निमज्जंति	७३६
एक्केण कोत्थुभेणं विणा	५३६	ताहं फुसिज्जइ लीह	६४२
कंचणडु सुवियडु	६२७	ते पंचाणण सीह	६४३
कंठेच्चिय परिघोलइ	७१५	त्वद्वाक्पथोऽपि येषां	६१
कालवसा एकेक्केण इह	६९८	दयां कुरु तथा नाथ	७३४
कुलं पवित्रं जननी कृतार्था	६९०	दृष्टोऽथवा तथा भक्तिर्नो	७३२
खंडं विणा वि अखंड-मंडलो	५३५	धन्यास्ते यैर्जिनाधीश	७३०
जर-जम्म-मरण-रोगाइ	८०९	न मया माया-विनिर्मुक्तः	७३१
जस्स पभावे लीलाए	६८	नमस्तुभ्यं जिनेशाय	७२७
जं सील-विरहियाणं	६४०	नमस्तुभ्यं भवाम्भोधि-	७२८
जिण-भणिय-वयण-किरिया	८१२	नमस्तुभ्यं मनोमल्ल-	७२९

नम्राखण्डल-सन्मौलि	७२४	विधि-नियम-भङ्गवृत्ति	३४५
न वाऽद्भुतमुलूकस्य	६२	विपुलमतिभिः कैरप्येतत्	४८५
निर्बन्धुर्भ्रष्टभाग्योऽयं	७३५	विज्ञेण विणा वि गया	५४१
परिसेसिय-हंसउलं पि	५३८	शस्त्रं शास्त्रं कृषि विद्यां	५११
पालित्तय कहसु फुडं	१०७	संतावंतरिय-सुहो सुहाण	७०१
प्रकाशितं यथैकेन त्वया	५९	सांप्रतं दैव-योगान्मे	७३३
मयणाहि-सामलेणं इय	७१७	सीसं कह वि न फुट्टं	३२३
मलओ सचंदणो च्चिय	५४०	सुगृहीतं तु कर्तव्यं	५१५
माणस-रहिएहिं सुहाइं	५३९	सुत्त-विउद्धेण तए जीसे	४९३
मा भूत्संवत्सरोऽसौ	८१८	सो जयइ जएक्क-पहू	७०८
मायंगासत्तमणस्स मेइणी	६५२	सो जयइ जस्स दाढा-फडक्कए	७०४
यथोपहास्यतां याति	७२५	सो जयइ जेण छन्नं सीसं	७०५
लज्जिज्जइ जेण जणे	६५३	सो जयइ जेण तइया	७०६
लोकः खल्वाधारः सर्वेषां	७४३	[स्फुरन्ति वादिखद्योताः]	७०
विद्योतयति वा लोकं	६०		



परिशिष्ट-३

प्रबन्ध-चतुष्टय : विशेषनाम-सूचि:

अजियजस	३३४, ३६१, ३६२	कुडंगेसर	५५
अजियजस (गंथ)	३६३	कोसलापुरी	७१
अज्ज खउड	१४५, १४७, १५७, १८८, २११, २१२	गउडदेस	४९७, ७८०
अणहिल्लवाडनयर	७६९	गयवइ	६०८, ६०९
अम्म(राय)	४०५, ४३०, ४३३, ४३६, ४६६, ४७८, ५०४, ५०७, ५४३, ५६१, ५६९, ५७३, ६०८, ६२३, ६४४, ७५८, ७६१, ७८०, ८१९, ८५०, ८५१-५३	गंगा	४७३, ८००, ८१८
अवंति देस	२	गिरिनयर	२३५, २६२
अस्सावबोह-चेइय	२४५	गुग्गुल भगवो	२८८
अस्सावबोह-तित्थ	३३०	गुज्जर-देस	३८४, ७६८
आम (राया)	५९७	गुडसत्थ नयर	१५०, १५२, १६०, १९८
उर्ज्जित	११२, २५६, २६२	गुणाणुरगी	६०९
उज्जेणी	२, ५२	गोयम	४४७
कत्रउज्ज-नयर	४०५, ४२१, ४३६, ४५२, ४६८, ४७२, ५०३, ५०६, ६२५, ७४५, ७६९, ८४७	गोवगिरि	७८०
कन्हड-निव	३००	गोवालउर	४७४
कंजेलाइय तलाइया(?)	४३५	गोविंद (सूरि)	६१८, ६२९, ६३७, ६४५, ६४७, ७७४
कंटिया (वेसा)	८१९, ८३१	जउणा नई	८६
कालंजर सेल	७५१	जक्ख	३३४, ३६१
कुडंगीसरीय-मढ	५२	जस	३३४, ३६१, ३६२
		जसवम्म (राय)	४०५, ४२२, ४२९
		जिणाणंद सूरि	३३१, ३८१
		जोणिपाहुड	११४, ११६
		ढंक पव्वय	२३८
		ढंकपुर	२६२
		ढंढ पिसाअ	७८७

तरंगवई	३१७, ३१९, ३२३	पालत्ती (भासा)	२३२
ताराउर	७६८, ७७०	पालित्त, पालित्तअ(सूरि)	१, ८०, ८१, ८४, ८६, ८८, ९२, ९३, १००,
तारायण	७७२	१०२, १०७, ११०, १३०, १४५,	
दंदुय	७८३, ८१९	२२९, २३०, २४१, २४८, २६०,	
दाहड	२१३	२९९, ३०४, ३१५, ३१६, ३२१,	
दुल्लहदेवी	३३४	३२३, ३२४	
दुल्लहराअ	७७०	पास-सामि	६४
देविंद	१३०, १३४, २१८	फुल्ल सेट्टी	७२
धम्म(राय)	४९७, ४९९,	बप्पहट्टि (सूरि)	१, ४०३, ४०८,
५१९, ५४८, ५५१, ५५६,		४०९, ४१९, ४२०, ४२४, ४२६, ४३१,	
५६८, ५७०		४३२, ४३९, ४४३, ४४४, ४५५, ४६१,	
नन्न आयरिय	६१६	४६३, ४६५, ४७७, ४८५, ४९८, ५०४,	
नयचक्र (गंथ)	३३७, ३३८,	५१३, ५१८, ५३०, ५४६, ५५५,	
३४२, ३४९, ३५०, ३५४,		५६१, ५६९, ५७६, ५७८, ६०५, ६०६,	
३५८, ३५९, ३८२, ३८३		६०९, ६२६, ६४७, ६५०, ६५६, ६८९,	
नरवाहन	२७०, २७१, २७२,	६९१, ७०३, ७१२, ७६४, ७७२, ८५३	
२९४, २९६, २९८		[बंभसंति]	३९२
नागज्जुण	२६९	बुद्ध	२०४, २०९
नागहत्थी सूरि	७५, ८५	बुद्धाणंद	३३१, ३६५, ३६८
नागावलोक	८१८	३६९, ३७३, ३७५, ३७७, ३७९	
नागावलय	६५२	भद्रकीर्त्ति	६०९
निमित्तपाहुड	११४, १२९	भरहवास	७१
पइट्ठाणपुर	२९८, ३०१	भरुयच्छ	१४६, १७३, १९३,
पंचाल	३१८, ३२२, ३२५-२६	१९९, २४०, २४४, २७०, २७५,	
पंसुपुर	११६	२८३, २८६, २९५, ३३०, ३६४, ३८०	
पाडलागाम	३८६, ४३५	भोअ	८२१, ८४७
पाडलिपुत्त	२१२	भोज	७८४

मन्नखेडय	११३, २३४, २३६, २४३, २५३, २६७	विक्रमाइच्च	२३
मम्मणसीह	१३३	विज्जापाहुड	११४, १४४, १४७
मल्ल (वादी)	१, ३३४, ३४०, ३४३, ३४७, ३५०, ३५१, ३५५, ३५७, ३६१, ३६६, ३७०, ३७८, ३८०	विलासनयर	१३१
महुरा	८७, २३५, २५६, २६६, ६८२, ७६९	विहप्फइ	३०३, ३०७, ३१५
महुरा-थुभ	७७७	वीरनाह (तित्थ)	३८२
मंगटोडा	८०२	वीरसामि-पंचासिया	७७३
मागह तित्थ	७९९	वुड्ढुवाइसूरि ३, ७, ८, १७, २१, ३५	
मुणिसुव्वय-(पडिमा)	१४६	वेज्जसामिणी देवी	२००
मोढ-वसही	७७०	सत्तुंजय	११२, २५६
मोढेर गच्छ	३८७	सब्भमई(नई)	३८६
मोढेरय, मोढेरपुर	३८९, ४००, ४४२	संकर	३०२
रायगिह	४९६	सालि, सालिवाहण	२७२, २७३, २७५, २८३, २८७, २९५, २९७
रुद्धदेव(आयरिय)	११६	सिद्धपाहुड	११४
लाडदेस	२३४	सिद्धसेण (दिवाकर)	१, ४, २२, ४३, ६६, ७०
वइरोट्टा(देवया)	७३, ७४	सिद्धसेणसूरि	३८७
वच्छायणसत्थ	६१९	सुद्धोयणि	२०५
वडुकअ	१५३, १६०, १६३, १७०, १९०, १९१, १९४	सुरट्टा	२३४
वद्धणकुंजर(वाई)	५७२, ५७६, ५९८, ६०४, ६०७	सुरनिम्मिय थुभ	७२२
वप्पइराअ	५९९, ६८१, ७१३, ७४६	सेत्तुंज	२६२
वलभी	२६१	सेयभिक्खु	६०९
वलही(पुर)	२३५, ३३३, ३६०	सोरट्टु	२३७, २३९
		हीरअ	३०६



નુકતેચીની

શ્રી હરિવલ્લભ ભાયાણી સાથેના નિબંધ વાર્તાવિહારમાં એકવાર શ્રી ભાયાણીએ પ્રસ્તુત પ્રબન્ધસંગ્રહનો ઉલ્લેખ કર્યો, ને એ વાત મેં પકડી લીધી. મારા આગ્રહથી તેમણે રમણીકભાઈ પાસે આ સંગ્રહને 'ફાઈનલ ટચ' અપાવ્યો. તેનું પરિશામ એટલે પ્રસ્તુત પુસ્તક.

આ પ્રબંધો પ્રેસમાં ગયા પછી, ખરેખર તો તેની બટર કોપી તૈયાર થઈ ગયા પછી, આ જ કૃતિની એક જૂની પ્રતિલિપિ ખંભાતના ભંડારમાંથી મળી આવી. આ મુદ્રણ તો ર.મ.શાહે પાટણના તાડપત્ર ઉપરથી કરેલી નકલના જ માત્ર આધારે થયું છે. અને આની બીજી પ્રતિ ક્યાંય હોવાનું હજુ સુધી કોઈના જાણવામાં પણ નથી આવ્યું. આથી જ, ખંભાતથી મળેલી નકલ કિંમતી લાગી. તેને જોતાં જ ખ્યાલ આવ્યો કે પ્રબન્ધચતુષ્ટયની જ આ નકલ છે, એટલું જ નહીં, પણ તેમાં જ્યાં જ્યાં ત્રુટિ છે, ત્યાં ત્યાં આ નકલમાં પણ તૂટેલું જ છે.

આમ છતાં, આ નકલની એક વિશેષતા જોઈ. તે એ કે એમાં પ્રથમ સિદ્ધસેન દિવાકર-કથાનક પદ્યાત્મક હતું, પછી આર્યકાલક તથા પાદલિપ્તસૂરિના કથાનકો ગદ્યાત્મક હતાં, અને તે પછી મલ્લવાદીસૂરિ તથા બપભટ્ટિસૂરિનાં કથાનકો પુનઃ પદ્યાત્મક હતાં. એમાં પાદલિપ્તસૂરિનું પદ્ય-કથાનક ન હતું, અને કાલકસૂરિનું કથાનક વધુ હતું. આ બન્ને ગદ્ય કથાનકો પૂરા થયા પછી, જ્યાં મલ્લવાદી કથાનકનો આરંભ થાય, ત્યાં સાંપ્રતં મલ્લવાદિ-કથાનકમુખવર્ણવતિ એવું શીર્ષક પણ એમાં જોવા મળ્યું.

દરમિયાન, ર.મ.શાહ સાથે થયેલી ચર્ચા મુજબ, પ્રસ્તુત કૃતિના પરિશિષ્ટરૂપે 'કહાવલિ'(કર્તા:ભદ્રેશ્વરસૂરિ) ગત, ઉપલબ્ધ ત્રણ આચાર્ય-કથાનકો મૂકવાનાં જ હતાં. એટલે ખંભાતની પ્રતિલિપિમાં મળતાં ગદ્યાત્મક અંશને કહાવલિવાળા ગદ્યાંશ સાથે સરખાવવાનું બન્યું. તો તત્કાળ સ્પષ્ટ થયું કે એ પ્રતિલિપિમાંનું ગદ્યાત્મક પાદલિપ્તકથાનક 'કહાવલિ'માંનું જ છે. એટલે મેં તો મનમાં જાગી તેવી શંકા શ્રીભાયાણી તથા ર.મ.શાહ સમક્ષ વ્યક્ત કરી કે શું આ બધા પ્રબન્ધો, તે 'કહાવલિ'ના જ અંશો તો નહિ હોય ?

જો કે આ માત્ર અટકળ જ ગણાય, અને એ માટે કોઈ પ્રમાણભૂત આધાર તો નથી જ. કેમકે એક જ કૃતિમાં એકના એક ચરિતો ગદ્યમાં પણ હોય, અને પદ્યમાં પણ મળે, તે કાંઈ શક્ય નથી. છતાં ખંભાતવાળી પ્રતિલિપિ કેટલાક પ્રશ્નાર્થ તો ખડા કરી જ જાય છે. અસ્તુ.

આ ચારે પ્રબંધોના નાયકો-આચાર્યોનું ચરિત્ર વર્ણન પ્રભાવક ચરિત્ર આદિ પ્રબંધ-ગ્રંથોમાં પ્રાપ્ત છે. પરંતુ, આ પ્રબન્ધ ચતુષ્ટયની તુલનામાં તે તમામ ગ્રંથો પશ્ચાદ્વર્તી કે અર્વાચીન છે, તે સ્વયં સ્પષ્ટ છે. તેથી તે દૃષ્ટિએ આ ગ્રંથનું મૂલ્ય વિશેષ ગણાવું જોઈએ. આ ગ્રંથ કહાવલિના અંશરૂપ ન હોય તો પણ, કહાવલિ-ગત ગદ્યાત્મક ચરિતોના પદ્યાત્મક અને વળી થોડા વિકસિત અવતારરૂપે તો તેને સ્વીકારવો પડે. અર્થાત્ કહાવલિ અને પ્રભાવક ચરિતાદિ એ બે વચ્ચેની સાંકળરૂપે આ ગ્રંથ હોઈ શકે, એમ માનવામાં વાંધો જણાતો નથી.

'કહાવલિ' એ અધૂરી અને ભ્રષ્ટ સ્વરૂપમાં મળતી, પ્રાકૃતભાષાની એક ઐતિહાસિક રચના છે, જે અદ્યાવધિ અપ્રગટ જ છે. તેમાંના આ ગ્રંથના વિષય સાથે મેળ ધરાવતા ત્રણ પ્રબંધો આ ગ્રંથમાં પરિશિષ્ટરૂપે પ્રથમવાર પ્રગટ થઈ રહ્યા છે, તે પણ અભ્યાસીઓ માટે ઉપયોગી નીવડે તેમ છે.]

-શીલચન્દ્રવિજય

ખંભાતની પ્રતિલિપિમાં કાલકકથા પણ છે, તે પરિશિષ્ટ-૪ તરીકે અહીં મૂકી છે. સંભવતઃ તે 'કહાવલિ' નો અંશ જણાય છે.

परिशिष्ट-४ कालकसूरि कथा

एवं च सुयसमिद्धो विचित्तचरिर्हं आगमपसिद्धो ।
कालगसूरी सक्केण वंदिओ एत्थ भणियं च ॥
सीमन्धरभणणाओ नियकहणेण रक्खियज्जो व्व ।
कालगसूरी वि दढं सविम्हयं वंदिओ हरिणा ॥

किं च -

अत्थि इहेव भारहे वासे तुरुमिणी नयरीए जियसत्तू राया । तस्स य कालयसूरि-भगिणीए भद्दा बंभणीए सुउ दत्तो नाम ओलग्गेइ । तेण य सव्वदोसनिहिणा वसीकया सव्वेवि जियसत्तुसेवगा । तओ उच्चासिओ राया समहिट्टियं से रज्जं । महारज्जलाभाइनिमित्तं च पारद्धमणाविहा (?) जणो (?जण्णो) । अण्णया य विहरमाणो अणेगसीसपरिवारे समोसरिओ से मामगो कालयज्जो । पारद्धं चाणेण वक्खाणं धम्मसद्धा[ए] कोऊहलाईइ य संपत्ता नागरया लोगा । एवं परा (?) एव भाउणो आगमणं सोऊण भणिओ दत्तो भद्दाए । वच्छ ! तुह माउलओ पडिवन्नसाहुर्लिगो इहागओ, ता तं गंतुं पणमन्तु । अवि य -

एक्कं सो तुह मामो, बीयं ठिओसेहिं (विउसेहिं ?) पूइओ पुण्णो ।

तइयं संगहियवओ ता पुत्त नयनसुतं (पणमसु तं) साहुं ।

जणणीउवराहोणयपयट्टो(रोहेण य पयट्टो) दत्तो । पत्तो तमुद्देसं । पुच्छिओ कालियज्जओ जण्णाण फलं । भगवया वि साहियं पंचिदियवहेणं नरगगमणं । पुणो जण्णाण फलं दुयरा(वा)राए पुच्छियं च, भगवया वि साहिओ अहिंसालक्खणो धम्मो । तइया य वाराए पुट्टेण साहिय(यं) पावकम्माण नरयाइफलं । चउत्थवारं रुट्टेण भणियं दत्तेण-भो किमेव(म)समंजसं पलवसि ? जइ किं चि सु(मु)णसि ता जण्णाण फलं साहेसु । भगवया भणियं - जइ एवं ता नरयफला जन्ना । ज(जे)ण महारंभयाए परिग्गहियाए ऊणिमाहारेणं पंचविदिय(पंचिदिय)- वहेणं जीवा नरयाउयं कम्मं निव्वत्तेति । एयाणि य जण्णकरणे संपज्जति । सोउं चेमं संजायरोसेण भणियं दत्तेण-कहं वियाणसि जहा नरगफलो(ला) जन्ता(त्रा) ?।

भगवया भणियं-नाणाइसयाउ । दत्तेण भणियं....(?) सत्तमदियहे कुंभीपागेण पच्चिहिंसि तुमं । एत्थ वि को पच्चओ ?। साहुणा भणियं-वठंमि (?) चैव सत्तमदिणे पढमं असुइणा विज्जालज्जिहिंसि । समुप्पण्णकोउवा(कोवा)नलेण य पुणो वि भणियं दत्तेण-कत्तो मुहमुच्च (तुह मच्चू ?) । मुणिणा भणियं-निरुवसगं विहरिऊणाहं कयकालो देवलोगं गमिस्सामि । सोउं चेमं कुविओ दत्तो - अरे ! पव्वइयाह ममेयं सुअसुव्वयणं सुरक्खियं करेज्जह । जेण सत्तमवासर एयं चिय कुंभीए ययानित्ति जोजिऊणा रक्खियनरे (अरे पच्चइया ! ममेयं सुणसु वयणं । [एयं] सुरक्खियं करेज्जह । जेण सत्तमवासरे एयं चिय कुंभीए पयामित्ति जोजिऊणारक्खियनरे) पविट्ठो धवला (? धवलहरे ?) । दवाविओ पडहो जहान सत्तवासराणि जाव नयरीए पुरीसो उज्झियव्वो । सत्तमदिणे य निरोहासहितुणा मालिएणो(ण) गणरायमग्गो(ग्गे) उज्झिऊण व(छा)इयं पुप्फकरंडएण । वोलीणाणि य सत्तवासराणित्ति सम्ममयाणंतो दत्तो सत्तमे यव्वास(च्चिय वास)रे आसय(च ?)डयरेण पयट्ठो साहुवहाओ(ए) । तुरि(र)य खुखुरणय (खरण्टएण ?) असु[इ]णा हसंतो विदालिओ । तओ अहो संवइओ पावसमणस्साएसोत्ति मण्णमाणो सो पयट्ठो नियगेहाभिमुहो । तत्थ य पविट्ठो दुस्सज्जोत्ति मण्णमाणा(णे)हिं विरत्तचित्तेहिं ससुभडेहिं वंचिऊण पुव्वाणीयजियसत्तुणो समुवणीउ दत्तो । तेणावि तेल्लाचू(पू ?)रियइ सुणह सणायाएक्कवल्लीए (?) छेदूण एको दुक्खमच्चुणा य मओ समाणो सो गउ नरां ति । कालयसूरी वि विहिणा कालं काऊण गओ देवलोगं ॥

॥ कालिगायरिउत्ति गयं ॥

(खंभात-प्रतिना आधारे
सं. मुनि शीलचन्द्रविजय)

कलिकालसर्वज्ञ श्री हेमचन्द्राचार्य नवम जन्मशताब्दी स्मृति
शिक्षण-संस्कार निधिनां प्रकाशनो

त्रिषष्टिशलाकापुरुषचरितमहाकाव्य-ग्रंथ १ (पुनर्मुद्रण)	संपा. मुनि चरणविजयजी	१९८७
"	ग्रंथ २ संपा. मुनि पुण्यविजयजी	
Studies in Desya Prakrit हेमसमीक्षा (पुनर्मुद्रण)	H. C. Bhayani मधुसूदन मोदी	1988 १९८९
हेमचंद्राचार्यकृत अपभ्रंश व्याकरण (सिद्धहेमगत) (द्वितीय संस्करण)	संपा. हरिवल्लभ भायाणी .	१९९३
हेम-स्वाध्याय-पोथी (डायरी)- विजयपालकृत द्रौपदीस्वयंवर (पुनर्मुद्रण)	पं. शीलचंद्र विजय गणि आद्य संपा. जिनविजयजी मुनि१९९३ संपा. शान्तिप्रसाद पंड्या	१९८९
कलिकाल सर्वज्ञ श्री हेमचंद्राचार्य स्मरणिका अनुसंधान-१, २ (अनियतकालिक)		१९९३ १९९३
अपभ्रंश व्याकरण (हिन्दी अनुवाद) आवश्यक-चूर्ण	प्रा. बिन्दु भट्ट संपा. मुनि पुण्यविजयजी मुद्रणाधीन सहायक रूपेन्द्रकुमार पगारिया	
प्रबंधचतुष्टय	संपा. रमणीक शाह	

नेमिनंदन ग्रंथमाळनां हमणांना प्रकाशन

अलंकारनेमि	मुनि शीलचन्द्रविजय	१९८९
हेमचंद्राचार्यकृत महादेवबत्रीशी-स्तोत्र	संपा. मुनि शीलचंद्रविजय	१९८९
श्रीजीवसमास-प्रकरण टीकाकार मलधारी हेमचंद्रसूरि	संपा. मुनि शीलचन्द्रविजय	१९९४
" (गुजराती अनुवाद)	चं. ना. शिनोरवाला	१९९४

प्राप्तिस्थान : सरस्वती पुस्तक भंडार, हाथीखाना, रतनपोल, अमदावाद-३८० ००१.
विजयनेमिसूरि ज्ञानशाला, पांजरापोल, रिलीफ रोड, अमदावाद-१.